

ÆGIDII FRANCISCI
DE GOTTIGNIES

Bruxellensis è Societate IESV
In Collegio Romano

MATHESEOS PROFESSORIS
EPISTOLARVM MATHEMATICARVM
LIBER PRIMVS.

AD ILLVSTRISSIMVM ET EXCELLENTISSIMVM
PRINCIPEM

D. LIVIVM
ODESCALCVM
CÆRE DVCEM
SANCTISSIMI DOMINI NOSTRI
INNOCENTII XI.
EX FRATRE NEPOTEM.



ROMAE, Typis Nicolai Angeli Tinaffij. M. DC. LXXVIII.

SVPERIORVM PERMISSV.

ALDOTT BRANSTON
DE GOTTRELL

WILLIAM & JAMES
In London

MAY BE HAD OF THE
AUTHOR OR OF THE
LONDON

D. L. V. M.

ODDSCALCUM
CARE DUM

SANCTUARY BOUNDARY
LONDON

EST. 1771

WILLIAM & JAMES
LONDON

^{MO}ILL: ET EXCELL: ^{MO}PRINCIPI
D. LIVIO ODESCALCO

AEGIDIVS FRANCISCVS DE GOTTIGNIES

Societatis Iesu

FELICITATEM.



RATVLARI maximè &
Tibi nominatim libet, &
Christianæ in vniuersum
Reipublicæ licet, Excel-
lentissime Princeps, Ti-
bi quòd peruetusta, clarif-
simaque Odescalca Familia laudatissimæ
institutioni Tuæ, viuudum, & efficax in
exemplum, Patrum Tibi prudentissimum,
grauissimumque progenuit: Christianæ
Reipublicæ, quòd Purpuratorum Patrum
conspirata, inspirataque Deo suffragia com-
munem, optimumque illi Parentem, IN-
NOCENTIVM XI. Pontificem Maxi-
mum, Sanctissimumque dedere, in quo,
quod insitum quidem in rebus omnibus esse
diffiteri non possumus, at in permultis latet,

Patruū exemplum laudanda semper facias
numero, pondere, & mensura, Tua tamen
decora ab vlllo numerari, expendi, æstima-
rique non pateris. In hoc porrò virtutis tuæ
tanto penetrati, adytoque persancto quid
faciam, nisi vt Religiosæ modestiæ exem-
plum à tam iuvene, tantoque Principe gran-
dis ipse vir, Religiosusque desumam? Dei-
que interim prouidentissimam Benignitatem
votis omnibus, & enixis rogem, vt adeò
non opportunum modò, sed necessarium
per hæc tempora Ecclesiæ suæ Præsidentem diu
sospitem, felicemque conseruet; Teque
simul, ad plurimorum præsidium, omnium-
que solatium, affluentius semper incolu-
mem, & solido cum fructu florentiorem effi-
ciat? Vota Deus è Cælo firmet. Vale.



LIBRI PRIM I
EPISTOLARVM MATH EMATICARVM
A R G V M E N T V M.



IN prima Epistola expenditur, vtrum recentiores Algebrę scriptores demonstra-uerint verum esse, quod ab antiquioribus inter Algebrę fundamenta, absque vlla probatione assumitur: nimirum signo $-$ affici debere productum quod oritur ex multiplicatione duarum quantitatũ, quarum altera signo $+$ altera signo $-$ afficitur; & præterea signo $+$ affici debere productum, quod oritur ex multiplicatione duarum quantitatũ, quę singulæ signo $-$ afficiuntur. Deinde consideratur vtrum huius fundamenti veritas conueniat cum reliquis Algebrę fundamentis.

In secunda Epistola proponitur ac demonstratur resolutio rigorosa quarundam compositarum æquationum.

In tertia Epistola traditur facilis modus componendi formulas, quibus vtimur in praxi proposita in appendice libri primi Logisticę, pro inuenienda quacunque radice proxima cuiusuis vulgaris numeri.

In quarta Epistola habentur varia theoremata spectantia ad numeros vulgares carentes aliqua radice;
vcl

vel ad quantitates inter se incommensurabiles :

In quinta Epistola proponuntur aliqua problema-
ta magis necessaria pro vsu numerorum radicalium .

In sexta Epistola demonstrantur singulæ propo-
sitiones libri primi & secundi Euclidis , methodo tra-
dita in nostra Logistica .

In septima Epistola , methodo tradita in nostra
Logistica , demonstrantur singulæ propositiones li-
bri septimi Euclidis .

His septem Epistolis accedit tractatus , qui per
plures annos inter priuata mea scripta delituit , in
quo affertur solutio nominatissimi problematis Me-
chanici quod totius Stereo-Staticæ fundamentum
est , *Quare & quomodo vires crescant per Vectem* .
Huius problematis solutio prius magis rigorosis dis-
cursibus Mathematicis stabilitur ; Deinde probatur
independenter ab omni Mathesi speculatiua , dis-
cursibus Physicis .

IOANNES PAVLVS OLIVA

Propositus Generalis Societatis IESV .

CVM Opusculum , cui titulus Epistolæ Mathematicæ P. Aegidij Francisci de Gor-
tignies nostræ Societatis Sacerdotis aliquot eiusdem Societatis Theologi recogno-
uerint , & in lucem edi posse probauerint , potestatem facimus , vt typis mandetur , si
ijs ad quos pertinet , ita videbitur . Dat. Romæ 7. Ianuarij 1678.

Ioannes Paulus Oliva .

IMPRIMATUR ,
Si videbitur Reuerendiss. P. Mag. Sac. Pal. Apost.

I. De Ang. Archiep. Urb. Vicefg.

IMPRIMATUR ,
Fr. Raymundus Capiluccus Ord. Prædicatorum Sac. Pal. Apost. Mag.
EPIS-

I

EPISTOLA PRIMA
ÆGIDIUS FRANCISCUS

DE GOTTIGNIES SOCIETATIS IESV

Mathematico Anonimo S.

*Respondetur ad Epistolam, sine authoris sui no-
mine, amica manu delatam: ideoque respon-
soria inscribitur, ad Mathematicum
Anonimum..*



Vmmopere me recrearunt priores li-
næ epistolæ tuæ: siquidem ex his
spem conceperam desiderati à me lu-
minis, quo conspicerem possem solidi-
tatem illius doctrinæ, quam multis
encomijs celebrari iam pridem scio:
ita tamen, vt hætenus ignorem, quo
titulo tantopere laudanda sit: mihiq; etiamnum videba-
tur solidis fundamentis destituta, quam tu asseris optime
fundatam, atque legitimis demonstrationibus innixam
subsistere. Fateris quidem D. Cartesium, capaciorem (vt
tu ais) intelligentia præditum, neglexisse humiliora eius
fundamenta: sed tamen asseris, illa ipsa fundamenta, sa-
tis feliciter, & amplè subministrata ab eius seguacibus
D. D. Schooten, Bartolino &c. atque ex his postremum,
clarè ac nitidè prima Cartesianæ Algebræ fundamenta

A

pro-

2 Epistola I. Notantur aliqua

proposuisse in opusculo quod inscribitur, *Principia Mathematicos* vniversalis, seu introductio ad Geometrie methodum Renati des Cartes*; ibidemque demonstratas proponi eas propositiones, quas in mea logistica Idea affirmare desiderari apud Algebrae expositores. Candide fateor quod citatum abs te opusculum necdum videram, quando tuas accepi: tamen hoc ipsum quod ad me scribis, mihi significauerat vir aliquis doctissimus atque mihi amicissimus; quam ob rem opusculum mihi prius ignotum quæsiui, ac tandem inueni. Vbi perlegi citatas, abs te demonstrationes, attonitus atque hæsitabundus substiti, hæc mecum animo voluens, fieri ne potest vt in substruccionibus Cartesianæ, atque tantis laudibus celebratæ Algebrae, tam enormes defectus inueniantur, quales mihi videre videor? an forte solus ego humilioribus assuetus, non assequor demonstrationes, quas approbant atque inter legitimas numerant doctores, subtilissimæ (vt ipsi aiunt) & prope diuinæ Algebrae. Quid dicam? aut me non videre, aut maxime palpabiles errores subtilissimis illis Geometris inperceptibiles esse, concedendum est. Post hæc, & huiusmodi pauca alia, dubius quid statuendum esset, decreui ad te mittere paucas aliquas subsequentes notas; vt ex illis statuas, an nostri (hoc est abs te in tua epistola citati) authoris demonstrationes, debeam admittere inter legitimas, & consequenter palinodiam canere in eo loco Idæe meæ logisticæ, in quo negaui ab Algebrae scriptoribus demonstratas esse propositiones pro quibus afferuntur. An verò à te concedendum sit, etiam tui Cartesij Algebrae, nostræ
logisticæ

logistica debere demonstrationes praedictarum propositionum, quae numerantur inter primaria atque praecipua eius fundamenta .

P R O P O S I T I O I.

— Ductum in \dagger producit —

Demonstratio auctoris nostri expressa scriptione usitata in nostra Logistica .

Esto $A - B$ ducendum in C , atque $A - B = E$: hinc utrobique addatur B , fiet $A = B \dagger E$. Iam quoniam aequales quantitates per eandem quantitatem multiplicatae producunt aequales : ideo si utrinque multiplicetur per C , etiam $A \text{ in } C = B \text{ in } C \text{ et } \dagger E \text{ in } C$: hoc est auferendo utrinque $B \text{ in } C$, etiam $A \text{ in } C \text{ et } - B \text{ in } C = E \text{ in } C$: quocirca cum statuatur $A - B = E$, & utraque parte ducta in C , producat $A \text{ in } C \text{ et } - B \text{ in } C = E \text{ in } C$, perspicuum fit — B ductum in $\dagger C$ producere — $B \text{ in } C$.

Respondetur, in proposito argumento nusquam inferri quod probandum erat : nimirum — ductum in \dagger producere — ; siue facta hypothese quod $B \text{ in } C = F$, tunc etiam $- B \text{ in } C = - F$: hoc enim probandum erat, sed nusquam inferitur ; illud vero quod toto discursu proposito tandem concluditur, nimirum — B ductum in $\dagger C$, producere — $B \text{ in } C$, manifestum est ex ipsa scriptione assumpta, sed nihil conducit ad finem auctori nostro pro-

4 Epistola I. Notantur aliqua
positum, siue ad stabiliendam propositionem, quam pro-
bandam assumpserat; quoniam vero propositum argu-
mentum tale est, vt ne quidem inferat conclusionem pro
cuius probatione adducitur: superfluum videtur reliquos
eius defectus annotare.

P R O P O S I T I O I I.

— Ductum in — producit ✚

*Demonstratio authoris nostri, expressa scriptio-
ne usitata in nostra Logistica.*

E Tenim si $A - B$ ducendum sit in $C - D$: ponen-
do vt ante $A - B = E$, erit productum ex $A - B$
in $C - D$, æquale producto ex E *in* $C - D$: id
est C *in* E *et* $- D$ *in* E : sed C *in* E , vt supra, æquatur
 A *in* C *et* $- B$ *in* C : vnde A *in* C *et* $- B$ *in* C *et* $- D$
in E , æquabitur producto ex $A - B$ *in* $C - D$. Porro
cum $A - B$ æqualis sit posita ipsi E , & utrâque parte du-
cta in D , productum A *in* D *et* $- B$ *in* D , æquetur pro-
ducto D *in* E : hinc si ex A *in* C *et* $- B$ *in* C , subtraha-
tur A *in* D *et* $- B$ *in* D , loco D *in* E , ei æquale; erit
iuxta regulam subtractionis, A *in* C *et* $- B$ *in* C *et* $- A$
in D *et* $† B$ *in* D , productum quæsitum; ex quibus li-
quet $- B$ ductum in $- D$ producere $† D$ *in* B .

*Consideratur proposita demonstratio
authoris nostri.*

Primo, si legitime demonstrata est authoris nostri propositio quæ in proposito discursu tandem inferitur, nimirum $-B \text{ in } -D = B \text{ in } D$: etiam inter legitime demonstratas propositiones admittendæ erunt illæ omnes, quæ ex prædicta alijsque legitimè demonstratis propositionibus rectè inferuntur: consideretur itaque subsequens discursus, qui si legitime inferat aliquam propositionem quæ admitti non possit ab authore nostro, neque præcedenseius propositio inter legitime demonstratas erit admittenda. Per authorem nostrum $-B \text{ in } -D = B \text{ in } D$: ergo $-B \text{ in } -B = B \text{ in } B$: iam vero iuxta authoris nostri doctrinam, vel $-B$ est aliquid maius aut minus quam B : vel certe $-B = B$; si primum, igitur maior quantitas ducta in seipsam æquatur minori quantitati ductæ in seipsam. Si secundum, quoniam æqualia ducta in idem producunt æqualia, singula ducendo in B , etiam $-B \text{ in } B = B \text{ in } B$. Quandoquidem igitur iuxta authoris nostri doctrinam, inter propositiones legitime demonstratas admitti non possit, aut maiorem quantitatem ductam in seipsam æquari minori quantitati ductæ in seipsam; aut $-B \text{ in } B = B \text{ in } B$; etiam inter demonstratas propositiones admittenda non est illa eius propositio in qua asserit $-B \text{ in } -D = B \text{ in } D$.

Ex his videtur satis manifestum, propositum authoris nostri discursum, demonstratiuum non esse; atque ab ipso
non

6 Epistola I. Notantur aliqua

non legitime probari, — B in — D = B in D; videndum tamen, in qua huius discursus parte defectus inueniatur. Ut hic error appareat, reflectendum est ad illam propositionem, in qua dicit, *hinc si ex A in C et — B in C subtrahatur A in D et — B in D, erit iuxta regulam subtractionis A in C et — B in C et — A in D et † B in D productum quæsitum*. Si nusquam ab autore nostro legitime demonstrata est subtractionis regula ex qua sequatur hæc illatio, manifestum est propositum discursum admitti non posse inter legitimos, atque demonstratiuos discursos; videndum igitur an assumpta subtractionis regula usquam legitime demonstrata proponatur. Ego certe apud authorem nostrum non inuenio vllam subtractionis regulam, quam conetur demonstrare, præter illam in qua hæc habet: *Ceterum ad subtrahendum quantitates diuersis literis denotatis oportet quantitates subducendas variatis signis connectere cum ijs a quibus subductio fieri debet, ut si subtrahi debeat C — D ab A † B, erit residuum A † B — C † D: variatis nempe signis quantitarum C et D*. Quidquid sit de discursu quo conatur hanc regulam stabilire: ego non video quomodo ex vi huius regulæ potius sequatur, *A in C et — B in C et — A in D et † B in D*, quam *A in C et — B in C et — A in — D et † B in — D* esse productum subtractionis, in qua ex *A in C et — B in C*, subtrahitur *A in D et — B in D*. Etenim quantitates quæ hoc casu subtrahendæ proponuntur, sunt quantitates repræsentatæ a scriptione *A in D et — B in D*: in qua scriptione per tres diuersas litteras A, B, D, tres diuersæ quantitates repræsentantur, atque in singulis

Circa Algebrae fundamenta. 7

lis mutando signa habetur productum A in C et $-B$ in C et $-A$ in $-D$ et $+B$ in $-D$: quod productum non inuat authoris intentum. Quod verò hoc casu non in singulis quantitatibus. representatis à scriptione subducenda, sed tantum in aliquibus mutanda sint signa, non exprimit prædicta regula, & consequenter ex vi prædictæ subtractionis regulæ, pro ut ab authore nostro proponitur, non sequitur legitime, quod in proposito discursu infertur; & quoniam præter hanc vnam. subtractionis regulam. nullam aliam conetur demonstrare, ne quidem conatur demonstrare subtractionis regulam quam assumit in discursu proposito, atque adeo discursus ille referri non debet inter legitime demonstratos.

Vidimus hic, inter subtractionis regulas quarum. demonstrationem author noster conatur afferre, non inveniri subtractionis regulam. quam in proposito suo discursu assumit: atque ex hoc capite resultantem eius defectum, ob quem demonstratiua non est sequela quæ supponit subtractionis regulam. Placet modo considerare: an hæc ipsa sequela non repugnet eiusdem authoris regulis ad subtractionem pertinentibus, atque ita manifestis, ut superfluum illi videatur eas demonstrare. In quem finem resumo eius discursum, substituendo tamen pro quantitatibus indeterminatis, quantitates determinatas; siue pro litteris A, B, C, D , substituendo numeros $8, 7, 3, 9$. Sit igitur $8 - 7$ ducendum in $3 - 9$: Quandoquidem $8 - 7 = 1$, erit productum ex $8 - 7$ in $3 - 9$, a quale producto ex 1 in $3 - 9$, id est ex 3 in 1 et -9 in 1 : sed 3 in $1 = 3$ et -9 in $1 = -9$: unde 8 in 3

8 Epistola I. Notantur aliqua

3 et — 7 in 3 et — 9 in 1 æquabitur producto ex 8 — 7 in 3 — 9. Porro cum $8 - 7 = 1$, & utrâque parte ducta in 9, productum ex 8 in 9 et — 7 in 9 æquetur producto ex 9 in 1, hinc si ex 8 in 3 et — 7 in 3 subtrahatur 8 in 9 et — 7 in 9, loco 9 in 1: erit iuxta regulam subtractionis $8 \text{ in } 3 \text{ et } - 7 \text{ in } 3 \text{ et } - 8 \text{ in } 9 \text{ et } + 7 \text{ in } 9$, productum quesitum; ex quibus liquet, — 7 in — 9 producere 7 in 9. Si legitimus atque demonstratiuus est prior authoris nostri discursus, in quo adhibet litteras A, B, C, D indeterminatè significantes quaslibet quâtitates, adeoque quoslibet numeros: certe negari non poterit etiam legitimus atque demonstratiuus esse discursus hic propositum: quandoquidem a priori non alter differat, quam quod pro litteris quoslibet numeros representantibus substituti sint numeri indeterminate significati per ipsas litteras. Consideretur itaque legitimi huius discursus illa propositio ad numeros restricta, quam paulo ante considerauimus non restrictam ad numeros, quæque talis est; hinc si ex 8 in 3 et — 7 in 3, subtrahatur 8 in 9 et — 7 in 9, loco 9 in 1: erit iuxta regulam subtractionis, $8 \text{ in } 3 \text{ et } - 7 \text{ in } 3 \text{ et } - 8 \text{ in } 9 \text{ et } + 7 \text{ in } 9$, productum quesitum. Igitur iuxta authorem nostrum ex 8 in 3 et — 7 in 3, subtrahi potest 8 in 9 et — 7 in 9: sed $8 \text{ in } 3 \text{ et } - 7 \text{ in } 3 = 3$, item $8 \text{ in } 9 \text{ et } - 7 \text{ in } 9 = 9$: igitur iuxta authorem nostrum ex numero 3 subtrahi potest numerus 9: atque adeo ex minori numero subtrahi potest maior numerus: igitur falsa est illa eius subtractionis regula in qua pag. 3. in fine asserit, notandum in eiusmodi quantitatibus subtractione, oportere quantitatem illam que ex
alia

Circa Algebrae fundamenta. 9

alia subtrahi debet, esse minorem &c. & tamen hanc regulam ita euidentem arbitratur, ut ne quidem tentet eam demonstrare.

Haecenus notatis circa authoris nostri discursum in quo intendit probare — $B \text{ in } - D = B \text{ in } D$, addi potest, eam propositionem legitimè demonstratam dici non posse, si iuxta eundem authorem non habeat sensum intelligibilem. Consideremus igitur an iuxta ipsum habeat sententiam intelligibilem. Verum maioris claritatis gratia, iterum pro litteris B & D , substituamus numeros, nimirum 2 & 4. Quod igitur demonstrare intendit, est, minus duo ductum in minus quatuor, producere idem quod producit ex numero duo, ducto in numerum quatuor. Quid in hac propositione significat *minus duo*, vel *minus quatuor*? respondet author noster *minus* & *sublatum* idem significare, atque conformiter ad hanc responsionem, intendit demonstrare, quod duo sublatum, ductum in quatuor sublatum, producat idem quod producit duo ductum in quatuor. Certè iuxta communia principia non potest intelligi duo sublatum, nisi ex aliquo sublatum intelligatur; quid vero sit illud ex quo duo sublatum intelligi debeat, quando expressè non additur ex quo sublatum intelligendum sit, nusquam exponit: adeoque non tradit illud quod necesse foret ut propositio quam intendit probare, haberet sensum intelligibilem, & consequenter iuxta eius doctrinam intelligibilem sensum non habet propositio quam intendit probare. Memini quidem P. Clavius aliosque nonnullos numerosè Algebrae scriptores huiusmodi loquutiones adhibere, atque ita exponere ut *minus duo*, siue *duo sublatum*, significet duo

10 Epistola I. Notantur aliqua

sublatum ex nihilo : hoc est numerum aliquem chimaricum, duabus vnitatibus minorem ipso nihilo : ac similiter *quatuor sublatum*, siue *minus quatuor*, significare numerum quatuor vnitatibus minorem nihilo ; quoties enim aliquid dicitur *minus* aut *sublatum*, ita tamen vt non exprimatur illud, quo minus, vel ex quo sublatum intelligi debeat, hoc quod minus aut sublatum dicitur : tunc subintelligi volunt ipsum nihil, ita vt ipso nihilo minus, siue ex ipso nihilo sublatum intelligatur. Si in hunc modum intelligendi sunt numeri qui ab authore nostro dicuntur sublari, quando non exprimitur ex quo alio numero sublari debeant intelligi, sensum aliquem habebit paulò antè memorata propositio quam intendit probare: eritque sensus eius quod numerus duabus vnitatibus minor ipso nihilo, ductus in numerum quatuor vnitatibus minorem ipso nihilo, producat illud idem quod producit ex numero duabus vnitatibus maiore nihilo, ducto in numerum quatuor vnitatibus maiorem nihilo. Profecto si hanc propositionem demonstrauit, operæ pretium aliquid præstitit. Etenim inter propositiones ab antiquioribus Mathematicis demonstratas vna inuenitur, quæ asserit, inter se æqualia esse quæ singula in se ducta producant æqualia : quare si etiam ab authore nostro demonstratum sit, numerum duabus vnitatibus minorem nihilo ductum in se, & numerum duabus vnitatibus maiorem nihilo ductum in se, producere æqualia : constabit planè noua propositio, atque hætenus inauditum paradoxum, quod ex his præmissis immediatè patet : nimirum numerum duabus vnitatibus minorem nihilo, æquari numero duabus vnitatibus maiori nihilo : siue $-2 = 2$,

Circa Algebrae fundamenta. 11

ex quo ulterius sequeretur $-2 \text{ in } 2 = 2 \text{ in } 2$: æqualia enim in idem ducta producere æqualia admittit author noster : atqui $2 \text{ in } 2 = 4$, & inter se æqualia sunt, quæ eodem tertio æquantur : igitur etiam $-2 \text{ in } 2 = 4$: quod planè repugnat doctrinæ nostri authoris ; etenim in ea propositione quam primo loco considerauimus (ab ipso propositam quidem, sed non legitime demonstratam) docetur verum quidem esse quod $-2 \text{ in } 2 = -4$, ità tamen ut falsum sit quod $-2 \text{ in } 2 = 4$. Ne inter vniuersalis Mathematicos fundamenta proposita ab authore nostro, admitteñt fiat huiusmodi propositiones sibi inuicem repugnantes, atque contrariæ : malo ego credere ab authore nostro propositas propositiones cum sensum non admittere, in quo ut diximus, ab aliquibus numerosæ Algebrae scriptoribus intelliguntur, sed eas propositiones, vel nulli, vel solis speciosæ Algebrae scriptoribus intelligibilem sensum habere.

Verum quidquid sit de sensu illo mysterioso atque solis Algebrae speciosæ scriptoribus reseruato, in quo intelligi possunt prædictæ propositiones ; placet ex ipsis illis propositionibus aliam doctrinam inferre, planè repugnantem fundamentis antiquioris atque solidioris Geometriæ. Supponantur igitur veræ, illæ duæ propositiones quas considerandas suscepimus, quasque nunquam veras, sed tantum legitime demonstratas negauimus. Quoniam ex prima propositione $-2 \text{ in } 2 = -4$, & tamen $-2 \text{ in } 2 \text{ non } = 4$: etiam $-4 \text{ non } = 4$; ergo $-2 \text{ non } = 2$: ergo -2 , est aliquid maius, vel aliquid minus quam 2. Præterea iuxta secundam propositionem $-2 \text{ in } -2 = 2 \text{ in } 2$: ergo iuxta Euclidis prop. 19. lib. 7. etiam $-2 \text{ ad } 2 = 2 \text{ ad } -2$:

12 Epistola I. Notantur aliqua

ergo antecedens, nimirum minus duo, ad consequens duo: habet eandem rationem, quam habet antecedens duo, ad consequens nimirum minus duo: sed iam ostendimus minus duo esse aliquid maius, vel certè aliquid minus quam duo; ergo antecedens maius consequente, ad suum consequens: habet eandem rationem, quam antecedens quod est minus consequente, habet ad suum consequens. Noua profecto atque Euclidi, Archimedi, alijsque antiquioribus Geometris prorsus incognita doctrina: ex qua vltcrius sequeretur.

Primò. Dari posse duas rationes quarum vna sit ratio maioris inæqualitatis, hoc est ratio in qua antecedens est maius consequente: altera sit ratio minoris inæqualitatis, hoc est ratio in qua antecedens est minus consequente: ità tamen vt istæ duæ rationes sint æquales inter se. Tales enim rationes forent -2 ad 2 & 2 ad -2 ; atque singulæ binæ rationes quarum termini non aliter inter se differunt, quam quod vnius rationis, solus antecedens terminus: alterius rationis, solus consequens terminus, signo $-$ afficiatur.

Secundo. Dari posse quatuor terminos discretim proportionales sic vt singuli extremi termini sint maiores singulis medijs terminis. Tales enim termini erunt subsequentes quatuor, quorum primus sit -2 , secundus 2 , tertius 2 , quartus -2 ; vel certè quatuor subsequentes quorum primus sit 2 , secundus -2 , tertius -2 , quartus 2 ; ac præterea tales erunt singuli quatuor termini qui non aliter inter se differunt, quam quod soli duo extremi, vel soli duo medijs, afficiantur signo $-$:

Tertiò. Quoniam rectangulum sub extremis æquatur
rectan-

rectangulo sub medijs, & quatuor proportionalium terminorum singuli extremi possunt esse maiores singulis medijs: etiam rectangulum sub duabus lineis maioribus, poterit esse æquale rectangulo sub duabus lineis minoribus.

Denique ruit, & falsa esse conuincitur, vniuersa de proportionibus doctrina ab antiquioribus Geometris tradita, atque communiter adhibita, etiam ab ipso autore nostro, & præsupposita in sua Mathesi, reuera maximè vniuersali: quippe quæ longo interuallo prætergressa limites cuiusuis alterius Matheseos, aut scientiæ vllò vnquam tempore tradita: intelligibilia, & non intelligibilia, vera & falsa, contraria & contradictoria simul amplexi, atque inter se conciliare conuincitur: si concedatur, ab eius autore legitime demonstrata esse, propria ac præcipua quibus innitur fundamenta: atque erronea non esse hæctenus allata a nobis argumenta.

Ad plura prouocandum cohibeo: satis enim multa notaui circa citatas abs te propositiones; immo ex his amplius aliquid intuli, quam mihi probandum erat; proderunt tamen paulò fufius a me notata; vt non tantum intelligas quis inter partes contrarias aberret, sed præterea facile aduertat, quanti momenti error sit, atque commodè inferas defectus demonstrationum, quæ pro commemoratis duabus propositionibus afferuntur a quibusdam alijs Algebrae scriptoribus; quamquam non immeritò suspicari possum in illis etiam tibi minime satisfactum esse: quandoquidem a te silentio inuoluantur; easdemque tibi proponere, aut seorsim considerare planè superfluum duxi. Denique si forte ex allatis argumentis aliqua tibi videantur aduersari, in Logistica

14 Epist. II. De resolutione quarundam
istica mea traditæ doctrinæ: in qua etiam statuitur — du-
ctum in \dagger producere —: & præterea — ductum in — produ-
cere \dagger ; rogatum te velim, vt reflectas ad significationem
quam in mea Logistica habent signa \dagger & —; quæ significa-
tio, planè diuersa est ab illa quam habent apud Cartesium;
deinde paulò attentius perlegendo fundamenta, ex quibus
in idea meæ Logisticæ deducuntur, atque demonstrantur,
prædictæ duæ propositiones: non difficulter aduerter, mihi
nullatenus aduersari, quæ hætenus a me allata sunt contra
doctrinam abs te indicatam, atque tuo iudicio legitimam:
sed nisi ego fallor, planè erroneam. Vale

EPISTOLA SECVNDA
AEGIDIVS FRANCISCVS DE GOTTIGNIES

Societatis Iesu.

D. GRIMALDO DE NOBILIBVS. S.



Ateor, virorum in Algebra versatorum;
diuersas Epistolas ad me delatas, testari:
non ab alijs vsitatum, sed mihi proprium
esse modum soluendi æquationes com-
positas, de quo agitur in quarta parte
Epistolæ, quæ comitatur priores libros
meæ Logisticæ; cur igitur inquis, non stas promissis, &
rei tuæ ad te spectantem curam suscipiendo, problema non
proponis ac demonstras, sub ea vniuersalitate, quam insi-
nuas ipsi conuenire? hæ sunt expostulationes tuæ. Ve-
rum

Compositarum æquationum. 15

rum te ipsum testem appello : quoties huius problematis necessitas sese obtulit tibi , qui & in Arithmetica & in Geometria ; tam multa atque maximè ardua superasti : & ex his quam plurima exornasti nouis demonstrationibus propositis stylo vsitato in mea logistica? certè si hæc necessitas parua , & planè infrequens ; repræhendi non debeo , si vtilioribus exponendis occupatus , hæcenus neglexi cultum quem requirebat rudi modo propositum problema . Verum vt tibi obtemperem , mitto problema sub ea quam indicaui vniuersalitate propositum , solutum , atque demonstratum . Tu inquire aliud simile , pro æquationibus in quibus tres numeri denominati diuersum denominatorem habentes , æquantur alicui numero cognito ; vel saltem demonstratas remitte , nonnullas alias ex compositarum æquationum resolutionibus ; quas superba , sed reuera pauper Algebra , iam pridem in lucem edere potuit , hæcenus tamen requisitis demonstrationibus dotare non potuit .

Nota primo . Iuxta nostram Logisticam , signa $+$ & $-$, in quantum sunt characteres compositionis , æquivalent his vocibus *simulcum* : quibus vocibus ad longum scriptis vtor in aliquibus propositionibus , vt euadant magis vniuersales , atque amplectantur omnes casus , quorum diuersitas resultat ex eo , quod numeros denominatos atque compositos constituentes partes , sint numeri positiui vel negatiui .

Nota secundo . Quando numerus vulgaris representatur per aliquam alphabeti litteram , indicat siue significat numeratorem aut denominatorem alicuius dignitatis : ipsa dignitas , maiuscula littera exprimitur : singulæ vero litteræ repræ-

16 Epist. II. De resolutione quarundam
 repræsentantes numeratorem aut denominatorem dignita-
 tis, minuscula littera repræsentantur; cæterum eadem lit-
 tera, siue maiuscula siue minuscula repræsentetur semper
 eundem numerum significat. Denique o , semper hic re-
 præsentat characterem oppositionis.

Propositio I.

Singulæ litteræ, d, e, g, m, n , repræsentent vulgares
 numeros: duo tamen numeri m & n , sint integri: at-
 que numerus m sit duplus numeri n . Denique $d A n$ simul
 cum $e A m$ æquetur numero G .

Dico primo. $e A n$ simul cum $g A o n = D$; ac præter-
 rea numerum D , esse aggregatum numerorum $e A n$ & g
 $A o n$: si in data æquatione numeri $e A m$ & G , dissimili-
 bus signis afficiantur. Vel numerum D , esse differentiam
 numerorum $e A n$ & $g A o n$: si in data æquatione nume-
 ri $e A m$ & G , similibus signis afficiantur.

Dico secundo. $e A n$ in $g A o n = G$ in E .

Demonstratur prima pars. Per hypothefim $d A n$ simul
 cum $e A m = G$: sed quoniam per hypothefim denomina-
 tor m est duplus denominatoris n , patet, $e A m = e A n$ in
 $A n$: ergo $d A n$ simul cum $e A n$ in $A n = G$: ergo singula
 huius æquationis membra diuidendo per eundem nume-
 rum $A n$, etiam $\frac{d A n}{A n}$ simul cum $\frac{e A n}{A n}$ in $\frac{G}{A n}$: sed $\frac{d A n}{A n} = D$
 item $\frac{e A n}{A n}$ in $A n = e A n$: item $\frac{G}{A n} = g A o n$: ergo, D simul
 cum $e A n = g A o n$: ergo $e A n$ simul cum $g A o n = D$:
 quodque in hac vltima æquatione numeri $e A n$ & $g A o n$,
 conueniant quo ad signa $+$ vel $-$, si in data æquatione nu-
 meri

Compositarum æquationum. 17

meri $e A m \& G$ differant quo ad signa \dagger vel $-$; aut è contra, quod in hac vltima æquatione numeri $e A n \& g A o n$ different quo ad signa \dagger vel $-$, si in data æquatione numeri $e A m \& G$, conueniant quo ad signa \dagger vel $-$: sed si in vltima æquatione numeri $e A n \& g A o n$, conueniant quo ad signa \dagger vel $-$, manifestum est, numerum D esse aggregatum numerorum $e A n \& g A o n$: & similiter si in vltima æquatione numeri $e A n \& g A o n$, differant quo ad signa \dagger vel $-$, patet numerum D esse differentiam numerorum $e A n \& g A o n$: igitur $e A n$ simul cum $g A o n = D$, & præterea numerus D est aggregatum numerorum $e A n \& g A o n$, si in data æquatione numeri $e A m \& G$ differant quo ad signa \dagger vel $-$; aut è contra numerus D , est differentia numerorum $e A n \& g A o n$, si in data æquatione numeri $e A m \& G$, conueniant quo ad signa \dagger vel $-$. Vt asseritur in prima parte.

Demonstratur secunda pars. Ex ipsa terminorum intelligentia patet, quod $e A n \text{ ad } E = A n \text{ ad } I$: sed etiam $A n \text{ ad } I = I \text{ ad } A o n$: ergo $e A n \text{ ad } E = I \text{ ad } A o n$: atqui etiam $I \text{ ad } A o n = G \text{ ad } g A o n$: ergo $e A n \text{ ad } E = G \text{ ad } g A o n$: ergo per axioma 3 partis 4. idem $e A n$ in $g A o n = C$ in E . Vt asseritur in secunda parte.

Propositio II.

Q Valescunque sint numeri X et Z , quorum differentia sit D , atque X in $4 Z$ et $\dagger D 2 = P$.

Dico radicem primam numeri P , æqualem esse aggregatum numerorum $X \& Z$.

18 Epist. II. De resolutione quarundam

Constructio $X - Z = D$: quod supponi posse immediate patet ex ipsa hypothese.

Demonstratio. Per theor. 1. appendicis lib. 2. Logisticae. $X + Z q = X - Z q$ et $+ X$ in $4 Z$: sed quia per constructionem $X - Z = D$, etiam $X - Z q = D_2$: ergo $X + Z q = D_2$ et $+ X$ in $4 Z$: sed per hypothese, D_2 et $+ X$ in $4 Z = P$: ergo $X + Z q = P$: ergo $X + Z = R_1 * P$: ergo $R_1 * P =$ aggregato numerorum X & Z . Quod erat demonstrandum.

Propositio III.

Sint quaecunque numeri X & Z , quorum aggregatum sit D , atque D_2 et $- X$ in $4 Z = P$.

Dico radicem primam numeri P , æqualem esse differentiae numerorum X & Z .

Constructio. Scriptio $X - Z$, exhibeat differentiam numerorum X & Z : quod supponi posse, manifestum est ex ipsa hypothese.

Demonstratio. Per hypothese $D = X + Z$: ergo $D_2 = X + Z q$: sed per theor. 1. appendicis lib. 2. Logisticae $X + Z q = X_2 + Z_2$ et $+ X$ in $2 Z$: ergo $D_2 = X_2 + Z_2$ et $+ X$ in $2 Z$: ergo D_2 et $- X$ in $2 Z = X_2 + Z_2$: sed quia per theor. 1. appendicis lib. 2. Logisticae, etiam $X - Z q = X_2 + Z_2$ et $- X$ in $2 Z$, patet $X - Z q$ et $+ X$ in $2 Z = X_2 + Z_2$: ergo D_2 et $- X$ in $2 Z = X - Z q$ et $+ X$ in $2 Z$: ergo per antithese patet D_2 et $- X$ in $4 Z = X - Z q$: sed per hypothese D_2 et $- X$ in $4 Z = P$: ergo $P = X - Z q$: ergo $R_1 * P = X - Z$: ergo $R_1 * P =$ differentia

ferentiæ numerorum X & Z. Quod erat demonstrandum.

Problema.

Proposita sit quæcunque æquatio composita atque consistens inter aliquem numerum cognitum, & duos numeros denominatos, quibuscunque signis affectos: ita tamen, ut duo isti numeri denominati habeant eandem dignitatem: ac præterea unius numeri denominator, sit duplus denominatoris alterius numeri denominati. Siue supposito quod sint duo numeri denominati $d A n$ & $e A m$, in quibus litteræ d & e repræsentent indeterminatè quolibet duos numeratores expressos numeris vulgaribus: & præterea litteræ, n & m , repræsentent eorundem denominatorum numerorum denominatores, ita tamen ut denominator m sit duplo maior denominatore n : denique $d A n$ simul cum $e A m =$ cognito numero G : qualiacunque tandem signa sint, quibus afficiuntur numeri constituentes æquationem.

Oporteat resolvere propositam æquationem; siue inuenire valorem singulorum numerorum denominatorum $d A n$ & $e A m$.

Solutio. Si in proposita æquatione, numeri $e A m$ & G , similibus signis afficiantur: inueniatur numerus P , qui sit aggregatum numerorum $D 2$ & G in $4 E$. Verum si in proposita æquatione, numeri $e A m$ & G , dissimilibus signis afficiantur inueniatur numerus P , qui sit differentia numerorum $D 2$ & G in $4 E$. Deinde inueniantur duo

20 Epist. II. De resolutione quarundam

numeri X & Z , ita vt numerus X sit æqualis dimidio aggregati duorum numerorum, quorum vnus sit $R \ 1 * P$, alter sit D : atque eorundem duorum numerorum differentie æqualis sit numerus Z . Tertio inuēntis, vt dictum est numeris X & Z , verum erit quod vni ex his duobus numeris X vel Z , æqualis erit, numerus denominatus $e \ A \ n$: adeoque cognito valore numeri denominati $e \ A \ n$, ex dictis cap. 6. lib. 1. Logisticæ, patet quomodo inueniri possit valor singulorum numerorum $d \ A \ n$ & $e \ A \ n$: quorum valor erat inueniendus.

Nota primo. Numerus denominatus $e \ A \ n$, quem diximus æqualem esse vni ex duobus numeris X & Z , constat ex numeratore qui conuenit numero denominato in æquatione proposito, habenti maiorem denominatorem: atque ex minori denominatore, & communi dignitati duorum numerorum denominatorum qui in proposita æquatione inueniuntur.

Nota secundo. Si inuentus, vt dictum est numerus P , vulgaris sit, atque per appendicem lib. primi Logisticæ, inueniri possit eius valor: commodum erit hunc valorem prius inuenire, atque substituere loco $R \ 1 * P$. Verum si per praxim in dicta appendice traditam inueniri non possit radix prima numeri P : etiam numeris vulgaribus exponi non poterit valor numeri denominati $e \ A \ n$: atque hoc casu ad vltiorem problematis solutionem vltra dicta cap. 6. lib. 1. Logisticæ, requiri potest aliquid spectans ad modum inueniendi vnum numerum radicalem æquiualentem pluribus, signis $+$ vel $-$, aut particulis *in* vel *per* connexis: de quo agimus in consideratione numerorum incommensurabilem.

Nota

Compositarum æquationum. 21

Nota tertio. In quolibet casu, certo statui non potest, quis ex inuentis numeris X & Z , æqualis sit numero denominato $e A n$: neque etiam illud necessarium est pro intenta problematis solutione: pro qua abunde sufficit, quod constet vnum ex duobus inuentis numeris X vel Z , æqualem esse numero denominato $e A n$; si enim supponendo quod exempli gratia $e A n = X$, per dicta cap. 6. lib. 1. Logisticæ inueniendo valorem duorum numerorum denominatorum qui in vna æquationis parte inueniuntur, habeatur numerus æqualis illi, qui inuenitur in altera propositæ æquationis parte; iam certum erit $e A n = X$. Si vero hoc modo non inueniatur numerus æqualis illi, qui in altera propositæ æquationis parte inuenitur, tunc certum erit $e A n = Z$.

Nota quarto. Diximus in quolibet casu certò statui non posse quis ex numeris X & Z , æquetur numero denominato $e A n$; si placet hos casus scire, & intelligere quid de singulis verum sit: aduerte, quod si in proposita æquatione $d A n$ simul cum $e A m = G$: numerus G cognitus, qui in vna parte inuenitur, non sit positivus: ex antithesi patet quod non vitabitur æquatio si numerus G fiat positivus, dummodo singuli reliqui numeri $d A n$ & $e A m$ fiant negatiui si fuerint positivi; vel fiant positivi si fuerint negatiui, iam vero supposito quod numerus G , hoc est numerus cognitus qui inuenitur in vna parte propositæ æquationis, sit positivus: adhuc tres diuersi casus possunt occurrere: quorum primus est, vt singuli numeri denominati $d A n$ & $e A m$ sint positivi. Secundus casus est, vt numerus $e A m$ habens maiorem denominatorem sit positivus, & alter numerus

22 Epist. II. De resolutione quarundam

merus d A n habens minorem denominatorem sit negatiuus. Tertius casus est si numerus e A m habens maiorem denominatorem sit negatiuus, & alter d A n habens minorem denominatorem sit positiuus. In primo casu numerus e A n æquatur minori ex numeris X & Z. In secundo casu numerus e A n æquatur maiori ex numeris X & Z. In tertio casu, ex ijs quæ in proposito problemate supponuntur cognita, non potest certo statui, cui ex numeri X & Z æquetur numerus e A n.

Propositi problematis solutio a nobis allata, duos habet casus: in primo numeri e A m & G afficiuntur signis similibus. In secundo casu, iidem illi numeri e A m & G afficiuntur signis dissimilibus; claritatis gratia in singulis casibus seorsim demonstro problematis resolutionem.

Demonstratur solutio in primo casu. Per hypothesim d A m simul cum e A m = G, & insuper numeri e A m & G habent signa similia: ergo per primam propositionem, etiam e A n simul cum g A o n = D, & insuper D est differentia numerorum e A n et g A o n: sed etiam per primam propositionem e A n in g A o n = G in E: ergo cum per hypothesim P = D 2 et † G in 4 E, etiam per secundam propositionem R 1 * P = aggregato numerorum e A n et g A o n; igitur per theor. 1. propositum pagina 89 Logisticæ aggregatum numerorum $\frac{R_1 \cdot P}{1}$ et $\frac{D}{1}$ hoc est numerus X, æquatur maiori ex numeris e A n et g A o n, earumdemque numerorum minori, æquatur differentia numerorum $\frac{R_1 \cdot P}{1}$ & $\frac{D}{1}$ hoc est numerus Z: ergo numerus e A n æquatur vni ex numeris X vel Z. Vt dicitur in solutione problematis in primo casu; atq; ex his patet reliqua solutio.

Demon-

Compositarum æquationum. 23

Demonstratur solutio in secundo casu. Per hypothesin d *A n simul cum* e *A m* = G, & insuper numeri e *A m* & G habent signa dissimilia: ergo per primam propositionem, etiam e *A n simul cum* g *A o n* = D, & insuper D est aggregatum numerorum e *A n* & g *A o n*: sed per primam propositionem, etiam e *A n in* g *A o n* = G in E: ergo cum per hypothesin P = D 2 et † G in 4 E, etiam per tertiam propositionem R 1 * P = differentia numerorum e *A n* & g *A o n*: igitur per theor. 1. positum pagina 89. Logistica, aggregatum numerorum $\frac{R_1 + P}{2}$ & $\frac{D}{2}$, hoc est numerus X æquatur maiori ex numeris e *A n* & g *A o n*, eorumdemque numerorum minori, æquatur differentia numerorum $\frac{R_1 + P}{2}$ & $\frac{D}{2}$, hoc est numerus Z ergo numerus e *A n* æquatur numero X vel numero Z. Vt dicitur in solutione problematis in secundo casu; atque ex his iterum manifesta est reliqua solutio: & demonstratur quod erat propositum.

Placet hic addere pauca aliqua exempla propositi problematis, in quibus tamen non perueniatur ad numeros radicales, quorum valor exponi non potest per vulgares numeros.

Primo. Proposita sit æquatio in qua $5A^2 + 6A = 63$. quoniam numeri $5A^2$ & 63 , similibus signis afficiuntur: inueniendum est aggregatum ex numero 6 ducto in se, & ex numeris $63, 5, 4$ simul multiplicatis: hoc est aggregatum ex numero 36 & 1260 ; quod aggregatum erit numerus 1296 ; huius aggregati radix prima est 36 ; quare numerus denominatus $5A =$ vni ex duobus numeris $\frac{16}{3} + \frac{6}{3}$ vel $\frac{16}{3} - \frac{6}{3}$, hoc est vni ex duobus numeris 21 vel 15 ; & licet iuxta notam 3. certum sit quod numerus denominatus

$5A$

24 Epist. II De resolutione quarundam

5 A 1 æquetur minori ex inuentis duobus numeris 21. et 15, hoc est numero 15: tamen neglecta hac nota, atque supposito quod 5 A 1 = 15, infero 6 A 1 = 18, & præterea 1 A 1 = 3: adeoque 1 A 2 = 9: ex quo patet 5 A 2 = 45, ac denique 5 A 2 + 6 A 1 = 45 + 18 = 63; quod quia etiam verum est iuxta propositam æquationem, constat 5 A 2 = 45: & 6 A 1 = 18. Si suppositum fuisset quod 5 A 1 = 21: sequitur 6 A 1 = $\frac{22}{5}$, ac præterea 1 A 1 = $\frac{7}{5}$: adeoque 1 A 2 = $\frac{49}{5}$: ex quo infertur 5 A 2 = $\frac{245}{5}$: ac denique 5 A 2 + 6 A 1 = $\frac{245}{5} + \frac{12}{5} = 113 \frac{10}{5}$; quod verum non est iuxta propositam æquationem: adeoque falsa est suppositio assumpta nimirum, quod 5 A 1 æquetur maiori ex numeris 21 & 15: adeoq; constat 5 A 1 = 15. Ut prius suppositum fuerat.

Secundo. Proposita sit æquatio in qua 8 A 1 - 2 A 2 = 6, quoniam numeri 2 A 2 & 6 dissimilibus signis afficiuntur, inuenienda est differentia duorum numerorum quorum vnus sit 8 ductum in se, alter sit productum ex numeris 6, 2, 4, simul multiplicatis: hoc est differentia numerorum 64 & 48: quæ differentia est numerus 16: huius numeri radix prima est 4: quare numerus denominatus 2 A 1 æquatur vni ex duobus numeris $\frac{8}{4}$ + $\frac{4}{4}$ vel $\frac{8}{4}$ - $\frac{4}{4}$, hoc est vni ex numeris 6 vel 2. Iam vero supposito quod 2 A 1 = 6: infero, ergo 8 A 1 = 24, & præterea 1 A 1 = 3, adeoque 1 A 2 = 9, item 2 A 2 = 18, ac denique 8 A 1 - 2 A 2 = 24 - 18 = 6; quod quia etiam verum est iuxta propositam æquationem, constat 8 A 1 = 24, & etiã 2 A 2 = 18.

Tertio. Proposita æquatio sit, 4 A 6 + 5 A 3 = 296.
igitur

Compositarum æquationum . 25

igitur quia $4A6$ & 296 similibus signis afficiuntur, inueniendum est aggregatum ex duobus numeris quorum vnus est numerus 5 ductus in se, hoc est 25 : alter vero est productum ex numeris 296 , 4 , 4 , simul multiplicatis: hoc est 4736 ; atque aggregatum numerorum 25 & 4736 , erit numerus 4761 : cuius prima radix est 69 ; quare numerus denominatus $4A3$ æquatur vni ex duobus numeris $\frac{69}{2} + \frac{1}{2}$ vel $\frac{69}{2} - \frac{1}{2}$, hoc est vni ex numeris 37 vel 32 . iam vero supposito quod $4A3 = 32$: infero, igitur $5A3 = 40$, & $1A3 = 8$, adeoque $1A6 = 64$: ex quo patet $4A6 = 256$, ac denique $4A6 + 5A3 = 256 + 40 = 296$; quod quia etiam verum est iuxta propositam æquationem, constat $4A6 = 256$, & $5A3 = 40$.

Quarto. Proposita æquatio sit, $3A6 - 5A3 = 152$. igitur quia $3A6$ & 152 similibus signis afficiuntur, inueniendum est aggregatum ex duobus numeris, quorum vnus est numerus 5 ductus in se, hoc est numerus 25 : alter vero est productum ex numeris 152 , 3 , 4 , simul multiplicatis: hoc est 1824 ; iam vero aggregatum numerorum 25 & 1824 est numerus 1849 , cuius prima radix est numerus 43 : quare numerus denominatus $3A3$ æquatur vni ex duobus numeris $\frac{43}{2} + \frac{1}{2}$ vel $\frac{43}{2} - \frac{1}{2}$, hoc est vni ex duobus numeris 29 vel 24 ; iam vero supposito quod $3A3 = 24$: infero, ergo $5A3 = 40$, & præterea $1A3 = 8$: adeoque $1A9 = 64$; ex quo patet, quod $3A6 = 192$, ac denique $3A6 - 5A3 = 192 - 40 = 152$: quod quia verum est iuxta propositam æquationem, patet $3A6 = 192$, & etiam $5A3 = 40$.

D. FRANCISCO MARTINO VESPIGNIANO. S.



Etierunt alij, quod à me petis : verum tibi, cui me tot titulis obstrictum intelligo, rescribere non possum, quod alijs rescripsi. Scio quidem quod à pluribus mihi concessam, facile à te impetrarem veniam, differendi eius quod petis : malo tamen statim obtemperare : tum ne tuo studendi ardori exiguum hoc alimentum subtraham : tum etiam ut ex ipsa obtemperandi promptitudine intelligas, quantum desiderem satisfacere, ingeniosæ atque laudabili curiositati tuæ.

Modus componendi formulas, quibus in appendice libri primi nostra Logistica utimur, ad inveniendam quamlibet radicem proximam, cuiusvis propositi vulgaris numeri.

NOta primo, hoc loco, productum ex numero denominato aliquoties in se ducto, dici maximè simplex : quando est reuocatum ad sola membra inter se dissimilia.

Nota secundo, productum maximè simplex, censerì ordinatum : quando singula membra ex quibus constat, ita sunt disposita, ut illud in quo inuenitur dignitas A, cum apposito

De formulis pro radicibus. 27

apposito maximo denominatore, præcedat: siue primum locum teneat; ac præterea ex reliquis membris, illa minus distent à primo membro, quæ continent dignitatem A, cum apposito maiori denominatore; denique vltimum locum teneat, membrum, in quo non inuenitur dignitas A, sed sola dignitas B.

Vt habeatur desiderata quælibet formula. Primo inueniatur maximè simplex, atque ordinatum productum, quod oritur ex numero denominato $A \div B$ toties in se ducto, quot vnitates continentur denominatore radice pro cuius inuentione petitur formula. Secundo, in inuento maxime simplici, atque ordinato producto, primum membrum deleatur: atque singulis numeratoribus dignitatum A, quæ in reliquis membris inueniuntur, tot cifrae apponantur, quot alia membra subsequuntur. Sic enim habebitur quæsitæ formula.

Exempli gratia. Si petitur formula pro inuenienda radice prima; hoc est, pro radice quæ pro denominatore habet vnitatem. Primò, quia productum maximè simplex, atque ordinatum, quod oritur ex numero denominato $A \div B$ semel ducto in se, est A^2 et $\div 2 A$ in B et $\div B^2$: in hoc producto delendo primum membrum, quod est A^2 : remanebit $2 A$ in B et $\div B^2$; denique numeratoribus dignitatum A, apponendo tot cifras, quot membra subsequuntur: habebitur scriptio $20 A$ in B et $\div B^2$; quæ erit formula quæsitæ pro inuenienda prima radice.

Rursus. Si petatur formula pro inuenienda radice secunda; hoc est, pro radice cuius denominator est 2. Primò, quia productum maximè simplex, atque ordinatum, quod

D 2

oritur.

28 Epist. III. De modo componendi

oritur ex numero denominato $A \div B$ bis ducto in seipsum, est A^3 et $\div 3 A^2$ in B et $\div 3 A$ in B^2 et $\div B^3$; in hoc producto delendo primum membrum quod est A^3 , remanebit $3 A^2$ in B et $\div 3 A$ in B^2 et $\div B^3$: denique numeratoribus dignitatum A , apponendo tot cifras, quot membra subsequuntur, habebitur scriptio $300 A^2$ in B et $\div 30 A$ in B^2 et $\div B^3$: quæ erit formula quæ sita pro inueniendâ radice secunda.

Similiter. Si petatur formula pro inueniendâ radice tertiâ; hoc est, pro radice quæ pro denominatore habet 3. Primò, quia productum maximè simplex, atque ordinatum, quod oritur ex numero denominato $A \div B$, tertio ducto in seipsum, est A^4 et $\div 4 A^3$ in B et $\div 6 A^2$ in B^2 et $\div 4 A$ in B^3 et $\div B^4$: in hoc producto delendo primum membrum, quod est A^4 , remanebit $4 A^3$ in B et $\div 6 A^2$ in B^2 et $\div 4 A$ in B^3 et $\div B^4$; denique numeratoribus dignitatum A , apponendo tot cifras, quot membra subsequuntur, habebitur scriptio, $4000 A^3$ in B et $\div 600 A^2$ in B^2 et $\div 40 A$ in B^3 et $\div B^4$, quæ erit formula quæ sita pro inueniendâ radice tertiâ.

Notantur aliqua, pro commodâ inuentione producti maximè simplicis atque ordinati, quod oritur ex numero denominato $A \div B$ aliquoties in se ducto.

Vt commodius inueniatur productum maximè simplex, atque ordinatum, quod oritur ex numero denominato $A \div B$ aliquoties in se ducto: sufficiunt quidem quæ libro primo nostræ Logisticæ traduntur cap. 2. de multiplicatione vniuersali & cap. 3. problemate primo vel 3. de modo, quo membra similia signo \div , vel particula *in*, connexa, reuocentur

centur ad vnum ipsis æquiualeus; non erit tamen inutile praxim obseruare, quæ in vulgarium numerorum multiplicatione adhibetur, vt immediatè sibi successiue subscripta inueniantur membra similia: quæ praxis talis esse potest. Primò, ipsius multiplicationis, superiori genitori inferior genitor $A + B$ subscribatur, atque interpositæ lineæ, immediatè subscribatur productum vniuersale, quod oritur ex inferioris genitoris prima littera A , ducta in totum superiorem genitorem; deinde huic producto partiali, immediatè subscribatur productum vniuersale, quod oritur ex inferioris genitoris secunda littera B , ducta in totum superiorem genitorem: hoc tamen secundum productum parziale ita priori subscribatur, vt primum huius secundi atque partialis producti membrum, infernè respondeat, secundo membro primi atque partialis producti; sic enim fiet, vt similia membra similibus subscripta inueniantur in primo atque secundo vniuersali atque partiali producto; quare commodè inueniri poterit productum totale atque ordinatum; illud enim habebitur, eo ipso quod (infra lineam duo producta partialia a producto totali separantem) describentur membra solitariè posita, vt in productis partialibus inueniuntur; & pro membris non solitariè positis, hoc est pro duobus membris sibi deorsum correspondentibus in productis partialibus, in producto totali substituatur vnum ambobus simul æquiualeus. Ità in prima multiplicatione in qua superior genitor C , inferior genitor D (qui in reliquis multiplicationibus semper idem est) primum productum parziale erit E ; secundum productum parziale erit F . Productum totale maximè simplex, atque ordinatum erit G . Rursus,

pro secunda multiplicatione, superior genitor erit G, inferior D. Primum productum parziale erit H: secundum productum parziale erit K. Productum totale maximè simplex, atque ordinatum, erit L. Rursus pro tertia multiplicatione superior genitor erit L, inferior genitor erit D. Primum productum parziale erit M: Secundum productum parziale erit N. Productum totale maximè simplex atque ordinatum erit P. Denuo pro quarta multiplicatione genitor superior erit P, genitor inferior erit D. Primum productum parziale erit Q, secundum productum parziale erit R. Productum totale maximè simplex, atque ordinatum, erit S.

$$\begin{array}{l} \text{C. } A \uparrow B \\ \text{D. } A \downarrow B \end{array}$$

$$\begin{array}{l} \text{E. } A 2 \text{ et } \uparrow A \text{ in } B \\ \text{F. } A \text{ in } B \text{ et } \uparrow B 2 \end{array}$$

$$\begin{array}{l} \text{G. } A 2 \text{ et } \uparrow 2 A \text{ in } B \text{ et } \uparrow B 2 \\ \text{D. } A \uparrow B \end{array}$$

$$\begin{array}{l} \text{H. } A 3 \text{ et } \uparrow 2 A 2 \text{ in } B \text{ et } \uparrow A \text{ in } B 2 \\ \text{K. } A 2 \text{ in } B \text{ et } \uparrow 2 A \text{ in } B 2 \text{ et } \uparrow B 3 \end{array}$$

$$\begin{array}{l} \text{L. } A 3 \text{ et } \uparrow 3 A 2 \text{ in } B \text{ et } \uparrow 3 A \text{ in } B 2 \text{ et } \uparrow B 3 \\ \text{D. } A \uparrow B \end{array}$$

$$\begin{array}{l} \text{M. } A 4 \text{ et } \uparrow 3 A 3 \text{ in } B \text{ et } \uparrow 3 A 2 \text{ in } B 2 \text{ et } \uparrow A \text{ in } B 3 \\ \text{N. } A 3 \text{ in } B \text{ et } \uparrow 3 A 2 \text{ in } B 2 \text{ et } \uparrow 3 A \text{ in } B 3 \text{ et } \uparrow B 4 \end{array}$$

$$\begin{array}{l} \text{P. } A 4 \text{ et } \uparrow 4 A 3 \text{ in } B \text{ et } \uparrow 6 A 2 \text{ in } B 2 \text{ et } \uparrow 4 A \text{ in } B 3 \text{ et } \uparrow B 4 \\ \text{D. } A \uparrow B \end{array}$$

$$\begin{array}{l} \text{Q. } A 5 \text{ et } \uparrow 4 A 4 \text{ in } B \text{ et } \uparrow 6 A 3 \text{ in } B 2 \text{ et } \uparrow 4 A 2 \text{ in } B 3 \text{ et } \uparrow A \text{ in } B 4 \\ \text{R. } A 4 \text{ in } B \text{ et } \uparrow 4 A 3 \text{ in } B 2 \text{ et } \uparrow 6 A 2 \text{ in } B 3 \text{ et } \uparrow 4 A \text{ in } B 4 \text{ et } \uparrow B 5 \end{array}$$

$$\text{S. } A 5 \text{ et } \uparrow 5 A 4 \text{ in } B \text{ et } \uparrow 10 A 3 \text{ in } B 2 \text{ et } \uparrow 10 A 2 \text{ in } B 3 \text{ et } \uparrow 5 A \text{ in } B 4 \text{ et } \uparrow B 5$$

ÆGIDIVS FRANCISCVS DE GOTTIGNIES

Societatis Iesu.

D. FRANCISCO ZECCADORO. S.



Aucis quidem petis, sed non pauca; scribis optare te videre, quomodo Logistica mea tractet materiam de quantitativibus incommensurabilibus, inter cæteras, subtilitate atque pulchritudine nulli secundam. En tota petitio tua quam ad me mittis. Quid remittam? Profecto nihil possum remittere quo tibi fiat satis, vel pro Epistola volumen debeo remittere; voluminis moles atque prolixitas parum decet Epistolam, etiamsi imitando Plinium lib. 5. Epist. 6. Apollinari, tandem illam concluderem, dicendo, non Epistola quæ describit, sed materia quæ describitur magna est. Quid igitur: ieiunium permittam tam laudabilem appetitum tuum; & cui in Mathematicis vix vlla melius sapiunt quam mea: negabo aliquid meum? Quid hoc aliud foret quam proficiendi ardori tuo aquam affundere, cui hætenus igniculos addere conatus sum, ut quam maximè excresceret? Ne ex hoc capite, aut tibi vlllo modo iniurius, aut mihi parum constans videar, mitto Epistolæ acclusum, quod non capit Epistola. Vnum te rogatum velim, ut notes atque ad me remittas, quidquid inter legendum aduerteris minus bene positum; sic enim hæc, materia, contra suum meritum

32 Epist. IV. De Commensurabilibus
meritum hætenus apud alios satis inculta, quæque secundi
Ideæ Logisticæ libri pars est, decentius exornata atque ex-
culta, melius implebit locum suum.

*De Commensurabilibus, & incommensurabi-
libus quantitibus.*

Definitiones.

I. **N**umerus vulgaris dicitur simplex; quando constat
ex vnico numeratore, & vnico denominatore :

Nota numeros vulgares 1, 2, 3, 20, 100 &c. consta-
re ex vnico numeratore atque vnico denominatore; quo-
ties enim numeratori expressè appositus non est aliquis de-
nominator : pro denominatore habet vnitatem; quem de-
nominatorem vel expressè ponere, vel omittere atque sub-
audire, integrum est : hinc fit quod $1 = \frac{1}{1}$: item $2 = \frac{2}{1}$:
item $20 = \frac{20}{1}$: eadem lex passim à nobis adhibetur, etiam
circa numeros denominatos & radicales.

II. Numerus vulgaris dicitur compositus, siue non sim-
plex : si non constet ex vnico numeratore, & vnico deno-
minatore. Exempli gratia numeri vulgares 2, 1, 7, 10,
 $\frac{2}{1}$, $\frac{1}{2}$, $\frac{10}{10}$, singuli sunt vulgares simplices. Verum se-
quentes numeri vulgares $4\frac{1}{2}$, $6 - 3$, $\frac{6}{7}$, $\frac{3}{4}\frac{1}{6}$, singuli
sunt compositi.

III. Numerus vulgaris simplex, dicitur integer : si non
habeat expressè appositum denominatorem. Exempli
gratia singuli numeri vulgares 4, 7, 1, 8, 15, 147, sunt
integri.

IV. Nu-

Et incommensurabilibus quantitatib⁹ 33

IV. Numerus vulgaris simplex, dicitur fractus, siue non integer: quando expresse appositum habet denominatorem. Exempli gratia singuli numeri vulgares $\frac{4}{7}$, $\frac{3}{7}$, $\frac{1}{7}$, $\frac{4}{7}$; sunt vulgares fracti. Similiter vulgares fracti sunt 2 per 4, 7 per 4, 3 per 1, vt patet ex ipsa expositione scriptiōis qua vtimur in Logistica nostra; hinc in Arithmetica introductione ad Logisticam fractum numerum definimus pag. 46. dicendo, fractus vulgaris numerus dici potest, numerus vulgaris habens restrictionem dependentem à diuisione.

V. Numerus vulgaris fractus, dicitur æquari, siue æquiuale re integro: quando dari potest integer vulgaris æquiuale ns ipsi fracto. Exempli gratia fractus numerus 14 per 2 æquiuale t integro: quia $14 \text{ per } 2 = 7$.

VI. Numerus vulgaris fractus, dicitur non æquiuale re integro: quando dari non potest integer æqualis ipsi fracto. Exempli gratia numerus fractus $\frac{3}{7}$ non æquiuale t integro. Similiter fractus numerus $\frac{7}{7}$ non æquiuale t integro.

VII. Numerus vulgaris A, dicitur pars aliquota numeri vulgaris B: quando numerus A est integer, & aliquoties sumptus præcisè adæquat numerum B. Siue quod idem est, quando dari potest integer vulgaris C, ità vt $A \text{ in } C = B$. Hinc quia 3 & 12 singuli sunt integri, & præterea datur integer 4, ità vt $3 \text{ in } 4 = 12$: etiam numerus 3 est pars aliquota numeri 12.

VIII. Numerus vulgaris A, dicitur pars aliquanta numeri vulgaris B: quando numerus A non est maior numero B, sed tamen numerus A vel non est integer, vel aliquoties sumptus non adæquat numerum B; siue quod idem

E

est.

34 Epist. IV. De commensurabilibus

est, quando vel A non est integer, vel non est possibilis integer C , ità vt $A \text{ in } C = B$. Hinc numerus 3, est pars aliquanta numeri 10. Item numerus $\frac{2}{3}$, est pars aliquanta numeri $\frac{2}{3}$.

IX. Vulgaris numerus A , dicitur metiri vulgarem numerum B : si numerus A est pars aliquota numeri B . Verum vulgaris numerus A dicitur non metiri vulgarem numerum B : si numerus A non est pars aliquota numeri B . Denique vulgaris numerus A , dicitur mensura numeri B : si numerus A metitur numerum B .

X. Duæ eiusdem generis quantitates A & B , dicuntur inter se commensurabiles: quando dari possunt duo vulgares numeri integri aut fracti, qui habeant eandem proportionem quam quantitas A , habet ad quantitatem B . Similiter duæ quantitates A & B dicuntur inter se incommensurabiles, quando dari non possunt duo numeri vulgares integri aut fracti, qui habeant eandem proportionem, quam quantitas A habet ad quantitatem B .

Axiomata.

I. **Q**uod metitur mensuram, etiam metitur mensuratum à tali mensura.

II. Quod metitur singulos genitores additionis vel subtractionis, etiam metitur productum ex ipsa additione vel subtractione. Hinc si A metitur B & C , etiam A metitur $B + C$: & etiam A metitur $B - C$.

III. Quando singuli genitores multiplicationis sunt numeri vulgares integri, etiam singuli genitores me-
tiuntur

Et incommensurabilibus quantitatib⁹ 35
tiuntur productum ex multiplicatione.

Hinc quia numeri vulgares 4 & 3 singuli sunt integri, & præterea $3 \text{ in } 4 = 12$: singuli numeri 4 & 3 metiuntur numerum 12.

IV. Quando singuli genitores diuisionis sunt numeri vulgares integri, & insuper productum ex diuisione est numerus vulgaris integer: tam diuisor quam numerus productus ex diuisione, singuli metiuntur numerum qui diuiditur.

Hinc quia $12 \text{ per } 4 = 3$: singuli numeri 4 & 3, sunt mensuræ, numeri 12.

Propositio I.

Singulæ litteræ A & B, significant vulgarem integrum numerum: atque numerus A sit maior numero B. Deinde diuidendo A per B, producatür integer F, atque pro residuo remaneat integer C. Rursus priorem diuisorem B diuidendo per inuentum residuum C producatür integer numerus G, atque pro residuo remaneat integer numerus D. Denique, hoc ordine, in diuisione adhibitum diuisorem, diuidendo per residuum eiusdem diuisionis, continentur diuisiones, donec nullum remaneat residuum: atque diuisor huius diuisionis ex qua nullum remanet residuum sit vulgaris integer Z.

Dico, numerorum A & B, maximam communem mensuram esse numerum Z.

Constructio. Numerorum A & B maxima communis mensura sit X.

36 Epist. IV. De commensurabilibus

Vt ex hac constructione propositam veritatem clarius inferam: primo ostendo numerum X metiri singula diuisionum residua, inter quæ per hypothesim inuenitur Z , atque adeo numerum X metiri numerum Z : ex quo patet numerum X , non esse maiorem numero Z . Deinde probō numerum X non esse minorem numero Z . Denique ex eo quod numerus X non sit maior, neque minor numero Z : infero numerum X æquari numero Z : & cum numerus X per constructionem sit maxima mensura numerorum A & B , concludo etiam numerum Z esse maximam mensuram numerorum A & B .

Demonstratio. Numerum A diuidendo per numerum B , producat̃ integer F : atque residuus integer sit C ; igitur $\frac{A}{B} - C = F$: ergo $A - C = F \text{ in } B$: sed per constructionem X metitur B , adeoque per 3. axioma, X metitur $B \text{ in } F$: ergo X metitur $A - C$: sed etiam per constructionem, X metitur A : ergo, per secundum axioma, X metitur C . Rursus numerum B diuidendo per numerum C , producat̃ integer G : & residuus integer sit D ; igitur $\frac{B}{C} - D = G$: ergo $B - D = G \text{ in } C$: sed iam ostensum est, X metiri C , adeoque per 3. axioma, X metitur $G \text{ in } C$: ergo X metitur $B - D$: sed, per constructionem, etiam X metitur B : ergo per 2. axioma, X metitur D . Rursus, C , diuidendo per D , producat̃ integer K : & residuus sit integer E ; igitur $\frac{C}{D} - E = K$ ergo $C - E = K \text{ in } D$: sed prius ostensum est X metiri D , adeoque; per 2. axioma, X metitur $K \text{ in } D$: ergo X metitur $C - E$: atqui etiam ostensum est X metiri C : ergo per 2. axioma, X metitur E . Eodem prorsus argumento per subsequentes quotcunque diuisiones, ex quibus relinqui-

Et incommensurabilibus quantitātib⁹ 37

relinquitur residuum, ostenditur, numerum X necessario metiri illud residuum; quoniam vero ex hypothese manifestum est, inter hæc residua inueniri numerum Z: etiam patet numerum X metiri numerum Z, adeoque numerum X non esse maiorem numero Z. Reliquum igitur est, vt ostendam numerum X non esse minorem numero Z. Itaq; post hætenus propositas diuisiones, ex quibus singulis relinquitur residuum, immediatè succedat illa ex qua nullum relinquitur residuum: atque D diuidendo per E, producat integer L, & nullum relinquatur residuum; quo posito, per hypothesim patet numerum E, æquari numero Z: Quoniam igitur $\frac{D}{E} = L$; per 4. axioma, E metitur D: sed $Z = E$: ergo Z metitur D: ergo, per 3. axioma, Z metitur D in K: atqui $D \text{ in } K = C - E = C - Z$: ergo Z metitur $C - Z$: sed Z etiam metitur seipsum, hoc est Z: ergo, per 2. axioma, Z metitur C: ergo, per 3. axioma, Z metitur G in C: sed $G \text{ in } C = B - D$: ergo Z metitur $B - D$: sed iam ostensum est, etiam Z metiri D: ergo, per 2. axioma, Z metitur B: ergo, per 3. axioma, Z metitur B in F: sed $B \text{ in } F = A - C$: ergo, Z metitur $A - C$: atqui etiam ostensum est Z metiri C: ergo, per 2. axioma, Z metitur A: igitur cum Z metiatur B, & etiam Z metiatur A: patet Z esse communem mensuram A & B: sed per constructionem X est maxima mensura A & B: ergo numerus Z non est maior numero X: sed prius ostensum est, numerum Z non esse minorem numero X: ergo numerus Z æquatur numero X: atqui, per constructionem, numerus X est maxima mensura numerorum A & B: ergo etiam Z est maxima mensura numerorum A & B. Quod erat demonstrandum.

Corol-

Corollarium.

Hinc patet quod maxima mensura communis numerorum A & B erit vnitas, adeoque numeros A & B non habere pro mensura communi numerum integrum vnitate maiorem: si numerus $Z = 1$; hoc est, si in præscripto diuisionum ordine, prima diuisio occurrens, ex qua nullum remanet residuum, habeat pro diuifore vnitatem; & similiter quod maxima mensura communis numerorum A & B , erit numerus integer maior vnitate: adeoque numeros A & B pro mensura communi habere numerum integrum vnitate maiorem: si Z æquetur numero diuerso ab vnitate: hoc est, si in præscripto diuisionum ordine, prima diuisio ex qua nullum remanet residuum, habeat pro diuifore numerum diuersum ab vnitate.

Propositio II.

Singulæ litteræ A, B, C, D , repræsentent integros vulgares numeros, præterea $A \text{ ad } B = C \text{ ad } D$, atque A sit minor C .

Dico primò, proportionem $A \text{ ad } B$ non constare minimis terminis integris, si A non metitur C .

Dico secundò, A metiri C , & B metiri D : si proportio $A \text{ ad } B$ constet minimis integris terminis.

Demonstratur prima pars. Per hypothesim A non metitur C & tamen A est minor C : igitur diuidendo C per A producitur aliquis integer numerus E , & pro residuo relinquitur

quatur alius integer numerus F , qui sit minor diuisore A : adeoque $\frac{C}{A} = E + \frac{F}{A}$, & singuli numeri E & F integri sunt, atque F est minor quam A . Rursus quoniam per hypothesim A ad $B = C$ ad D , permutando etiam A ad $C = B$ ad D : sed per hypothesim A est minor quam C , & tamen A non metitur C : ergo etiam B est minor quam D , & tamen B non metitur D : sed quoniam A ad $C = B$ ad D , etiam patet $\frac{C}{A} = \frac{D}{B}$; adeoque diuidendo D per B , habetur pro quotiente integer numerus E ; & pro residuo relinquatur aliquis integer numerus K , qui sit minor diuisore B : igitur $\frac{D}{B} = E + \frac{K}{B}$, & singuli numeri E & K sunt integri, atque K est minor quam B . Quandoquidem igitur ostensum sit $\frac{C}{A} = E + \frac{F}{A}$, & etiam $\frac{D}{B} = E + \frac{K}{B}$, atque etiam ostensum sit $\frac{C}{A} = \frac{D}{B}$: patet etiam $E + \frac{F}{A} = E + \frac{K}{B}$: ergo vtrunque auferendo eundem numerum E , etiam $\frac{F}{A} = \frac{K}{B}$: ergo A ad $F = B$ ad K : ergo permutando A ad $B = F$ ad K : atqui prius ostensum est, numerum F esse integrum, & minorem numero A : item numerum K esse integrum, atque minorem numero B : ergo proportio A ad $B = F$ ad K : & tamen proportio F ad K constat minoribus terminis integris, quam proportio A ad B : ergo proportio A ad B non constat minimis integris terminis. Vt asseritur in prima parte.

Demonstratur secunda pars. Si A non metiretur C , per primam partem, proportio A ad B non constaret minimis terminis integris: sed per hypothesim, proportio A ad B constat minimis integris terminis: ergo A metitur C . Quoniam vero per hypothesim A ad $B = C$ ad D , etiam permutando, A ad $C = B$ ad D : sed iam ostensum est, A me-

40 Epist. IV. De commensurabilibus
 tiri C: ergo etiam B metitur D: igitur A metitur C, & in-
 super B metitur D. Vt asseritur in secunda parte.

Propositio III.

Singulæ litteræ A & B integros vulgares numeros re-
 præsentent.

Dico primò, proportionem A ad B constare minimis in-
 tegris terminis: si A et B non habeant communem mensu-
 ram diuersam ab vnitatē.

Dico secundò, proportionem A ad B non constare mi-
 nimis integris terminis: si A & B habeant communem
 mensuram diuersam ab vnitatē.

Demonstratur prima pars. Sit enim proportio F ad K
 integris, atque minimis terminis expressa: ita vt $F \text{ ad } K =$
 $A \text{ ad } B$; igitur per 2. propositionem, F metitur A, adeoque
 $\frac{A}{F} =$ integro numero X: sed quoniam $F \text{ ad } K = A \text{ ad } B$,
 etiam permutando, $F \text{ ad } A = K \text{ ad } B$, adeoque $\frac{A}{F} = \frac{B}{K}$:
 ergo $\frac{B}{K} =$ eidem integro X: ergo per 4. axioma numerus
 X metitur A & B: sed per hypothesim A & B non habent
 mensuram communem diuersam ab vnitatē: ergo $X = 1$:
 ergo $\frac{A}{F} = 1$, item $\frac{B}{K} = 1$: ergo $A = F$, item $B = K$: sed
 proportio F ad K est expressa minimis integris terminis: er-
 go etiam proportio A ad B est expressa minimis integris ter-
 minis. Vt asseritur in prima parte.

Demonstratur secunda pars. Per hypothesim A & B
 habent communem mensuram diuersam ab vnitatē: sit
 igitur talis mensura X: ergo $\frac{A}{X} =$ integro F, item $\frac{B}{X} =$ in-
 tegro K: ergo $A = F \text{ in } X$, item $B = K \text{ in } X$: ergo $\frac{A}{B} = \frac{F}{K}$
 X =

Et incommensurabilibus quantitativ⁹ 41

$X = F$ ad A , item 1 ad $X = K$ ad B : ergo F ad $A = K$ ad B : ergo permutando F ad $K = A$ ad B : sed quoniam ostensum est $\frac{A}{Z} = F$, per 4 axioma, F metitur A : ergo per præcedentem propositionem, proportio A ad B non constat minimis terminis. Vt asseritur in secunda parte.

Propositio IV.

Singulæ litteræ A & B repræsentent integros numeros, quorum maxima communis mensura sit Z : atque $\frac{A}{Z} = F$, item $\frac{B}{Z} = K$.

Dico, proportionem F ad K esse expressam minimis terminis, atque F ad $K = A$ ad B .

Demonstratio. Per hypothesein Z est maxima mensura A & B : ergo qualemcumque integrum numerum ab unitate diuersum repræsentet X , tamen Z in X erit maior quam Z : adeoque Z in X non est mensura A & B : ergo $\frac{A}{Z \cdot n \cdot X}$ non = integro, vel $\frac{B}{Z \cdot n \cdot X}$ non = integro: sed $\frac{A}{Z \cdot n \cdot X} = \frac{A}{Z}$ per X : item $\frac{B}{Z \cdot n \cdot X} = \frac{B}{Z}$ per X . ergo $\frac{A}{Z}$ per X non = integro, vel $\frac{B}{Z}$ per X non = integro: sed per hypothesein $\frac{A}{Z} = F$, item $\frac{B}{Z} = K$: ergo F per X non = integro, vel K per X non = integro: ergo X non metitur F & K : sed X est quilibet numerus integer diuersus ab unitate: ergo nullus numerus integer diuersus ab unitate, metitur F & K : ergo F et K non habent communem mensuram diuersam ab unitate: ergo, per 3. propositionem, proportio F ad K est expressa minimis terminis atque (vt patet ex hypothesi & coroll. theor. 4. partis 4. ideæ Logisticæ) F ad $K = A$ ad B . Quod erat probandum.

Propositio V.

Singulæ litteræ, A, B, C, repræsentent integros vulgares numeros.

Dico primò, A *in* B et C, habere communem mensuram diuersam ab vnitatem: si C et A, vel C et B, habeant talem mensuram communem.

Dico secundò, A *in* B et C; non habere mensuram communem diuersam ab vnitatem: si neque C et A, neque C et B, habeant talem mensuram communem.

Demonstratur prima pars. Per hypothesein singuli numeri A et B sunt integri: ergo per axioma 3, singuli numeri A et B metiuntur A *in* B: atqui per hypothesein C et A, vel C et B habent aliquam mensuram X communem diuersam ab vnitatem, adeoque C et A, vel C et B mensurantur à numero X: ergo aliquis numerus A vel B, mensurans numerum A *in* B, mensuratur à numero X: ergo, per primum axioma, numerus A *in* B mensuratur à numero X: ergo numeri A *in* B & C, habent communem mensuram X: sed numerus X est diuersus ab vnitatem, ergo numeri A *in* B & C, habent mensuram communem diuersam ab vnitatem. Vt asseritur in prima parte.

Demonstratur secunda pars. Facta suppositione quod litt. era X indeterminate significet quamlibet mensuram num. iC, diuersam ab vnitatem; quandoquidem per suppositionem X metitur C, per axioma primum, quilibet numerus qui metitur X, etiam metitur C: sed quoniam per hypothesein C & A non habent communem mensuram diuersam

Et incommensurabilibus quantitatib⁹ 43
 sam ab vnitate, nullus numerus diuersus ab vnitate, atque
 mensurans numerum C, metitur numerum A: ergo nullus
 numerus diuersus ab vnitate, atque mensurans numerum
 X, metitur numerum A: ergo numeri X & A non habent
 mensuram communem diuersam ab vnitate: ergo per pro-
 positionem 3. proportio X ad A est expressa minimis ter-
 minis integris: ergo si X esset mensura numeri A in B, etiam
 $\frac{A \cdot n}{X}$ æquaretur alicui integro numero F, adeoque X ad A
 = B ad F, & consequenter per prop. 2. etiam X metire-
 tur B: sed (quoniam per suppositionem X metitur C, &
 per hypothesim C & B non habent mensuram commu-
 nem) patet X non metiri B: ergo X non metitur A in B:
 atqui per suppositionem X est quælibet mensura numeri C,
 diuersa ab vnitate: ergo de qualibet mensura numeri C di-
 uersa ab vnitate, verum est, quod non metiatur A in B:
 ergo numeri A in B & C, non habent mensuram commu-
 nem diuersam ab vnitate. Vt asseritur in secunda parte.

Animi gratia, placet hic apponere discursum à præce-
 dente aliquantulum diuersum, quo inferri potest eadem se-
 cunda pars. Vel numerus integer C habet mensuram di-
 uersam ab vnitate, atque communem cum numero integro
 A, aut cum numero integro B: vel non habet talem men-
 suram: neque est possibilis aliquis casus ab his duobus di-
 uersus; sed in primo casu, per primam partem, numeri
 A in B & C, habent communem mensuram diuersam ab
 vnitate, & insuper manifestum est in aliquo casu possibili
 numeros A in B & C non habere communem mensuram
 diuersam ab vnitate: ergo in secundo casu numeri A in B
 & C, non habent mensuram communem diuersam ab vni-

44 Epist. IV. De commensurabilibus

tate: ergo numeri A in B & C , non habent mensuram communem diuersam ab vnitate, si neque C & A , neque C & B , habeant mensuram communem diuersam ab vnitate. Vt asseritur in secunda parte.

Propositio VI.

Singulæ litteræ A , B , C , repræsentent vulgares integros numeros.

Dico primò, C metiri A in B : si C metiatur A aut B , vel certè C ad A in $B \equiv 1$ ad aliquem integrum numerum.

Dico secundò, C non metiri A in B : si C non metiatur A , aut B , neque etiam C ad A in $B \equiv 1$ ad aliquem integrum numerum.

Demonstratur prima pars. Per hypothesim, vel C metitur A aut B : vel certe C ad A in $B \equiv 1$ ad integrum in primo casu, quia per 3. axioma, singuli numeri A & B metiuntur A in B , & per hypothesim numerus C metitur A vel B : etiam per primum axioma, C metitur A in B . In secundo casu, quia per hypothesim C ad A in $B \equiv 1$ ad aliquem integrum, patet $\frac{A}{C} \text{ in } B \equiv$ alicui integro, adeoque per 4. axioma, C metitur A in B . Quare in utroque casu primæ assertionis, constat C metiri A in B . Vt dicitur in prima parte.

Demonstratur secunda pars. Quoniam per hypothesim, C non metitur A , & tamen numerus A integer est, patet numerum C esse diuersum ab vnitate. Iam vero, integer numerus C atq; diuersus ab vnitate, vel cum nullo ex duobus numeris A & B habet mensuram communem diuersam ab vnitate,

Et incommensurabilibus quantitatib⁹ 45
tate, vel certe cum aliquo ex duobus numeris A & B habet
mensuram communem diuersam ab vnitate. In primo ca-
su quoniam C est integer numerus diuersus ab vnitate, &
cum nullo ex numeris A & B habet mensuram communem
diuersam ab vnitate, per propositionem præcedentem
C & A in B non habent mensuram communem diuersam
ab vnitate: sed integer C diuersus ab vnitate metitur seip-
sum: ergo integer C non metitur A in B. In secundo casu,
quoniam C & A vel B habent mensuram diuersam ab vnita-
te, per propositionem præcedentem; etiam C & A in B ha-
bent mensuram communem diuersam ab vnitate: itaque
talis maxima mensura sit Z: igitur $\frac{C}{Z} =$ alicui integro F:
item $\frac{A \text{ in } B}{Z} =$ alicui integro K, atque per 4. prop. F ad K =
C ad A in B, eritque proportio F ad K expressa minimis
terminis, adeoque per 3. prop. F & K non habent com-
munem mensuram diuersam ab vnitate: sed quia etiam per
hypothesim C ad A in B non = 1 ad aliquem integrum,
patet proportionis F ad K antecedentem terminum F non
= 1, sed esse numerum integrum diuersum ab vnitate: igitur
F ad K = C ad A in B, & tamen F non metitur K: er-
go etiam C non metitur A in B. Vt asseritur in secunda
parte.

Corollarium.

Hinc facile patet, quod si dentur duo numeri vulga-
res simplices, quorum vnus A sit integer, alter $\frac{B}{C}$ sit
fractus simplex; patet inquam productum ex integro A du-
cto in fractus $\frac{B}{C}$, æquialere integro numero: si vel fracti
numeri

46 Epist. IV. De commensurabilibus

numeri denominator C , metiatur suum numeratorem B , aut integrum numerum A : vel certè denominator C , sit maxima mensura communis, numeratoris atque denominatoris producti ex integro numero A ducto in fractionem $\frac{A}{C}$; & rursum productum ex integro numero A ducto in fractionem $\frac{A}{C}$, non æquivalere integro numero: si neque fractioni numeri denominator C , metiatur suum numeratorem B , aut integrum A : neque etiam denominator C sit maxima mensura communis, numeratoris atque denominatoris producti ex integro A ducto in fractionem $\frac{A}{C}$.

Etenim si C metitur A vel B , per primam partem propositæ propositionis, C metitur A in B , adeoque per 4. axiomam, $\frac{A}{C} = \text{integro}$. Si vero C est maxima mensura numerorum C & A in B patet $\frac{C}{C} = 1$: & per 4. axiomam, $\frac{A}{C} = \text{integro } X$: igitur $1 \text{ ad } X = \frac{C}{C} \text{ ad } \frac{A}{C}$, sed $\frac{C}{C} \text{ ad } \frac{A}{C} = C \text{ ad } A$ in B : ergo $C \text{ ad } A \text{ in } B = 1 \text{ ad integrum } X$: ergo per primam partem propositæ propositionis, C metitur A in B : ergo per 4. axiomam, $\frac{A}{C} = \text{integro}$. Præterea, si neque C metiatur A vel B , neque C sit maxima mensura C & A in B quoniam C non est maxima mensura C & A in B , diuidendo A in B per numerum C , relinquitur aliquod residuum: atque adeo productum non est integer numerus aliquis X : ergo $C \text{ ad } A$ in B non $= 1 \text{ ad integrum numerum}$: sed etiam per hypothesein C non metitur A vel B : ergo per secundam partem propositæ propositionis, $\frac{A}{C}$ non æquualet integro numero.

Propositio VII.

Singulæ litteræ A & B, vulgares integros numeros representant: præterea littera n significet aliquem denominatorem apponibilem dignitatibus A vel B.

Dico primò, A & B n, præterea A n & B n, habere mensuram communem diuersam ab vnitatē: si A & B habeant talem mensuram.

Dico secundo, neque A & B n, neque A n et B n, habere mensuram diuersam ab vnitatē: si A et B non habeant talem mensuram.

Demonstratur prima pars primæ assertionis. Per hypothesein A et B habent mensuram diuersam ab vnitatē: ergo per prop. 5. etiam, B in B et A, hoc est B 2 et A, habent talem mensuram: sed per hypothesein, etiam A et B habent talem mensuram: ergo per prop. 5. etiam B 2 in B et A, hoc est B 3 et A, habent talem mensuram: atqui per hypothesein, A et B etiam habent talem mensuram: ergo per prop. 5. etiam B 3 in B et A: hoc est B 4 et A habent talem mensuram. Simili planè argumento patet, B 5 et A, item B 6 et A, atque ita de cæteris dignitatibus B, quemcunque denominatorem habentibus, atque adeo B n et A, habere communem mensuram diuersam ab vnitatē. Vt dicitur in prima parte primæ assertionis.

Demonstratur secunda pars, primæ assertionis. Per primam partem A et B 2, habent communem mensuram diuersam ab vnitatē: ergo per prop. 5. etiam A in A et B 2, hoc est A 2 et B 2 habent talem mensuram. Rursus, quia
iam

48 Epist. IV. De Commensurabilibus

iam constat $A\ 2$ et $B\ 2$ habere communem mensuram diuersam ab vnitatem, per prop. 5. etiam $A\ 2$ in A et $B\ 2$, hoc est $A\ 3$ et $B\ 2$, habent talem mensuram communem: igitur per prop. 5. etiam $A\ 3$ et $B\ 2$ in B , hoc est $A\ 3$ et $B\ 3$, habent talem communem mensuram. Rursus, quia iam constat $A\ 3$ et $B\ 3$ habere communem mensuram diuersam ab vnitatem, per prop. 5. etiam $A\ 3$ in A et $B\ 3$, hoc est $A\ 4$ et $B\ 3$, habent talem mensuram communem: igitur per prop. 5. etiam $A\ 4$ et $B\ 3$ in B , hoc est $A\ 4$ et $B\ 4$ habent talem mensuram communem. Simili planè argumento patet de reliquis dignitatibus A et B quemcunque, sed tamen eundem denominatorem habentibus, quod habeant mensuram communem, diuersam ab vnitatem: adeoque constat $A\ n$, et $B\ n$ habere mensuram communem diuersam ab vnitatem. Vt dicitur in secunda parte primæ assertionis.

Demonstratur prima pars, secundæ assertionis. Per hypothesein A et B non habent mensuram communem diuersam ab vnitatem: ergo per prop. 5. etiam A et B in B , hoc est A et $B\ 2$, non habent talem mensuram communem. Rursus quia iam constat A et $B\ 2$ non habere mensuram communem diuersam ab vnitatem, et insuper per hypothesein A et B non habeat talem mensuram: per prop. 5. patet A et $B\ 2$ in B , hoc est A et $B\ 3$ non habere talem mensuram communem. Rursus, quoniam constat A et $B\ 3$ non habere mensuram communem diuersam ab vnitatem, et insuper per hypothesein A et B non habent talem mensuram comunem, per prop. 5. patet A et $B\ 3$ in B , hoc est A et $B\ 4$ non habere talem mensuram. Simili plane argumento patet

Et incommensurabilibus quantitatis⁹ 49

patet de reliquis numeris significatis à dignitate B, cum apposito quouis denominatore, inter quos B n: atque adeo constat A & B n, non habere mensuram communem diuersam ab vnitae. Vt dicitur in prima parte secundæ assertionis.

Demonstratio secundæ partis, secundæ assertionis, Per præcedentem partem A & B 2, non habent mensuram communem diuersam ab vnitae: ergo per prop. 5. etiam A in A & B 2, hoc est A 2 & B 2, non habent talem mensuram communem. Rursus quia iam constat A 2 & B 2 non habere mensuram communem diuersam ab vnitae, & insuper per præcedentem partem, A & B 2 non habent talem mensuram: per prop. 5. patet A 2 in A & B 2, hoc est A 3 & B 2 non habere talem mensuram communem: sed etiam per priorem partem A 3 & B, non habent talem mensuram communem: ergo per prop. 5. patet A 3 & B 2 in B, hoc est A 3 & B 3 non habere talem mensuram communem. Rursus, quoniam iam constat A 3 & B 3 non habere mensuram communem diuersam ab vnitae, & insuper per præcedentem partem A & B 3 non habent talem mensuram communem: per prop. 5. patet A 3 in A & B 3 hoc est A 4 & B 3 non habere talem mensuram communem: sed per priorem partem etiam A 4 & B non habent talem communem mensuram: ergo per prop. 5. patet A 4 & B 3 in B, hoc est A 4 & B 4, non habere talem mensuram. Simili prorsus argumento patet de reliquis, hoc est de dignitatibus A & B, qualemunque, sed tamen eundem denominatorem habentibus, quod non habeant communem mensuram diuersam ab vnitae: adeoque A n & B n non habe-

50 Epist. IV. de commensurabilibus

re mensuram communem diuersam ab unitate. Vt dicitur in secunda parte secundæ assertionis.

Propositio VIII.

Litteræ A & B, singulæ repræsentent vulgarem integrum numerum.

Dico primò, $\frac{A}{B}$, & præterea $\frac{A}{B}$, æquari integro vulgari numero: si $\frac{A}{B}$ æquatur integro vulgari numero.

Dico secundò, neque $\frac{A}{B}$ neque $\frac{A}{B}$ æquari integro vulgari numero: si $\frac{A}{B}$ non æquatur integro vulgari numero.

Demonstratur prima pars. Per hypothesim $\frac{A}{B} =$ alicui vulgari integro E: ergo $B \text{ in } E = A$ & $A \text{ in } 1$: ergo $1 \text{ ad } E = B \text{ ad } A$: ergo singulos harum proportionum terminos, toties in seipsos ducendo vt singuli habeant denominatorem n, etiam $1 \text{ ad } E n = B n \text{ ad } A n$: sed quoniam E est integer vulgaris, patet 1 metiri E, & per 3. axioma, E metitur E n, adeoque per primum axioma, 1 metitur E n: ergo B n metitur A n: ergo $\frac{A}{B} =$ integro numero. Præterea, quia B n metitur A n, & per 3. axioma, B metitur B n: etiam per primum axioma, B metitur A n: ergo etiam $\frac{A}{B} =$ integro; igitur & $\frac{A}{B} =$ integro, atque etiam $\frac{A}{B} =$ integro numero. Vt asseritur in prima parte.

Demonstratur secunda pars. Per hypothesim B non metitur A: ergo per prop. 6. etiam B non metitur A in A hoc est A 2: igitur B neque metitur A neque metitur A 2: ergo per prop. 6. etiam B non metitur A in A 2 hoc est A 3: igitur B neque metitur A neque metitur A 3: ergo per 6. prop. B non metitur A in A 3, hoc est A 4. Eodem prorsus discursu

Et incommensurabilibus quantitātib⁹ § 1
 discursu patet B non metiri A 5, vel A 6, vel A 7 &c.
 adeoque B non metiri A n. Præterea quia B metitur B,
 per 3. axioma patet B metiri B n: igitur si B n metiretur
 A n per primum axioma etiam B metiretur A n: sed iam
 ostensum est B non metiri A n: igitur B n non metitur A n:
 constat igitur neque B metiri A n, neque B n metiri A n,
 si B non metitur A: ergo neque $\frac{A}{B}$ neque $\frac{A n}{B n}$ æquatur inte-
 gro vulgari numero, si $\frac{A}{B}$ non æquetur integro vulgari nu-
 mero. Vt dicitur in secunda parte.

Corollarium.

EX secunda parte propositæ propositionis patet, quod
 nullus vulgaris numerus non æquivalens integro,
 semel aut sæpius in se ductus, possit producere numerum
 æquivalentem vulgari integro. Qualiscunque enim nume-
 rus vulgaris sit K, qui non æquivalet integro, manife-
 stum est dari posse vulgarem fractionem simplicem $\frac{A}{B}$, ita
 ut $\frac{A}{B} = K$: quodque etiam fractio $\frac{A}{B}$ non æquabitur vul-
 gari integro, adeoque per secundam partem propositæ pro-
 positionis, $\frac{A n}{B n}$ non æquabitur vulgari integro: sed $\frac{A n}{B n}$ nihil
 est aliud quam fractio $\frac{A}{B}$ semel, aut sæpius in se ducta, siue
 numerus K semel, aut sæpius in se ductus: ergo numerus K
 qui non æquivalet integro, etiam semel, aut sæpius in se du-
 ctus non æquivalet integro.

Propositio IX.

Littera A representet quemlibet numerum vulgarem integrum; ita tamen, ut $Rn * A$, non æquetur vulgari integro numero,

Dico, $Rn * A$, non esse exprimibilem vlllo numero vulgari.

Constructio. $Rn * A = B$.

Demonstratio. Per constructionem $Rn * A = B$: ergo per hypothesim, B non $=$ vulgari integro numero: sed quoniam per prop. 8. vel eius corollarium, nullus numerus vulgaris non æquivalens integro, semel aut sæpius in se ductus, producere potest numerum æquivalentem integro: tametsi per ipsam constructionem satis pateat quantitatem B , aliquoties in se ductam producere numerum A : patet quantitatem B non $=$ numero vulgari fracto qui non æquivalet vulgari integro: et tamen non est possibilis numerus vulgaris diuersus ab ijs qui æquivalent, vel nō æquivalent integro: ergo B non æquatur vlli numero vulgari: sed per constructionem $Rn * A = B$: ergo $Rn * A$ non æquatur vlli numero vulgari: ergo $Rn * A$ non est exprimibilis vlllo numero vulgari. Quod erat demonstrandum.

Propositio X.

Quævis proportio X ad Z expressa sit quibuscunque numeris vulgaribus, qui singuli integri non sunt.

Dico,

Et incommensurabilibus quantitatib⁹ 53

Dico, possibiles esse duos numeros vulgares integros, habentes eandem proportionem, quam X habet ad Z.

Nota, ex ipso conceptu numerorum quos vulgares appellamus satis patere, omnes numeros vulgares compositos constare ex integris vulgaribus signo \dagger aut $-$, vel certe particula *in* aut *per* connexis. Iam vero ex primis Logisticæ nostræ fundamentis manifestum est, quomodo huiusmodi numeri compositi reuocari possint ad simplices ipsis æquiuvalentes: quare etiam patet dato cuius composito vulgari numero, æquiualentem vulgarem numerum simplicem, esse possibilem; & consequenter in sequenti constructione nihil supponimus quod non sit manifestè possibile.

Constructio. $X = \frac{A}{F}$, præterea $Z = \frac{B}{K}$, sintque singuli numeri $\frac{A}{F}$ & $\frac{B}{K}$ vulgares simplices.

Demonstratio. Per Corollarium theor. 4. partis 4. ideæ Logisticæ, $A \text{ in } K \text{ ad } F \text{ in } K = A \text{ ad } F$: ergo $\frac{A \text{ in } K}{F \text{ in } K} = \frac{A}{F}$. Similiter $B \text{ in } F \text{ ad } K \text{ in } F = B \text{ ad } K$; ergo etiam, $\frac{B \text{ in } F}{K \text{ in } F} = \frac{B}{K}$. Igitur $\frac{A}{F} \text{ ad } \frac{B}{K} = \frac{A \text{ in } K}{F \text{ in } K} \text{ ad } \frac{B \text{ in } F}{K \text{ in } F}$: sed per Corollarium theor. 4. partis 4. ideæ Logisticæ etiam, $\frac{A \text{ in } K}{F \text{ in } K} \text{ ad } \frac{B \text{ in } F}{K \text{ in } F} = A \text{ in } K \text{ ad } B \text{ in } F$: ergo $\frac{A}{F} \text{ ad } \frac{B}{K} = A \text{ in } K \text{ ad } B \text{ in } F$: sed quoniam per constructionem numeri $\frac{A}{F}$ & $\frac{B}{K}$ singuli sunt simplices atque vulgares, patet singulos numeros A, B, F, K, esse vulgares integros, adeoque $A \text{ in } K =$ alicui vulgari integro M, item $B \text{ in } F =$ alicui vulgari integro N: ergo $\frac{A}{F} \text{ ad } \frac{B}{K} = M \text{ ad } N$, atque proportio M ad N est expressa vulgaribus integris numeris: sed quoniam per constructionem $X = \frac{A}{F}$, item $Z = \frac{B}{K}$, patet $\frac{A}{F} \text{ ad } \frac{B}{K} = X \text{ ad } Z$: ergo etiam $X \text{ ad } Z = M \text{ ad } N$, atque proportio M ad N est expressa integris vulgaribus numeris: patet igitur possibiles esse duos numeros vulgares

54 Epist. IV. De commensurabilibus

gares integros, habentes eandem proportionem quam numerus X habet ad numerum Z. Quod erat demonstrandum.

Propositio XI.

Q Valescunque quantitates repræsentent singulæ litteræ A, B, D; ita tamen ut radix n, numeri D, non sit exprimibilis vlllo numero vulgari: ac præterea $A m = B m$ per D: supposito quod denominator m, unitate maior sit denominatore n; siue quod $R n * A m = A$.

Dico proportionem A ad B exprimi non posse vllis numeris vulgaribus; adeoque quantitates A & B esse inter se incommensurabiles.

Constructio. $A m$ ad $B m = 1$ ad $C m$;

Demonstratio. $A m$ ad $B m = 1$ ad $C m$: sed quoniam per hypothesim $A m = B m$ per D, patet $A m$ per 1 = $B m$ per D, adeoque $A m$ ad 1 = $B m$ ad D, & permutando $A m$ ad $B m = 1$ ad D: ergo 1 ad $C m = 1$ ad D: ergo D = $C m$: ergo $R n * D = R n * C m$: atqui per hypothesim $R n * D$, non est exprimibilis vlllo vulgari numero: ergo $R n * C m$, non est exprimibilis vlllo vulgari numero: sed $R n * C m = C$: ergo C non potest exprimi vlllo vulgari numero: sed quoniam per constructionem $A m$ ad $B m = 1$ ad $C m$: patet A ad B = 1 ad C: ergo ex quatuor terminis discretim proportionalibus A, B, 1, C, ultimus C non potest exprimi vlllo vulgari numero, licet penultimus sit vulgaris numerus, nimirum unitas vulgaris; sed quoties tres termini dati A, B, 1, singuli sunt vulgares numeri,

Et incommensurabilibus quantitatib⁹ 55

ex regula aurea patet inuenibilem esse quartum terminum proportionalem, qui sit vulgaris numerus: ergo ex duobus terminis A et B constituentibus proportionem A ad B, aliquis non est exprimibilis vlllo numero vulgari: ergo proportio A ad B non est exprimibilis vllis numeris vulgaribus. Quod erat demonstrandum.


Propositio XII.

Eiusdem quadrati latus et diameter, sunt quantitates inter se incommensurabiles. Siue supposito quod cuius quadrati latus sit X; atque eiusdem quadrati diameter sit Z: impossibile est dari duos numeros vulgares A et B; ita vt $A \text{ ad } B = X \text{ ad } Z$.

Demonstratio: Per Theor. 4. cap. 3. partis 5. ideæ, patet $2 X^2 = Z^2$: ergo $X^2 = Z^2 \text{ per } 2$: sed numerus 2 est integer, et

tamen non habet radicem primam exprimibilem per numerum vulgarem integrum, vt

fatis patet: ergo per propof. 9. numerus integer 2, non habet radicem primam exprimibilem per vllum numerum vulgarem: ergo per propof. 11. proportio X ad Z exprimi non potest vllis numeris vulgaribus: ergo impossibile est dari duos numeros vulgares A et B, ita vt $A \text{ ad } B = X \text{ ad } Z$. Quod erat demonstrandum.




56 Epist. IV. De Commensurabilibus

Propositio XIII.

IN triangulo rectangulo DAB , recta DA ad $AB = 1$ ad 2 .

Dico lineas DB et DA , esse incommensurabiles.

Demonstratio. Per theor. 4. cap. 3. partis 5. ideæ Logisticae, $DB^2 = DA^2 + AB^2$: sed quia ex hypothesi DA ad $AB = 1$ ad 2 , adeoque DA^2 ad $AB^2 = 1$ ad 4 : patet $AB^2 = 4 DA^2$: ergo $DB^2 = 5 DA^2$: ergo $DA^2 = DB^2$ per 5: sed quoniam numerus 5 integer est, et satis patet quod non habeat radicem primam exprimibilem per numerum vulgarem integrum, etiam per prop. 9. numerus 5 non habet radicem primam exprimibilem per ullum vulgarem numerum: ergo per prop. 11. impossibile est dari duos numeros vulgares E et F , ita ut E ad $F = DB$ ad DA : ergo DB et DA sunt lineæ incommensurabiles. Quod erat demonstrandum.



Propositio XIV.


SIT triangulum rectangulum DAB , atque DA ad $AB = 1$ ad 2 : præterea $DB = DA = AC$: sitque punctum C in recta AB .

Dico, AB ad $AC = AC$ ad CB , adeoque rectam AB extrema et media ratione sectam esse in C .

Constructio. Centro D , intervallo DB , descriptus sit semi-

Et incommensurabilibus quantitatib⁹ 57
semicirculus, cui recta DA vtrique occurrat, nimirum
in punctis E & F: denique ductæ sint rectæ EB & FB.

Demonstratio. Ex constructione & theor. 6. partis 3.
ideæ Logisticæ, patet angulum EBF rectum esse, ergo per
theor. 10. partis 3. ideæ, EA ad AB = AB ad AF: er-
go AB in AB = AE in AF: sed AB in AB = AB in
AC et + AB in CB: ergo AB in AC et + AB in CB =
AE in AF: sed ex hypothesi, & constructione satis pa-
tet AF = AC (quandoquidem DB = DF, & insuper
DB - DA = AC, ac de-
nique DF - DA = AF)
ergo AB in AC et + AB
in CB = AF in AC: atqui
etiam EA = ED + DA =
DF + DA = 2 DA + AF
= 2 DA + AC (quando-
quidem per hypothesim DA ad AB = 1 ad 2, adeoque
AB = 2 DA, & insuper ostensum sit AF = AC) ergo
AB in AC et + AB in CB = AB + AC in AC = AB
in AC et + AC in AC: ergo vtrique auferendo AB
in AC, etiam AB in CB = AC in AC: ergo AB ad
AC = AC ad CB. Quod erat demonstrandum.



Propositio XV.

Recta linea AB extrema & media ratione secta sit
in C.

Dico lineas AB & AC, esse incommensurabiles.


H

Con-

58 Epist. IV. De commensurabilibus

Constructio. Factum sit triangulum rectangulum DAB , ita ut DA ad $AB = 1$ ad 2 .

Demonstratio. Quoniam AB secta est in C extrema & media ratione, ex prop. 14. satis patet, $DB - DA = AC$; sed quoniam per prop. 13. etiam DB & DA sunt lineæ incommensurabiles, patet quod $DB - DA$ sit incommensurabilis ipsi DA : ergo AC est incommensurabilis ipsi DA : ergo etiam AC & $2 DA$ sunt incommensurabiles: sed quia per hypothesim DA ad $AB = 1$ ad 2 , patet $AB = 2 DA$: ergo AC & AB sunt lineæ incommensurabiles.



Propositio XVI.

Datus sit quivis numerus vulgaris AB .

Dico numerum AB , diuidi non posse extrema & media ratione. Siue impossibile esse dari duos numeros vulgares AC & CB , ita ut $AC \dagger CB = AB$, & præterea AB ad $AC = AC$ ad CB .

Demonstratio per hypothesim AB ad $AC = AC$ ad CB , & insuper $AC \dagger CB = AB$: ergo per prop. 15. quantitates AB & AC sunt incommensurabiles: ergo numeris vulgaribus exprimi non potest proportio AB ad AC : ergo impossibile est dari numeros vulgares AC & CB , ita ut AB ad $AC = AC$ ad CB , & insuper $AC \dagger CB = AB$. Quod erat demonstrandum.

Propositio XVII.

Sit $\frac{x}{z}$ quælibet fractio vulgaris simplex constans minimis terminis.

Dico singulos numeros integros X & Z habere radicem n , si possibilis sit aliqua fractio æquivalens fractioni $\frac{x}{z}$; quæ habeat radicem n .

Nota. Littera n significat indeterminate quemlibet denominatorem numeri radicalis; præterea littera m , significat denominatorem numeri denominati qui unitate maior sit denominatore n .

Demonstratur prima pars. Per hypothesim possibilis est aliqua fractio habens radicem n , atque æquivalens fractioni $\frac{x}{z}$: itaque talis fractio sit $\frac{A^m}{B^m}$; quo posito, vel A & B non habent communem mensuram diuersam ab unitate, vel A & B habent communem mensuram diuersam ab unitate. In primo casu quoniam A & B non habent mensuram communem diuersam ab unitate per prop. 7. etiam A^m & B^m non habent mensuram communem diuersam ab unitate: ergo per prop. 3. etiam $\frac{A^m}{B^m}$ est fractio minimis terminis expressa: sed etiam per hypothesim $\frac{x}{z}$ est fractio minimis terminis expressa, & insuper $\frac{A^m}{B^m} = \frac{x}{z}$: ergo $A^m = X$, & etiam $B^m = Z$: sed $R^n * A^m = A$, & etiam $R^n * B^m = B$: ergo $R^n * X = A$, & etiam $R^n * Z = B$: ergo singuli numeri X & Z habent radicem n . In secundo casu. Per hypothesim numeri A & B habent communem mensuram, igitur maxima talis mensura sit P : præterea $\frac{A}{P} = K$, item $\frac{B}{P} = L$ igitur per prop. 4. proportio

60 Epist. IV. De commensurabilibus

K ad L est expressa minimis terminis, & præterea *K ad L* = *A ad B*: ergo per prop. 3. numeri *K* & *L* non habent mensuram diuersam ab unitate, adeoque per prop. 7. numeri *K m* & *L m*, non habent communem mensuram diuersam ab unitate: ergo per prop. 3. proportio *K m ad L m* est proportio minimis terminis expressa: ergo fractio $\frac{K m}{L m}$, est fractio minimis terminis expressa: sed quoniam *A ad B* = *K ad L*, singulos harum proportionum terminos, toties du-
cendo in seipsos, quot unitates continentur numero *n*, pa-
tet *A m ad B m* = *K m ad L m*, adeoque $\frac{A m}{B m} = \frac{K m}{L m}$: ergo $\frac{A m}{B m} = \frac{K m}{L m}$, & insuper fractio $\frac{K m}{L m}$ est expressa minimis terminis: sed etiã $\frac{A m}{B m} = \frac{m}{2}$, & insuper fractio $\frac{m}{2}$ est expressa minimis ter-
minis: ergo $\frac{K m}{L m} = \frac{m}{2}$, & singulæ istæ fractiones sunt expressæ minimis terminis: igitur *K m* = *X*, & etiã *L m* = *Z*: sed *R n* * *K m* = *K*, & etiã *R n* * *L m* = *L*: ergo *R n* * *X* = *K*, & etiã *R n* * *Z* = *L*: ergo singuli numeri *X* & *Z* habent radicem *n*. Constat igitur quod singuli numeri *X* & *Z* habeant radicem *n*, si possibilis est aliqua fractio æquivalens fractioni $\frac{m}{2}$ quæ habeat radicem *n*. Quod erat demonstrandum.

Propositio XVIII.


Singulæ litteræ *A, B, C, D*. Vulgares integros nume-
ros representent, ita tamen ut *A ad B* = *C ad D*; præ-
terea proportio *A ad B* sit expressa minimis terminis. De-
nique numerus *A* vel numerus *B* non habeat radicem *n*.

Dico *R n* * *C* & *R n* * *D*, esse numeros radicales inter
se incommensurabiles.

Demon-

Et incommensurabilibus quantitatib⁹ 61

Demonstratio. Per hypothesim $A \text{ ad } B = C \text{ ad } D$, & præterea proportio $A \text{ ad } B$ est expressa minimis terminis: ergo fractio $\frac{A}{B} = \frac{C}{D}$, et insuper fractio $\frac{A}{B}$ est expressa minimis terminis: sed quia per hypothesim singuli numeri B et A non habent radicem n , per propositionem præcedentem, non est possibilis vlla fractio vulgaris simplex æquivalens fractioni $\frac{A}{B}$, cuius tam numerator quam denominator habeat radicem n : ergo non est possibilis vlla fractio vulgaris simplex atque æquivalens fractioni $\frac{C}{D}$, cuius tam numerator quam denominator habeat radicem n : ergo non est possibilis vlla fractio vulgaris simplex æquivalens fractioni radicali $\frac{R n^{\frac{1}{n}} \cdot D}{R n^{\frac{1}{n}} \cdot C}$: ergo non sunt possibiles duo numeri vulgares integri habentes eandem proportionem quam $R n^{\frac{1}{n}} \cdot C$ habet ad $R n^{\frac{1}{n}} \cdot D$: sed per prop. 10. non sunt possibiles duo vulgares numeri non integri, habentes proportionem aliquam quæ exprimi non possit integris vulgaribus numeris: ergo non sunt possibiles vlli duo numeri vulgares habentes proportionem quam $R n^{\frac{1}{n}} \cdot C$ habet ad $R n^{\frac{1}{n}} \cdot D$: ergo per definitionem decimam, numeri radicales $R n^{\frac{1}{n}} \cdot C$ & $R n^{\frac{1}{n}} \cdot D$, sunt incommensurabiles inter se. Quod erat demonstrandum.



EPISTOLA QVINTA
AEGIDIUS FRANCISCVS DE GOTTIGNIES

Societatis Iesu.

D. PETRO PAVLO DE VECCHIS. S.



Audo ingenium tuum, laudo discendi ardorem: Verum quod tibi tantum labores planè non laudo; etenim ex Logisticae meae studio, satis magnam facilitatem tibi comparasti in enodandis difficultatibus Mathematicis: atque efformandis demonstrationibus, quibus aut problematum solutiones ostenduntur legitimæ, aut theorematum veritates probantur infallibiles; qua igitur ex causa tibi tantum vacas, et nihil componis quod aliorum etiam bono utile sit? at inquis, vt alijs, sic et mihi prescribe materiam parem viribus meis, quæque à me elaborata, pluribus possit prodesse: hoc à te responsum iam sæpius retuli; quam obrem mitto tibi problemata aliqua demonstrationibus destituta, vt quod in ipsis desideratur suppleas. Quam utilitatem habeant hæc problemata, facile aduerteres; scis enim quanti momenti sit in mea Logistica, vniuersalium operationum producta longiora, atque adeo minus commoda, reuocare ad breuiora, quæ sint magis commoda atque prioribus æquiualeant; id quomodo fiat, quando producta vniuersalia, orta sunt ex numeris vulgaribus, vel numeris denominatis non differentibus quo ad dignitatem: paucis
suff-

sufficienter exposui , immediatè post ipsas operationes vniuersales traditas in primo libro meæ Logisticæ : plura enim de hac materia non videbantur conuenire accedentibus ad studium meæ Logisticæ , ad quos liber ille scriptus est . Verum in Idea eiusdem Logisticæ quam scripsi ad magis prouectos , post expositam ab ipsis fundamentis doctrinam de proportionibus , in fine partis quartæ , doceo , quomodo ad simpliciora sed prioribus æquiualentia , reuocentur producta vniuersalia , genita ex proportionibus ; quodque libro primo Logisticæ docui circa numeros vulgares aut denominatos : et in citato loco ideæ Logisticæ trado circa proportionibus : hæc subsequencia problemata docent circa numeros radicales .

Problema I.

Datus sit quiuis vulgaris numerus X .
Oporteat inuenire vtrum datus numerus X , habeat datam radicem n : atque illam radicem n exhibere , supposito quod exprimi possit numero vulgari .

Solutio . Per Arithmeticam vulgarem inueniatur numerus $\frac{A}{B}$, qui simplex sit , atque constet minimis terminis , ita tamen vt $\frac{A}{B} = X$: Deinde per Appendicem lib: 1. Logisticæ quærat^{ur} radix n , numeri $\frac{A}{B}$; si hæc radix inueniri non possit , etiam verum erit quod radix n , numeri X , exprimi non possit numero vulgari ; si vero hæc radix inueniatur , atque $R n * \frac{A}{B} = \frac{C}{D}$, etiam $R n * X = \frac{C}{D}$.

Exempli Gratia datus numerus vulgaris si $\frac{1}{4}$; quærat^{ur}que an habeat radicem secundam . Numerus 16 per 54 ,
reductus

reductus ad simplicem atque constantem minimis terminis, erit 8 *per* 27; deinde $R 2 * 27$, est $\frac{2}{1}$; igitur $R 2 * \frac{16}{1}$, erit $\frac{1}{3}$. Rursus datus numerus sit $\frac{11}{4}$, quæraturne an habeat radicem secundam. Numerus 32 *per* 54, reductus ad simplicem constantem minimis terminis, erit 16 *per* 27: iam vero $R 2 * \frac{16}{27}$, inueniri non potest: quia licet radix secunda 27, sit 3, tamen radix secunda numeri 16 inueniri non potest iuxta dicta in Appendice lib. 1. Logisticæ; adeoque $R 2 * \frac{11}{4}$ non potest exprimi numeris vulgaribus.

Demonstratio patet ex prop. 17. de incommensurabilibus.

Problema II.

D Ati sint duo numeri vulgares maior X, minor Z. Oporteat inter numeros X et Z, inuenire tot medios proportionales, quot vnitates indicantur à dato vulgari integro numero n, supposito quod tales medij proportionales sint possibiles, siue exprimibiles numeris vulgaribus.

Solutio: Per Arithmetican vulgarem, fractio X *per* Z reuocata ad minimos terminos, sit A *per* B. Deinde per appendicem lib. 1. Logisticæ, inueniatur radix, n, fractionis A *per* B: atque hæc radix sit C *per* D; numerus Z ductus in numerum C *per* D, dabit unum ex medijs proportionalibus quæsitis: nimirum illud, qui numero Z proximè maior est: atque inuentus hic numerus, iterum ductus in C *per* D, dabit alium proximè maiorem: qui iterum ductus in C *per* D dabit denuo alium se proxime maiorem; atque ita deinceps.

Exempli

De numeris radicalibus. 65

Exempli Gratia, supposito quod dati numeri sint 8 & $2\frac{1}{2}$, fractio 8 *per* 2 reuocata ad minimos terminos, erit 4 *per* 1; huius fractionis radix prima est 2 *per* 1. Quoniam vero 2 *in* $\frac{1}{2} = 4$, etiam numerus 4 erit medius proportionalis quæsitus; eritque verum quod 2 *ad* 4 $= 4$ *ad* 8. Rursus dati numeri sint 4374 & 6, atque inter illos, quinque medij proportionales inueniri debeant; fractio 4374 *per* 6 reuocata ad minimos terminos, erit 729 *per* 1; huius fractionis radix quinta erit numerus 3 *per* 1; quoniam vero 6 *in* $\frac{1}{3} = 18$, numerus 18 erit minor ex quæsitis medijs proportionalibus; item quia 18 *in* $\frac{1}{3} = 54$, erit numerus 54 alter ex quæsitis medijs proportionalibus; similiter quia 54 *in* $\frac{1}{3} = 162$ hic erit tertius ex quæsitis medijs proportionalibus; rursus quia 162 *in* $\frac{1}{3} = 486$, hic erit quartus ex quæsitis medijs proportionalibus; denique quia 486 *in* $\frac{1}{3} = 1458$, hic erit quintus ex quæsitis medijs proportionalibus; eritque verum, quod numeri, 6, 18, 54, 162, 486, 1458, 4374. sint continuè proportionales.

Problema III.

Datus sit quiuis numerus vulgaris X. Oporteat inuenire numerum radicalem, qui habeat datum denominatorem, n, atque æquiualeat dato numero X.

Solutio. Datus vulgaris numerus X, toties in se ducatur, quot vnitates continentur dato denominatore n, quæsitum numeri radicalis. Deinde per factas multiplicationes pro-

ductus numerus vulgaris scribatur post asterisum, atque illi præponatur signum radicale cum dato denominatore n ; sic enim habebitur quæsitus numerus radicalis.

Exempli Gratia datus vulgaris numerus sit 3, & denominator quæsitus radicalis numeri sit 2; quoniam numerus 3, bis ductus in se, producit numerum 27: etiam $R\ 2 * 27 = 3$. Rursus supposito quod datus numerus sit $\frac{2}{3}$, & denominator quæsitus numeri radicalis sit 1; quoniam numerus $\frac{2}{3}$, semel ductus in se, producit $\frac{4}{9}$; etiam $R\ 1 * \frac{4}{9} = \frac{2}{3}$.

Problema. IV.

Dati sint duo numeri radicales habentes diuersum denominatorem.

Oporteat datos numeros radicales reuocare ad alios duos radicales numeros prioribus æquiuales, atque habentes eundem denominatorem.

Solutio. Primò datorum radicalium numerorum denominatores simul addantur, atque huic summæ addatur binarius, sic enim habebis nouum denominatorem qui characteri radicali apponendus erit in utroque numero radicali quæsito. Deinde numerus post asterisum scriptus in primo ex datis numeris radicalibus, toties in se ducatur, quot unitates continet denominator dati secundi numeri radicalis: atque hoc productum erit numerus post asterisum scribendus in primo ex quæsitis numeris radicalibus. Similiter numerus post asterisum scriptus in secundo ex datis numeris radicalibus, toties in se ducatur, quot unitates continet

continet denominator dati primi numeri radicalis : atque hoc productum erit numerus post asterismum scribendus in secundo ex quæsitis numeris radicalibus.

Exempli gratia primus numerus radicalis datus sit $R\ 1 * 4$. Secundus numerus radicalis datus sit $R\ 2 * 27$; quo supposito. Denominatores datorum numerorum radicalium simul additi dabunt numerum 3, qui auctus binario dabit numerum 5, qui erit denominator pro utroque numero radicali quæsito. Deinde, quia in primo numero radicali post asterismum scriptus numerus est 4, & denominator secundi numeri radicalis est 2: etiam numerus 4 bis ductus in se, hoc est numerus 64, erit numerus post asterismum scribendus, in primo quæsito numero radicali, qui erit $R\ 5 * 64$: eritque verum quod $R\ 5 * 64 = R\ 1 * 4$. Similiter quia in secundo numero radicali dato, post asterismum scriptus numerus est 27, & denominator primi dati radicalis numeri est 1, etiam numerus 27 semel ductus in se, hoc est numerus 729, erit numerus post asterismum scribendus in secundo quæsito numero radicali, qui erit $R\ 5 * 729$: eritque verum quod $R\ 5 * 729 = R\ 2 * 27$.

Problema V.

Dati sint duo numeri radicales, habentes eundem, siue communem denominatorem : atque uterque pro numeratore habeat unitatem.

Oporteat inuenire, an sint commensurabiles : atque supposito quod commensurabiles sint, exhibere duos numeros

vulgares eandem habentes proportionem quam habent dati radicales numeri.

Solutio. Ex duobus numeris scriptis post asterisum in datis numeris radicalibus, fiat fractio, deinde hæc fractio reuocetur ad numerum simplicem, atque constantem minimis terminis. Tertio per Appendicem lib. 1. Logisticæ, tam numeratoris, quam denominatoris inuenti simplicis numeri, radix illa inueniatur, quæ indicatur à communi denominatore datorum numerorum radicalium. Si singulæ istæ radices inueniri non possint, dati radicales numeri erunt incommensurabiles. Si singulæ istæ radices inueniri possint, dati radicales numeri erunt commensurabiles; atque maior ex inuentis radicibus ad minorem, habebit eandem proportionem, quam habet datus maior radicalis numerus ad minorem.

Exempli Gratia. Ex datis radicalibus numeris, vnus sit $R\ 1 * 18$: alter sit $R\ 1 * 8$; fractio $\frac{1}{2}$ reuocata ad minimos terminos, est $\frac{2}{4}$. Quoniam igitur $R\ 1 * 9 = 3$, & $R\ 1 * 4 = 2$: etiam $R\ 1 * 18$ ad $R\ 1 * 8 = 3$ ad 2. Rursus ex datis radicalibus numeris vnus sit $R\ 1 * \frac{1}{2}$, alter sit $R\ 1 * \frac{6}{40}$: fractio erit $\frac{3}{20}$, hæc fractio reuocata ad simplicem, atque minimis terminis constantem numerum, erit $\frac{3}{4}$, atque $R\ 1 * 4 = 2$, præterea $R\ 1 * 1 = 1$; quare $R\ 1 * \frac{1}{2}$ ad $R\ 1 * \frac{6}{40} = 4$ ad 1. Rursus ex datis numeris radicalibus vnus sit $R\ 1 * 6$, alter sit $R\ 1 * 8$; itaque fractio $\frac{6}{8}$ ad minimos terminos reuocata erit $\frac{3}{4}$: præterea $R\ 1 * 4 = 2$: Verum $R\ 1 * 3$ inueniri non potest per Appendicem lib. 1 Logisticæ; itaque dari non possunt duo numeri vulgares, ita vt vnus ad alterum, habeat eandem pro-

proportionem, quam $R \ 1 * 8$, habet ad $R \ 1 * 6$.

Problema VI.

DAta sit scriptio Logistica, in qua duo numeri radicales signo \dagger vel $-$ connectantur: ità tamen, vt singuli pro numeratore habeant vnitatem atque inter se sint commensurabiles; & talis scriptio sit $R \ n * A$ et $\dagger R \ n * B$. vel $R \ n * A$ et $- R \ n * B$.

Oporteat inuenire vnum numerum radicalem, æquiualentem propositæ scriptioni Logisticæ.

Solutio. Si dati numeri radicales non habent denominatorem, communem, ipsorum loco assumendi sunt duo numeri radicales ipsis æquiuales, atque habentes communem denominatorem: qui inueniri possunt per problema 4. Præterea, per problema 5. inueniantur duo numeri vulgares X & Z , ità vt $X \text{ ad } Z = R \ n * A \text{ ad } R \ n * B$; quod si fieri non possit, numeri radicales dati non erunt commensurabiles, vt hic supponitur, & etiam fieri non poterit quod petitur in proposito problemate. His peractis, atque adeo supposito quod dati numeri radicales habeant communem denominatorem n , quodque inuenti sint numeri vulgares X & Z , ità vt $X \text{ ad } Z = R \ n * A \text{ ad } R \ n * B$, inueniatur numerus C , qui æquetur aggregato numerorum X & Z , si dati radicales numeri similibus signis afficiantur; vel numerus C , sit differentia numerorum X & Z : si dati radicales numeri dissimilibus signis afficiantur. Deinde inuentus numerus, C , toties in se ductus, quot vnitates continet communis denominator n , ducatur in minorem numerum scriptum

scriptum post asterismum in datis numeris radicalibus; atque productum ex hac multiplicatione diuidatur per minorem ex numeris X & Z toties in se ductum, quot unitates continet comunis denominator n : Denique ultimæ huius diuisionis productum scribatur post asterismum, in numero radicali, habente denominatorem n , atque numeratorem 1 ; scriptusque hic numerus radicalis afficiatur signo quo maior ex datis radicalibus numeris afficitur. Sic enim habebitur quæsitus radicalis numerus.

Exempli Gratia. Proposita scriptio sit $R_1 * 8$ et $\dagger R_1 * 18$, itaque per 5 probl. $R_1 * 8$ ad $R_1 * 18 = 2$ ad 3. Præterea $2 \dagger 3 = 5$, item 5 semel ductum in se (quia communis denominator est 1) dat 25; hic numerus 25 ductus in 8 (qui est minor ex duobus numeris scriptis post asterismos) dat 200; iam vero quia numerorum 2 & 3 minor est 2, & 2 semel ductum in se dat 4, numerus 200 diuidi debet per 4: eritque productum 50. deniq; $R_1 * 50$, erit quæsitus radicalis numerus: atque verum erit, quod $R_1 * 50 = R_1 * 8$ et $\dagger R_1 * 18$. Rursus data scriptio sit $R_1 * 50$ & $- R_1 * 18$; itaque per prob. 5. $R_1 * 50$ ad $R_1 * 18 = 5$ ad 3: item $5 - 3 = 2$: præterea numerus 2, semel ductus in se, dat 4; hic numerus 4 in 18 = 72; iam vero quia numerorum 5 & 3, minor est 3: & numerus 3 semel in se ductus dat 9; numerus 72 diuidi debet per 9, cuius diuisionis productum est 8; denique $R_1 * 8$ erit quæsitus numerus radicalis, atque verum erit quod $R_1 * 8 = R_1 * 50$ et $- R_1 * 18$.

Nota si ex datis duobus numeris signo \dagger vel $-$ connexis vnus foret radicalis, & alter vulgaris: atque peteretur vnus radi-

radicalis numerus datis numeris æqualis; posset prius datus vulgaris reuocari ad æquivalentem radicalem, vt docetur probl. 3. quo factò, per problema hic propositum inuenietur quæsitus numerus radicalis.

Problema VII.

Sit scriptio in qua duo numeri radicales connexi sint particula *in*, vel particula *per*: & singuli pro numeratore habeant vnitatem; atque talis scriptio sit $Rn \star A \text{ in } Rn \star B$. Vel certe scriptio $Rn \star A \text{ per } Rn \star B$.

Oporteat inuenire vnum numerum radicalem æquivalentem propositæ scriptioni.

Solutio. Si dati radicales numeri non habeant communem denominatorem, ipsorum loco assumendi sunt duo numeri radicales datis æquivalentes, atque habentes denominatorem communem, n ; qui numeri inueniri poterunt per probl. 4. quo factò, in datis radicalibus numeris. post asterismos scripti vulgares numeri, eodem modo particula *is* vel *per* connectantur, sicut in proposita scriptione connexi sunt numeri radicales: atque per prob. 3. vel 4. cap. 3. lib. 1. Logisticæ, ad vnum numerum reuocentur: inuentus hic numerus, scribatur post asterismum, in numero radicali, qui habeat denominatorem n , atque pro numeratore habeat vnitatem: denique scriptus numerus radicalis afficiatur signo \dagger , si dati duo radicales numeri similibus signis afficiantur: vel inuentus numerus radicalis afficiatur signo

gno —, si dati duo radicales numeri dissimilibus signis afficiantur: sic enim habebitur quæsitus numerus radicalis, æquiualeus propositæ scriptioni.

Exempli gratia proposita sit scriptio $R\ 1 * 9\ in\ R\ 1 * 4$. Quoniam $9\ in\ 4 = 36$: $R\ 1 * 36 = R\ 1 * 9\ in\ R\ 1 * 4$; similiter proposita scriptio sit $R\ 1 * 9\ in - R\ 1 * 4$: quoniam $9\ in - 4 = - 36$; etiam $- R\ 1 * 36 = R\ 1 * 9\ in - R\ 1 * 4$. Rursus data scriptio sit $- R\ 1 * 9\ in - R\ 1 * 4$: quoniam $- 9\ in - 4 = 36$. etiam $R\ 1 * 36 = - R\ 1 * 9\ in - R\ 1 * 4$. Rursus data scriptio sit $R\ 1 * 64\ per\ R\ 1 * 4$: quoniam $64\ per\ 4 = 16$: etiam $R\ 1 * 16 = R\ 1 * 64\ per\ R\ 1 * 4$.

Nota. Si in proposita scriptione, ex duobus numeris particula *in* vel *per* connexis, vnus tantum foret radicalis, & alter foret vulgaris; atque peteretur numerus radicalis æquiualeus propositæ scriptioni; prius per probl. 3. vulgaris numerus reuocari posset ad radicalem, sibi æquiualentem; quo facto per problema propositum inueniretur numerus radicalis quæsitus.



GRIMALDVS DE NOBILIBVS

R. P. ÆGIDIO FRANCISCO DE GOTTIGNIES

Societatis Iesu. S.

Rius à te mihi interdictam, vt eo tempore inutilem, atque superfluam, Euclideanum Elementorum lectionem, nuper te suadente, aggressus sum; potissimum auidus experiri, an mihi eueniret quod futurum prædixeras, nimirum, an maximè compendiatè Geometriæ elementa proposita in Idea tuæ Logisticæ, mihi sufficerent, non tantum vt Euclideanam doctrinam facillimè intelligerem, verum etiam vt proprio Marte singula commodè demonstrarem, quæ proponuntur ab Euclide. Huius conatus mei specimen, compositum horis iuris prudentiæ studio non impeditis, ad te mitto, in quo singulas primi & secundi libri propositiones Euclideanæ ordine propono, atque demonstrò methodo tuâ; hæc nunquam ante ità mihi placuit, quam quando ex assumpto exercitio didici, eius ab Euclideanæ methodo diuersitatem. Quot in hac ambages, quanta planè superflua, quam miseræ demonstrationes vix vnquam in forma syllogistica propositæ, & plerumque non nisi negatiuæ, atque concludentes non tam ità se habere quod asseritur, quam ex eius opposito sequi absurdum. Præterea singula fere aut immediatè, aut mediatè innituntur axiomati propter rationes pag. 64. Ideæ tuæ

Logistica allatas, proscripto à tua methodo, quodque, meo iudicio, oculis satis benè, intellectu malè, seruit: atque adeò manualium practicae Geometriae concedendum sit, sed pro speculatiua, atque theorica nullatenus admittendum: tametsi consequenter concedi debeat vacillare demonstrationes propemodum omnes, quæ ab ipso Euclide, vel eius expositoribus propositæ circumferuntur. Plura huiusmodi alia sunt, quæ ex assumpto exercitio discere mihi iucundum fuit. Iam verò, vt hoc ipsum alijs innotesceret, existimaui operæ pretium fore, vt plures Euclideanorum elementorum libri tua methodo demonstrati prodirent in lucem: sic enim commodè conferre possent vtriusque methodi demonstrationes, qui in discenda Mathesi, vadunt qua itur, non quæ eundum est: & vt mihi persuadeo bonas horas malè perdunt, non alio errore decepti, quam quod nunquam peruenierint ad melioris methodi cognitionem. Hæc sunt quæ me impulerunt, vt censuræ tuæ offerrem, quas priorum librorum propositionibus addidi demonstrationes; etenim si à te probentur, atque non improbetur consilium meum: omnes priores sex libros elementorum Euclidis simili ordine demonstratos, bono publico, publici iuris facere decreui.



ELEMENTORVM EVCLIDIS

LIBER PRIMVS

Logisticis discursibus demonstratus.

A.

GRIMALDO DE NOBILIBVS.

Problema I. Propositio I.

Super data recta linea triangulum æquilaterum constituere. Fig. 1.
 Data sit recta linea AB .

Oporteat describere triangulum æquilaterum cuius vnum
 latus sit AB .

Solutio. Centro A interuallo AB describatur arcus, atque eodem interuallo, & centro B describatur alius arcus, priorem arcum intersecans in puncto C ; denique ducantur rectæ AC , & BC ; triangulum ABC erit æquilaterum.

Demonstratio. Ex proposita solutione patet, lineam circularem centro A radio AB descriptam alicubi intersecare lineam circularem centro B , atque radio AB descriptam: ergo potest centro A , atque radio AB describi arcus, qui arcum centro B radio AB descriptum interfecet in C ; sed per axioma 9. partis. 2. Idæ, huiusmodi arcus sese intersecant in vnico puncto: ergo C punctum est: ergo lineæ AC , CB , AB singulæ sunt latera eiusdem trianguli ACB ; sed etiam lineæ AC , CB , AB sunt inter se æquales, quandoquidem

K' 2

sint

sint radij æqualium circularum, vt patet ex solutione allata: ergo eiusdem trianguli ABC singula latera sunt inter se æqualia; adeoque faciendo, quæ in solutione præscripta sunt, habetur triangulum ABC , atque illud triangulum est æquilaterum. Quod erat demonstrandum.

Scholium.

VT propositum problema demonstrarem, assumendum mihi fuit axiomâ 9. partis 2. Ideæ, quod axioma non inuenio apud Euclidis commentatorem, ex quo sumpsi propositionum titulos. Qua ex causa prætermissum sit, non satis percipio; etenim certissimum est, non quaslibet duas curuâs lineas semel tantum sibi occurrentes sese interfecare in vnico puncto, cum manifestum sit, duas curuâs lineas habere posse partem communem. Quare, licet circuli arcus sint curuæ lineæ, tamen duos circularum arcus semel sese interfecantes tantum in vnico puncto sese interfecare, vel immediatè manifestum est ex terminis, quemadmodum ex rerminis manifestum est Euclidis axioma asserens, duas rectas lineas semel sese interfecantes tantum in vnico puncto sese interfecare: vel non est manifestum ex terminis. Si primum supponatur, & tamen de rectis lineis agens axioma expressè ponendum erat inter axiomata, vt deinde in demonstrationibus assumi posset, non video, cur alterum axioma de arcubus agens ponendum non fuerit, cum ipsi innitatur demonstratio primi problematis, adeò vt hæc demonstratio planè erronea sit, atque nullo modo subsistat ipsa problematis solutio, eo ipso quod ponatur, duos arcus semel se-

sc

se interfecantes non in vnico tantum puncto sese intersecare, sed plura puncta habere communia. Si verò supponatur, de arcubus agens Logisticæ axioma ex terminis manifestum non esse: profectò non assequor, quomodo rigorosè demonstrari possit primum Euclidis problema, nisi prius demonstretur, verum esse, quod asserit Logisticæ axioma agens de arcubus. Insinuata difficultas me impulit, vt circa primum problema varios Euclidæ doctrinæ scriptores consulerem, nimirum Christophorum Clauium, Federicum Commandinum, Christophorum Grimbergerum, Ioannem Alphonsum Borellum, Andream Taquet. Apud nullum ex his authoribus inueni, aut axioma Logisticæ agens de arcubus sese interfecantibus, aut insinuatum, ex definitionibus constare, quod in dicto axioma asseritur. Hinc intuli primò prædictos authores non ita scrupulosos esse in suis demonstrationibus, vt non liberè assumant axiomata minus clara, quam sint illa, quæ expresse proponunt tanquam axiomata: secundo, Logisticæ axioma agens de arcubus sese interfecantibus admittendum inter rigorosa axiomata ab ijs omnibus, qui nolunt concedere, quod nequidem prima Euclideorum elementorum propositio rigorosè demonstrata sit ab ullo ex citatis authoribus.

Problema II. Propositio II.

A *D datum punctum data rectæ lineæ æqualem ponere.*
 Data sit recta linea AB, & punctum aliquod C
 Oporteat ex puncto C ducere rectam CE, æqualem datæ rectæ AB.

Fig. 2.

Solu-

78 Epist. VI. Liber primus

Solutio. Ponatur quævis indefinita recta linea CD , atque centro C interuallo AB describatur arcus secans rectam CD in puncto E ; erit recta CE illa, quæ petitur.

Demonstratio. Ex solutione patet $AB = CE$: sed etiam CE est recta linea posita ad punctum C : ergò ad punctum C posita est recta linea CE æqualis datæ rectæ AB . Quod erat demonstrandum.

Problema III. Propositio III.

D *abue datis rectis lineis minorem ex maiori auferre.*
Data sit recta CD , & altera minor AB .

Oporteat ex maiori CD , minorem AB auferre, atque inuenire residuum ED .

Fig. 2. Solutio. Interuallo AB , centro C describatur arcus secans rectam CD in puncto E : erit recta ED illa, quæ remanet post ablationem, siue quæ petitur.

Demonstratio. Ex solutione patet $CD - CE = ED$: sed etiam patet $AB = CE$: ergò $CD - AB = ED$. Quod erat demonstrandum.

Theorema I. Propositio IV.

S *i duo triangula duo latera duobus lateribus æqualia habeant, utrumque utrique: habeant verò angulum angulo æqualem sub æqualibus lateribus contentum, & basim basi æqualem habebunt, erisque totum triangulum æquale triangulo, & anguli correspondentes æqualibus lateribus æquales erunt.*

Fig. 3. Sint duo triangula ABC , & DEF , atque $CA = ED$
item

item $BA = FD$, ac præterea angulus $CAB =$ angulo EDF .

Dico primo, $CB = EF$.

Dico secundo angulum $C =$ angulo E : item angulum $B =$ angulo F .

Dico tertio: triangulum $ABC =$ triangulo DEF .

Demonstratur prima & secunda pars. Per hypothese-
 $CA = ED$: item $BA = FD$: ergo CA *ad* $ED = BA$
ad FD : atqui etiam per hypothese- angulus $CAB =$ an-
 gulo EDF : ergo per theor. 5. partis 3. Ideæ, triangulum
 CAB est simile triangulo EDF : ergo CB *ad* $EF = CA$
ad ED , & insuper angulus $C =$ angulo E , item angulus,
 $B =$ angulo F : sed per hypothese- $CA = ED$: ergo etiam
 $CB = EF$, & insuper angulus $C =$ angulo E , item angu-
 lus $B =$ angulo F . Vt in prima, & secunda parte asseritur.

Constructio pro tertia parte. Ductæ sint rectæ AX &
 DZ perpendiculares ad rectas CB , & EF , atque ipsi-
 (productis si opus fuerit) occurrentes in punctis X & Z .

Demonstratur tertia pars. Per secundam partem angulus Fig. 4.
 $C =$ angulo E : sed etiam angulus $CBX =$ angulo $E.Z.D$,
 cum uterque per constructionem rectus sit: ergo per theor. 5.
 partis 3. Ideæ triangulum CXA est simile triangulo $E.Z.D$:
 ergo AX *ad* $DZ = CA$ *ad* ED : atqui per hypothese-
 $CA = ED$: ergo $AX = DZ$: sed per primam partem
 etiam $CB = EF$: ergo CB *in* XA ductu 3. $= EF$ *in* ZD
 ductu 3: atqui CB *in* XA ductu 3. $=$ triangulo ACB :
 item EF *in* ZD ductu 3. $=$ triangulo DEF : ergo trian-
 gulum $ACB =$ triangulo DEF . Vt asseritur in tertia
 parte.

Theorema II. Propositio V.

Iscelium triangulorum, qui ad basim sunt anguli inter se sunt æquales, & productis æqualibus lateribus, qui sub basi fiunt anguli inter se sunt æquales.

Fig. 4

In triangulo ABC latus $AB =$ lateri AC , sitque latus AB productum in Z , & similiter latus AC productum sit in X .

Dico primò, angulum $ABC =$ angulo ACB .

Dico secundò, angulum $ZBC =$ angulo XCB .

Constructio. Ducta sit recta AD occurrens basi in D , ità ut $BD = DC$.

Demonstratur prima pars. Per hypothefim, vel constructionem in triangulis BDA , & CDA , latus $BA =$ lateri AC , item latus $BD =$ lateri DC , denique latus $DA =$ lateri DA , est enim idem latus commune utrique triangulo: ergo per theor. 5. partis 3. Ideæ triangulum BDA est simile triangulo CDA : ergo angulus $ABD =$ angulo ACD , siue quod idem est angulus $ABC =$ angulo ACB . Ut asseritur in prima parte.

Fig. 4.

Demonstratur secunda pars. Per theor. 2. partis 3. Ideæ angulus $ABC + ZBC =$ duobus rectis angulis, & etiam angulus $ACB + XCB =$ duobus rectis angulis: ergo angulus $ABC + ZBC =$ angulo $ACB + XCB$: sed per primam partem angulus $ABC =$ angulo ACB : ergo etiam angulus $ZBC =$ angulo XCB . Ut asseritur in secunda parte.

Theorema III. Propositio VI.

SI trianguli duo anguli æquales inter se fuerint, & ab æqualibus angulis subtensa latera inter se æqualia erunt. Fig. 4.
 In triangulo ABC angulus ABC sit æqualis angulo ACB .

Dico latus BA æquari lateri AC .

Constructio. Recta AD perpendicularis ad BC illi occurrat in D .

Demonstratio. Per hypotheseſim angulus $ABD =$ angulo ACD : sed etiam ex constructione patet angulum $BDA =$ angulo CDA : ergo per theor. 5. partis 3. Ideæ triangulum BDA est simile triangulo CDA : ergo BA ad $AC = AD$ ad AD : sed patet $AD = AD$: ergo etiam $BA = AC$. Quod erat demonstrandum.

Theorema IV. Propositio VII.

SUper eadem recta linea duabus eiſdem rectis lineis alia duæ rectæ lineæ æquales, altera alteri, non constituetur ad aliud atque aliud punctum ad easdem partes, eosdem, quos prima rectæ lineæ, terminos habentes.

Ex punctis B , & C rectæ BC ductæ sint duæ rectæ BA , & CA concurrentes in puncto A , præterea ad eandem partem rectæ BC duæ rectæ BX , & CX concurrant in puncto X ; denique BA & BX sint inter se æquales, & etiam CA & CX inter se æquales sint. Fig. 5.

Dico punctum A non esse diuersum à puncto X .

L

De.

Demonstratio. Per hypothesim in triangulis BAC , & BXC , recta $BA = BX$, item $CA = CX$, denique $BC = BC$: ergo BA ad $BX = CA$ ad $CX \hat{=} BC$ ad BC : ergo per theor. 5. partis 3. Ideæ triangulum BAC est simile triangulo BXC : ergo angulus $CBA =$ angulo CBX : sed etiam per hypothesim lineæ rectæ BA & BX sunt ad eandem partem rectæ BC : ergo per theor. 1. partis 3. Ideæ puncta B, A, X sunt in eadem recta linea: atqui per hypothesim $BA = BX$: ergo puncta A , & X non sunt diuersa. Quod erat demonstrandum.

Theorema V. Propositio VIII.

Si duo triacula duo latera habuerint duobus lateribus equalia utrumque utrique, habuerint vero & basim basi equallem: angulum quoque sub equalibus rectis lineis contentum angulo equallem habebunt.

Fig. 3.

Sint duo triacula ACB , & DEF , atque $CA = ED$, item $AB = FD$, denique $CB = EF$.

Dico angulum $CAB =$ angulo EDF , item angulum $ACB =$ angulo DEF , ac denique angulum $CBA =$ angulo EFD .

Demonstratio. Per hypothesim $CA = ED$, item $AB = FD$, denique $CB = EF$: ergo CA ad $ED = AB$ ad $FD \hat{=} CB$ ad EF : ergo per theor. 5. partis 3. Ideæ triangulum ACB est simile triangulo DEF , ergo angulus $CAB =$ angulo EDF , item angulus $ACB =$ angulo DEF , ac denique angulus $CBA =$ angulo EFD . Quod erat demonstrandum.

pro.

Problema IV. Propositio IX.

Datum angulum rectilineum bifariam secare.

Datus sit angulus rectilineus BAC .

Opporteat ducere rectam AF , ita ut angulus $BAF =$ angulo CAF .

Solutio. Centro A , atque eodem intervallo describan- Fig. 6.
tur duo arcus, quorum vnus rectam AB secet in puncto D ,
alter rectam AC secet in puncto E . Rursus centro D des-
cribatur aliquis arcus, quem eodem intervallo, atque centro
 E descriptus arcus interfecet in puncto F . Denique ducatur
recta AF ; sic enim habebitur quæsitum.

Constructio: Ductæ sint rectæ DF , & EF .

Demonstratio. Ex solutione patet $AD = AE$, item
 $DF = EF$, ac denique $AF = AF$: ergo AD ad $AE =$
 DF ad $EF = AF$ ad AF : ergo per theor. 5. part. 3. Idæ
triangulum DAF est simile triangulo EAF : ergo angu-
lus $DAF =$ angulo EAF , adeoque angulus $BAF =$
angulo CAF . Quod erat demonstrandum.

Problema V. Propositio X.

Datam rectam bifariam secare.

Data sit recta AB .

Opporteat inuenire eius punctum D , ita ut AD æque- Fig. 7.
tur DB .

Solutio: Centro A describatur arcus, quem centro B ,
atque eodem intervallo descriptus arcus secet in puncto C .

L 2

Rur-

Rursus centro A describatur arcus, quem eodem intervallo descriptus arcus secet in puncto F diuerso à puncto C. Denique per inuenta puncta C & F ducatur recta linea; hæc occurret rectæ AB in puncto D quæsito, eritque AD æqualis ipsi DB.

Constructio. Ductæ sint rectæ CA, CB, AF, BF.

Demonstratio. Ex solutione patet $CA = CB$, item $AF = BF$, ac deniq; $CF = CF$: ergo CA ad $CB = AF$ ad $BF = CF$ ad CF : ergo per theor. 5. partis 3. Idææ triangulum FCA est simile triangulo FCB: ergo angulus FCA = angulo FCB, hoc est angulus DCA = angulo DCB: sed etiam CA ad $CB = CD$ ad CD , cum per solutionem $CA = CB$: ergo per theor. 5. partis 3. Idææ triangulum ACD est simile triangulo BCD: ergo AD ad $DB = DC$ ad DC : sed $DC = DC$: ergo $AD = DB$. Quod erat demonstrandum.

Problema VI. Propositio XI.

Data recta linea, à puncto in ea dato ad rectos angulos lineam ducere.

Fig 8. Data sit recta linea AB, atque in illa datum sit punctum C.

Opporteat ex puncto C ducere rectam lineam CF perpendicularem ad rectam AB.

Solutio. Centro C eodem intervallo describantur duo arcus, quorum vnus in puncto D, alter in puncto E secet lineam AB. Rursus centro D describatur arcus interfecans arcum centro E, atq; eodem intervallo descriptum in puncto

puncto F. Denique ducatur recta FC; erit FC perpendicularis quaesita .

Demonstratio . Ductis rectis FD, & FE. Ex solutione patet $FD = FE$, item $DC = EC$: atqui $CF = CF$: ergo $FD \text{ ad } FE = DC \text{ ad } CE \triangleq CF \text{ ad } CF$: ergo per theor. 5. partis 3. Ideæ triangulum DCF est simile triangulo ECF: ergo angulus DCF = angulo ECF: sed per theor. 3. partis 3. Ideæ angulus DCF + ECF = duobus rectis angulis: ergo angulus DCF est rectus, adeoque linea CF est perpendicularis ad lineam DE, siue AB. Quod erat demonstrandum.

Problema VII. Propositio XII.

S *V* per datam rectam lineam à dato puncto, quod in ea non est perpendicularem rectam ducere.

Data sit recta linea AB, extrà quam datum sit punctum C non indirectum cum recta AB. Fig. 7.

Opporteat ex puncto C ducere rectam CD perpendicularem ad rectam AB.

Solutio . Cum per hypothesim punctum C non sit indirectum cum linea AB patet punctum C esse ad vnâ partem rectæ AB . Itaque in opposita parte rectæ AB centro A interuallo AC describatur arcus, quem alius arcus centro B interuallo BC interfecet in puncto F . Denique ducatur recta linea CF; hæc erit perpendicularis ad rectam AB.

Constructio . Cum puncta C, & F sint ad oppositas partes rectæ AB patet rectam AB (productam, si opus fuerit) interfecari in aliquo puncto à recta CF; itaque punctum D sit

fit illud, in quo recta CF intersecat rectam AB , sintque ductæ rectæ AC , CB , AF , BF .

Demonstratio. Ex solutione patet $AC = AF$, item $BC = BF$, ac denique $AB = AB$: ergo AC ad $AF = BC$ ad $BF \hat{=} AB$ ad AB : ergo per theor. 5. partis 3. Idæ, triangulum ABC est simile triangulo ABF : ergo angulus $ABC =$ angulo ABF , hoc est angulus $DBC =$ angulo DBF ; sed etiam $BC = BF$, item $BD = BD$: ergo per theor. 5. partis 3. Idæ, triangulum DBC est simile triangulo DBF : ergo angulus $DBC =$ angulo DBF : sed etiam per theor. 3. partis 3. Idæ, angulus $DBC + BDF =$ duobus rectis angulis: ergo angulus DBC rectus est, adeoque linea CD , siue CF est perpendicularis ad lineam DB , siue AB . Quod erat demonstrandum.

Theorema VI. Propositio XIII.

Cum recta linea super rectam insitens lineam angulos facit, aut duos rectos, aut duobus rectis æquales faciet.

Est prima pars theorematis 2. partis 3. Idæ.

Theorema VII. Propositio XIV.

Si ad aliquam rectam lineam, atque ad eius punctum duæ rectæ lineæ non ad easdem partes positæ, angulos, qui deinceps sunt, duobus rectis æquales fecerint; ipsæ rectæ lineæ in directum sibi inuicem erunt.

Est secunda pars theorematis 2. partis 3. Idæ.

Theorema VIII. Propositio XV.

Si dua recta linea sese inuicem secuerint, angulos, qui ad uerticem sunt, inter se aequales efficient.

Est theorema 3. partis 3. Ideæ.

Theorema IX. Propositio XVI.

Cuiuscumque trianguli uno latere producto externus angulus utrolibet interno, & opposito maior est.

Trianguli ABC vnum latus AC productum sit usque in D. Fig. 9.

Dico, angulum externum BCD esse maiorem quolibet ex duobus angulis A, vel B.

Demonstratio. Per theor. 13. partis 3. Ideæ angulus $A + B + ACB =$ duobus rectis: sed per theor. 2. partis 3. Ideæ angulus $BCD + ACB =$ duobus rectis: ergo angulus $A + B + ACB =$ angulo $BCD + ACB$: ergo utrimque auferendo eundem angulum ACB, etiam angulus $A + B =$ angulo BCD: ergo angulus BCD est maior quolibet ex angulis A, vel B. Quod erat demonstrandum.

Theorema X. Propositio XVII.

Cuiuscumque trianguli duo anguli simul sumpti sunt minores duobus rectis.

Ex theor. 13. partis 3. Ideæ constat, quod cuiuscumque trianguli

trianguli tres anguli simul æquantur duobus rectis angulis :
ergo duo simul sunt minores duobus rectis .

Theorema XI. Propositio XVIII.

Omnis trianguli maius latus maiorem angulum subtendit.
In triangulo ABC latus AC sit maius quolibet ex
Fig. 10 duobus lateribus AB , & BC .

Dico, angulum ABC esse maiorem quolibet ex duobus
angulis A , & C .

Constructio. In recta AC notatum sit punctum D ita
ut AC ad $BC = BC$ ad CD , sitque ducta recta BD .

Demonstratio. Per hypothesim AC est maior, quam
 BC : sed per constructionem AC ad $BC = BC$ ad CD :
ergo etiam AC est maior, quam CD : ergo punctum D
cadit intra puncta A & C : ergo recta BD cadit intra rectas
 AB , & CB : ergo angulus ABC est maior angulo DBC :
sed quoniam per constructionem AC ad $CB = CB$ ad CD
& angulus C est communis per theor. 5. partis 3. Idem
triangulum ABC est simile triangulo DBC , adeoque
angulus $A =$ angulo DBC : ergo angulus ABC est ma-
ior angulo A .

Similiter patet, angulum ABC esse maiorem angulo
 C , si per constructionem ponatur AC ad $AB = AB$ ad
 AD .

Theorema XII. Propositio XIX.

Omnis trianguli maior angulus à maiori latere subendi-
tur .

In triangulo ABC angulus ABC fit maior quolibet Fig. 10.
ex angelis A , & C .

Dico latus AC esse maius quolibet ex reliquis lateribus
 AB , & BC .

Constructio . Ex puncto B ducta sit recta linea BD oc-
currens rectæ AC in puncto D , ita ut angulus $DBC =$ an-
gulo BAC .

Demonstratio . Per hypothefim angulus ABC est ma-
ior angulo BAC : sed per constructionem angulus DBC
 $=$ angulo BAC : ergo angulus ABC est maior angulo
 DBC : ergo recta BD cadit intra rectas AB , & BC , adeo-
que recta AC est maior, quam recta DC : sed quoniam per
constructionem angulus $DBC =$ angulo A , & insuper an-
gulus C est communis per theor. 5. partis 3. Ideæ triangu-
lum ABC est simile triangulo DBC , adeoque AC ad
 $CB = BC$ ad DC : ergo ex tribus lineis proportionalibus
 AC, CB, DC , prima AC maior est ultima DC , adeoque
etiam prima AC est maior media CB .

Simili planè discursu euincitur lineam AC esse maio-
rem linea AB , si per constructionem angulus DBA po-
natur æqualis angulo C .

Theorema XIII. Propositio XX.

Omnis trianguli qualibet duo latera simul sumpta reliquo sunt maiora.

Fig. 11 Sit quoduis triangulum. ABC . cuius. maximum latus sit AC .

Dico lineas. CB , & AB . simul sumptas. esse maiores linea AC .

Si prudenter dubitari potest de veritate theorematism, pro-
ut ab Euclide proponitur, certè dubitari non potest, nisi de
duobus minoribus lateribus, an simul, reliquo, atque ma-
iori latere maiora sint; Qua de causa. ad hunc casum volui
restringere theorema, quod in alijs. casibus ex ipsis terminis.
planè evidens demonstrabile non videtur.

Constructio. Centro C radio AC descriptus sit arcus, qui
rectæ CB productæ occurrat in puncto D , sitque ducta re-
cta DA .

Demonstratio. Per constructionem $AC = CD$: sed per
hypothesim AC est maior BC : ergo CD est maior, quam
 BC : ergo AB cadit inter rectas AD & AC : ergo angulus
 DAC est maior angulo DAB : sed per constructionem, &
propositionem 5. hic, etiam angulus $DAC =$ angulo ADC :
ergo angulus ADC est maior angulo DAB : ergo per pro-
positionem præcedentem linea AB est maior, quam linea
 DB : ergo $CB + AB$ est maior, quam $CB + DB$: sed
 $CB + DB = CD = AC$, ut patet ex constructione: ergo
 $CB + AB$ est maior, quam AC . Quod erat demon-
strandum.

Theo-

Theorema XIV. Propositio XXI.

SI super trianguli uno latere ab extremitatibus dua rectæ lineæ ductæ fuerint, quæ interius iungantur; hæc linea reliquis trianguli duobus lateribus minores erunt, minorem vero angulum continebunt. Fig. 11

In triangulo ABC ductæ sint duæ lineæ rectæ BD & CD intra triangulum concurrentes in puncto D .

Dico primo, rectas CD , & DB simul sumptas esse minores rectis CA , & AB simul sumptis.

Dico secundo, angulum BDC esse maiorem angulo BAC .

Constructio pro prima parte. Recta BD producta occurrat rectæ CA in puncto E .

Demonstratur prima pars. Quoniam per hypothesim punctum D cadit intra triangulum ABC , patet DB esse minorem, quam EB : sed per propositionem 20. hic, CD est minor, quam $CE + ED$: ergo $CD + DB$ est minor, quam $CE + ED + DB$ hoc est $CE + EB$: Rursus ex hypothesi, & constructione satis constat CE esse minorem, quam CA : sed per propositionem 20. hic etiam EB est minor, quam $EA + AB$: ergo $CE + EB$ est minor, quam $CE + EA + AB$, hoc est $CA + AB$. Quoniam igitur ostensum est $CD + DB$ esse minorem, quam $CE + EB$, & insuper etiam $CE + EB$ esse minorem, quam $CA + AB$, manifestum est $CD + DB$ esse minorem $CA + AB$. Ut asseritur in prima parte.

Constructio pro secunda parte. Per puncta A & D du-

Ut recta occurrat rectæ BC in puncto F .

Demonstratur secunda pars. Quoniam per hypothesim punctum D cadit intra triangulum ABC , manifestum est, rectam AF cadere intra rectas AC & AB , adeoque angulum $BDF + FDC =$ angulo BDC , item angulum $BAF + FAC =$ angulo BAC : sed quoniam per prop. 16. hic, angulus BDF est maior angulo BAF , & etiam angulus FDC est maior angulo FAC , etiam angulus $BDF + FDC$ est maior angulo $BAF + FAC$: ergo angulus BDC est maior angulo BAC , Ut asseritur in secunda parte.

Problema VIII. Propositio XXII.

Tribus datis lineis, quarum due simul tertia sint maiores triangulum construere.

Fig. 13 Datae sint tres rectæ lineæ R, X, Z , quarum quælibet duæ simul sint maiores reliqua.

Opporteat construere triangulum ABC ita ut $AB = R$, item $AC = X$, denique $BC = Z$.

Solutio. Posita recta AB , quæ sit æqualis rectæ R , centro A interuallo X describatur arcus, qui in puncto C interfecet alium arcum centro B interuallo Z descriptum, ducanturque rectæ AC , & BC , triangulum ABC erit illud, quod petitur.

Constructio. Sit R illa ex datis tribus lineis, qua inter reliquas duas nulla maior. Deinde centro A interuallo X descriptus arcus occurrat rectæ AB (productæ si opus fuerit) in puncto F , & centro B interuallo Z descriptus arcus occurrat rectæ AB in puncto E .

Demonstratio . Per hypothesim R non est minor quam X , vel Z : sed etiam per hypothesim $R = AB$, item $X = AF$, item $Z = BE$: ergo puncta E, F , non cadunt extra rectam AB : sed quoniam per hypothesim R est minor quam $X + Z$, etiam AB est minor, quam $AF + BE$, & consequenter BF est minor, quam BE : ergo puncta A & E sunt intra arcum centro A interuallo AF descriptum : atqui etiam puncta F & B sunt intra arcum centro B interuallo BE descriptum : igitur arcus centro A interuallo AF descriptus, atque productus alicubi extra rectam AB occurrit arcui centro B interuallo BE descripto atque producto, qui concursus vocatur C , vt patet ex solutione : sed per axioma 9. partis Ideæ talis arcuum concursus fit in vnico puncto : ergo C est punctum extra lineam AB constitutum : ergo lineæ AB, BC, CA constituunt, siue terminant triangulum ABC : sed etiam ex solutione patet $AB = R$, item $AC = X$, item $BC = Z$: ergo triangulum ABC terminatur à tribus lineis æqualibus datis tribus lineis R, X, Z . Quod erat demonstrandum.

Problema IX. Propositio XXIII.

AD datam rectam lineam, datumque in ea punctum dato angulo rectilineo æqualem constituere.

Fig. 14

Sit datus angulus MGH , & recta aliqua linea AB , in qua notatum sit punctum C .

Opporteat ex puncto C ducere rectam CD , ita vt angulus DCB æquetur angulo MGH .

Solutio . Centro G interuallo GI ad libitum assumpto des-

describatur arcus IK , rectæ GM occurrens in puncto I , rectæ vero GH occurrens in puncto K . Deinde eodem intervallo, atque centro C describatur alius arcus EL occurrens rectæ AB in puncto E , præterea intervallo KI centro E describatur arcus, qui arcum EL interfecet in F . Denique per puncta C & F ducatur recta CD , erit angulus DCB ille, qui petitur.

Etenim ex solutione, & axioma 1. partis 2. Logisticæ satis patet arcum $KI =$ arcui EF , adeoque mēsuras angulorum DCB , & MGH inter se æquales esse, & consequenter angulum $DCB =$ angulo MGH . Vt petebatur.

Theorema XV. Propositio XXIV.

SI duo triangula duo latera duobus lateribus equalia haberint alterum alteri, angulum autem angulo maiorem qui equalibus lineis continetur, & basim basi maiorem habebunt.

Fig. 15 In triangulis ABC , & DEF latus $AB =$ lateri DE , item latus $AC =$ lateri DF , denique angulus BAC sit maior angulo EDF .

Dico BC esse maiorem, quam EF .

Constructio. Angulus $EDG = BAC$, ita vt $DF = DG$; atque ductæ sint rectæ EG , & FG .

Demonstratio. Per constructionem $DF = DG$: ergo per prop. 3. hic, etiam angulus $DFG =$ angulo DGF : sed totus angulus DGF est maior partiali angulo EGF : ergo angulus DFG est maior angulo EGF : atqui etiam totus angulus EGF est maior partiali angulo DFG : ergo angulus EGF est maior angulo EGF : ergo per prop. 19. hic,

hic, etiam latus EG est maius latere EF : sed quoniam per hypothesim, vel constructionem $DG = DF \triangleq AC$, item $DE = AB$, & præterea angulus $EDG =$ angulo BAC per prop. 4. hic, latus $BC =$ lateri EG : ergo latus BC est maius latere. EF . Quod erat demonstrandum.

Theorema XVI. Propositio XXV.

Si duo triacula duo latera duobus lateribus æqualia habeant, alterum alteri, basim verò maiorem; & angulum angulo, qui æqualibus lateribus continetur, maiorem habebunt.

In triangulis ABC , & DEF , latus $AB =$ lateri DE , item latus $AC =$ lateri DF , denique latus BC sit maius latere EF . Fig. 15

Dico angulum BAC esse maiorem angulo EDF .

Constructio. Centro D intervallo DF descriptus sit arcus HE occurrens rectæ DE (productæ, si opus fuerit) in puncto H . Præterea posita sit recta EG æqualis rectæ BC , atque arcui per puncta H & F iam descripto occurrens in puncto G . Denique ducta sit recta DG .

Demonstratio. Per hypothesim BC est maior, quam EF : sed $EG = BC$: ergo EG est maior quam EF : ergo centro E radio EF descriptus circulus, totus cadit intra circulum, centro E radio EG descriptum: ergo punctum G cadit extra circulum centro E radio EF descriptum: ergo arcus HG est maior arcu HF : ergo angulus EDG est maior angulo EDF : sed quoniam per hypothesim $AC = DF \triangleq DG$, & præterea $AB = DE$, ac denique per constructionem $BC = EG$ per theor. 5. partis

3. Idæ patet angulum $EDG =$ angulo BAC : ergo angulus BAC est , maior angulo EDF . Quod erat demonstrandum .

Theorema XVII. Propositio XXVI.

S I duo triangula duos angulos duobus angulis æquales habeant ; alterum alteri , utrumque latus uni lateri æquale , vel quod æqualibus adiacet angulis , vel quod uni æqualium angulorum subtenditur , & reliqua latera reliquis lateribus æqualia alterum alteri , & reliquum angulum reliquo angulo æqualem habebunt .

Fig. 3.

In triangulis ABC , & DEF angulus $ABC =$ angulo $D FE$, & insuper angulus $BCA =$ angulo FED ; denique latus $BC =$ lateri FE : vel latus $AB =$ lateri DF : vel denique latus $AC =$ lateri DE .

Dico angulum $BAC =$ angulo FDE , & præterea $BC = FE$: item $AB = DF$: item $AC = DE$.

Demonstratio . Per hypothefim angulus $ABC =$ angulo $D FE$, & insuper angulus $ACB =$ angulo DEF : ergo per theor. 5. part. 3. Idæ triangulum ABC est simile triangulo DEF , adeoque angulus $BAC =$ angulo FDE , & insuper BC ad $FE = AB$ ad $DF = AC$ ad DE : sed etiam per hypothefim $BC = FE$, vel $AB = DF$, vel $AC = DE$: ergo angulus $BAC =$ angulo FDE , & præterea $BC = FE$: item $AB = DF$: item $AC = DE$. Quod erat demonstrandum .

Theorema XVIII. Propositio XXVII.

SI in duas rectas lineas recta linea incidens alternos angulos inter se aequales fecerit, parallelæ erunt recta linea.

Est secunda pars assertionis 2. theorematidis 4. partis 3. Idæ.

Theorema XIX. Propositio XXVIII.

SI in duas rectas lineas recta incidens externum angulum interno, & opposito ad eandem partem æqualem fecerit, aut internos ad eandem partem duobus rectis æquales, parallelæ erunt ista recta linea.

Est prima, & tertia pars assertionis secundæ theor. 4. part. 3. Idæ.

Theorema XX. Propositio XXIX.

IN parallelas rectas lineas recta linea incidens, & alternos angulos inter se æquales, & exteriorem interiori, & opposito, & ad easdem partes æqualem: & interiores ad easdem partes duobus rectis æquales efficiet.

Est assertio prima theor. 4. partis 3. Idæ.

Theorema XXI. Propositio XXX.

Fig. 10

QUæ eidem rectæ lineæ sunt parallelæ, & inter se parallelæ erunt.

Recta linea AB sit parallelæ rectæ CD, & insuper recta CD sit parallelæ rectæ EF.

N

Dico

Dico lineam AB esse parallelam lineæ EF .

Constructio. Ducta sit XZ occurrens rectæ AB in puncto G , rectæ verò CD in puncto H , & rectæ EF in puncto K .

Demonstratio. Per hypothesim rectæ AB , & CD sunt parallelæ: ergo per theor. 4. partis 3. Ideæ angulus $AGX =$ angulo CHX : sed etiam angulus $CHX =$ angulo EKX ; quandoquidem per hypothesim etiam CD & EF sunt inter se parallelæ: ergo angulus $AGX =$ angulo EKX : igitur per theor. 4. partis 3. Ideæ lineæ AB & EF sunt inter se parallelæ. Quod erat demonstrandum.

Problema X. Propositio XXXI.

Per datum punctum data recta lineæ parallelam rectam lineam ducere.

Fig. 17

In data recta lineæ AB , datum sit punctum C .

Opporteat per punctum C ducere rectam ED , quæ sit parallela datæ rectæ lineæ FG .

Solutio. Supposito, quod punctum H sit illud, in quo recta FG interfecat rectam AB , per prop. 23. hic ex puncto C ducatur recta CD , ut angulus $DCB =$ angulo FHB , recta DC , siue DE erit illa, quæ petitur.

Demonstratio. Ex solutione angulus $DCB =$ angulo FHB : ergo per theor. 4. partis 3. Ideæ lineæ DC , & FH , hoc est lineæ DE , & FG sunt inter se parallelæ. Quod erat demonstrandum.

Theorema XXII. Propositio XXXII.

Omnis trianguli uno latere producto exterior angulus duobus interioribus, & oppositis est equalis, & trianguli tres interiores anguli duobus rectis aequales sunt.

Sit quoduis triangulum ABC , cuius vnum latus AC productum sit vsque in D . Fig. 9.

Dico primo angulum $ACD =$ angulo $CBA + CAB$.

Dico secundo angulum $CBA + CAB + ACB =$ duobus rectis angulis.

Prima assertio in terminis infertur in demonstratione prop. 16. hic.

Secunda assertio est theorema 13. partis 3. Ideæ.

Theorema XXIII. Propositio XXXIII.

Quæ aequales, & parallelas ad easdem partes coniungunt recta linea, & ipse aequales, & parallelae sunt.

Linea recta AB sit æqualis, & parallela rectæ CD , præterea ductæ sint rectæ AC , & BD . Fig. 18

Dico primo rectam AC æquari rectæ BD .

Dico secundo rectam AC esse parallelam rectæ BD .

Constructio. Ducta sit recta CB .

Demonstratur prima pars. Quoniam per hypothesin recta AB est parallela rectæ CD per theor. 4. partis 3. Ideæ angulus $ABC =$ angulo DCB : sed quia per hypothesin $AB = CD$, etiam AB ad $CD = BC$ ad BC : igitur angulus $ABC =$ angulo BCD , & insuper AB ad

$CD = BC$ *ad* BC : ergo per theor. 5. partis 3. Ideæ triangulum ABC est simile triangulo DCB : ergo AC *ad* $BD = BC$ *ad* BC : sed $BC = BC$: ergo $AC = BD$. Quod erat primum.

Fig. 18 Demonstratur secunda pars. Ex demonstratione primæ partis constat triangulum ABC esse simile triangulo DCB : ergo angulus $ACB =$ angulo DBC : ergo per theor. 4. partis 3. Ideæ recta AC est parallela rectæ BD . Quod erat secundum.

Theorema XXIV. Propositio XXXIV.

Parallelogrammorum spaciolum latera, quæ ex opposito, & anguli, inter se æqualia sunt; & diameter ea bisariam fecat.

Fig. 18: Parallelogrammum AD habeat diametrum CB .

Dico primo latus $AB =$ lateri CD : item latus $AC =$ lateri BD .

Dico secundo angulum $CAB =$ angulo BCD : item angulum $ACD =$ angulo ABD .

Dico tertio triangulum $CBA =$ triangulo BCD .

Demonstratur prima pars. Per hypothesim figura AD est parallelogrammum: igitur recta AB est parallela rectæ CD , & præterea recta AC est parallela rectæ BD : ergo per theor. 4. partis 3. Ideæ angulus $ABC =$ angulo DCB , & insuper angulus $ACB =$ angulo DBC : ergo per theor. 5. partis 3. Ideæ triangulum CBA est simile triângulo BCD : ergo CB *ad* $BC = AB$ *ad* $CD = AC$ *ad* BD : sed $CB =$
 BC :

BC: ergo $AB = CD$: item $AC = BD$. Quod erat primum.

Demonstratur secunda pars. Ex demonstratione primæ partis constat triangulum CBA esse simile triangulo BCD; Fig. 18 ergo $\text{angulus } CBA = \text{angulo } BCD$: item $\text{angulus } BCA = \text{angulo } CBD$: item $\text{angulus } CAB = \text{angulo } CDB$: sed ergo $\text{angulus } CBA + CBD = \text{angulo } BCD + BCA$: item $\text{angulus } CAB = \text{angulo } CDB$; sed $\text{angulus } CBA + CBD = \text{angulo } ABD$, & etiam $\text{angulus } BCD + BCA = \text{angulo } ACD$: ergo $\text{angulus } ACD = \text{angulo } ABD$: item $\text{angulus } CAB = \text{angulo } BDC$. Ut dicitur in secunda parte.

Demonstratur tertia pars. Per primam partem trianguli Fig. 18 CBA basis CA ad trianguli CBD basim BD $= 1$ ad 2 : Deinde quia triangula ista per hypothesim sunt inter easdem parallelas, etiam altitudo trianguli CBA ad altitudinem trianguli CBD $= 1$ ad 1 : Tertio ductus ex quo oritur triangulum CBA ad ductum primum $= 1$ ad 2 : Quarto denique ductus primus ad ductum ex quo oritur triangulum CBD $= 2$ ad 1 : igitur per theor. 3. partis 5. Idæ triangulum CBA ad triangulum CBD habet rationem compositam ex quatuor rationibus, quarum una sit 1 ad 1 , secunda sit 1 ad 1 , tertia sit 1 ad 2 , quarta sit 2 ad 1 : sed ex probl. 3. cap. 2. partis 4. Idæ patet, quod hæc ratio composita æquetur rationi 1 ad 1 : ergo triangulum CBA ad triangulum CBD $= 1$ ad 1 : sed $1 = 1$: ergo triangulum CBA $=$ triangulo CBD: Quod tertio loco asserebatur.

Scholium.

IN præcedentibus propositionibus allatæ sunt variæ proprietates conuenientes triangulorum angulis, aut lateribus; præcipuus fructus, quem Euclides colligit ex his proprietatibus non apparet in hoc primo libro, meo enim iudicio consistit in triangulorum similium doctrina ab ipso proposita in sexto suorum Elementorum libro, quamque amplectitur theorema 5. partis 3. Idææ Logisticæ, adèò vt in methodo Euclidea per prædictas propositiones, aliasque quam plurimas paulatim properando, post multas ambages tandem peruenitur ad doctrinam triangulorum similium contentam prædicto theoremate. Verum in methodo adhibita in Logistica, propemodum immediatè ex ipsis principijs inferitur hæc triangulorum similium doctrina, ex qua veluti totidem corollaria facile deducuntur fere singulæ proprietates, triangulorum angulis, atque lateribus conuenientes; quæ in Elementorum primo libro afferuntur ab Euclide; quod an verum sit obseruare licet ex hætenus propositis demonstrationibus: et si verum est, nemo, vt opinor, negare poterit, Logisticæ methodum non vulgare compendium afferre pro inuestigandis proprietatibus, quæ conueniunt triangulorum angulis, aut lateribus. Altera via, qua Euclidea methodo inferitur proportio, quam inter se habent diuersa triângula, aut ex triángulis constantes superficies, superfluis ambagibus multo amplius superat viam, qua Logistica methodus non tantum idem, verum etiam amplius aliquid assequitur, vt notatur in cap. 2. partis 5. Idææ. Etc.

rim

nim ex notis huius capitis satis constat, in theoremate 3. cap. 1. partis 5. Ideæ, demonstrari vniuersaliter, quod qualescumque sint superficies, aut aliæ duæ quantitates X & Z , ita tamen, vt singulæ ex vnico ductu nominato producantur semper verum esse, quod X ad Z habeat rationem compositam ex quatuor rationibus, quarum vna sit ratio basium, siue vnus genitoris quantitatis X ad basim, siue vnum genitorem quantitatis Z , altera sit ratio altitudinum, siue alterius genitoris quantitatis X ad altitudinem, siue alterum genitorem quantitatis Z , tertia sit ratio ductus ex quo producitur X ad ductum primum, quarta sit ratio ductus primi ad ductum ex quo oritur Z ; In demonstratione huius theorematidis præter ipsa Logistica principia nihil assumitur nisi proportionum doctrina tradita in parte 4. Ideæ Logistica, & tamen licet, tam immediate connexum sit cum ipsis Logistica principijs huic Logistica theoremati coniungendo problema 3. cap. 2. partis 4. Ideæ (quod docet inuenire rationem ex alijs pluribus rationibus compositam) habetur quidquid requiritur ad demonstrationem singularum propositionum Euclidis, in quibus asseritur, vel æqualitas, vel alia proportio inter duas superficies, dummodo cognitæ sint proportionēs, quas habent istarum superficierum genitores, qui necessario lineæ sunt, & plerumque ex triangulorum similium doctrina inferri possunt, si ex ipsa hypothesi non cognoscantur; Vt hoc secundum, atque non vulgare compendium methodi Logistica melius appareat, si non eodem, certe plane simili semper discursu demonstro singulas propositiones, in quibus inter se comparantur diuersæ superficies, prius ostendendo, quam proportionem habeant genitores, deinde per theor. 3.

partis 5. Idæ atque prob. 3. cap. 2. partis 4. Idæ inferendo proportionem assertam in propositione.

Theorema XXV. Propositio XXXV.

Parallelogramma in eadem basi, & in eisdem parallelis constituta inter se æqualia sunt.

Videtur planè superfluum demonstrare hoc theorema, quandoquidem immediatè subsequens theorema asserat de parallelogrammis æquales bases habentibus, quod præsens theorema dicit de parallelogrammīs eandem basim habentibus, manifestum autem est, quod æquales bases habeant parallelogramma, quæ eandem basem habent.

Theorema XXVI. Propositio XXXVI.

Fig. 19

Parallelogramma super æqualibus basibus, & in eisdem parallelis constituta inter se sunt æqualia.

Parallelogramma AC & EG habeant bases AD , & EH inter se æquales, atque insuper altitudines sint æquales inter se.

Dico parallelogrammum $AC =$ parallelogrammo EG .

Demonstratio. Per hypothesim basis AD ad basim $EH = 1$ ad 1 : item altitudo parallelogrammi AC ad altitudinem parallelogrammi $EG = 1$ ad 1 : præterea ductus ex quo producit̃ur parallelogrammum AC ad ductum primum $= 1$ ad 1 : Denique ductus primus ad ductum ex quo producit̃ur parallelogrammum $EG = 1$ ad 1 : ergo per theor. 3. cap. 1. partis 5. Idæ parallelogrammum AC ad

pa-

parallelogrammum $E G$ habet rationem compositam ex quatuor rationibus, quarum una est 1 ad 2 , altera est 1 ad 1 , tertia est 1 ad 1 , quarta est 1 ad 1 : sed per probl. 3. cap. 3. partis 4. Ideæ ratio composita ex dictis quatuor rationibus est ratio 1 ad 1 : ergo parallelogrammum $A C$ ad parallelogrammum $E G = 1$ ad 1 : sed $1 = 1$: ergo parallelogrammum $A C =$ parallelogrammo $E G$. Quod erat demonstrandum.

Theorema XXVII. Propositio XXXVII.

Triangula in eadem basi, & in eisdem parallelis constituta inter se sunt æqualia.

Hoc theorema continetur theoremate 28, quemadmodum theorema 25 continetur theoremate 26, adeoque planè superflua fore eius demonstratio.

Theorema XXVIII. Propositio XXXVIII.

Triangula in basibus æqualibus, & in eisdem parallelis constituta, sunt inter se æqualia.

Triangula $A B C$, & $D E F$ habeant bases $A B$, & $D E$ Fig. 26 inter se æquales, & præterea altitudines sint æquales inter se.

Dico triangulum $A B C =$ triangulo $D E F$.

Demonstratio. Per hypothesein basis $A B$ ad basim $D E = 1$ ad 1 : item altitudo trianguli $A B C$ ad altitudinem trianguli $D E F = 1$ ad 1 : præterea ductus ex quo produci-
tur triangulum $A B C$ ad ductum primum $= 1$ ad 2 : item
duæus primus ad ductum ex quo produci-
tur triangulum.

O.

D E F

DEF = 2 ad 1 : ergo per theor. 3. cap. 1. partis 5. Idæ triangulum ABC ad triangulum DEF habet rationem compositam ex quatuor rationibus, quarum vna est 1 ad 1, altera est 1 ad 1, tertia est 1 ad 2, quarta est 2 ad 1 : sed ex probl. 3. cap. 3. partis 4. Idæ, hæc ratio composita = rationi 1 ad 1 : ergo triangulum, ABC ad triangulum DEF = 1 ad 1 : atqui 1 = 1 : ergo triangulum ABC = triangulo DEF. Quod erat demonstrandum.

Theorema XXIX. Propositio XXXIX.

Triangula æqualia in eadem basi & ad easdem partes constituta, in eisdem quoque sunt parallelis.

Hoc theorema est pars immediate subsequæntis theorematis, quemadmodum theorema 25 est pars theorematis 26.

Theorema XXX. Propositio XL.

Triangula æqualia in basibus æqualibus, & ad easdem partes constituta, in eisdem quoque sunt parallelis.

Fig. 20. Triangulum ABC sit æquale triangulo DEF, præterea bases AB & DE sint in directum, siue positæ in eadem recta linea AE, atque triangula ABC, et DEF cadant ad eandem partem rectæ AE, denique ducta sit recta CF.

Dico rectam CF esse parallelam rectæ AE.

Constructio. Altitudo trianguli ABC sit CX : item altitudo trianguli DEF sit FZ.

Demonstratio. Per theor. 3. cap. 1. partis 5. Idæ triangulum ABC ad triangulum DEF habet rationem compositam

positam ex quatuor rationibus quarū vna $A B$ ad $D E$, altera $C X$ ad $F Z$, tertia ductus ex quo producit^r triangulū $A B C$ ad ductum primum, quarta ductus primi ad ductum ex quo producit^r triangulū $D E F$: sed per hypothesim ratio $A B$ ad $D E = 1$ ad 1 : itē ratio ductus ex quo producit^r triangulum $A B C$ ad ductum primum $= 1$ ad 2 : item ratio ductus primi ad ductum ex quo producit^r triangulum $D E F = 2$ ad 1 : ergo triangulum $A B C$ ad triangulum $D E F$ habet rationem compositam ex quatuor rationibus, quarum vna est 1 ad 1 , altera $C X$ ad $F Z$, tertia est 1 ad 2 , quarta est 2 ad 1 : sed etiam per hypothesim ratio trianguli $A B C$ ad triangulum $D E F = 1$ ad 1 : ergo ratio composita ex rationibus 1 ad 1 , item 1 ad 2 , item 2 ad 1 , item $C X$ ad $F Z =$ rationi 1 ad 1 : atqui per probl. 3. cap. 3. partis 4. Idē, ratio composita ex rationibus 1 ad 1 , item 1 ad 2 , item 2 ad 1 , item $C X$ ad $F Z =$ rationi $C X$ ad $F Z$: ergo $C X$ ad $F Z = 1$ ad 1 : sed $1 = 1$: ergo $C X = F Z$: atqui per constructionem $C X$ est distantia puncti C à recta $A E$, item $F Z$ est distantia puncti F ab eadem recta $A E$: ergo puncta C & F æqualiter distant ab eadem recta $A E$: igitur rectæ $C F$ & $A E$ sunt parallelæ inter se. Quod erat demonstrandum.

Theorema XXXI. Propositio XLI.

SI parallelogrammum, & triangulum eandem basim habeant, in eisdemque sint parallelis; parallelogrammum trianguli duplum erit.

Parallelogrammum X , & triangulum Z habeant bases Fig. 11
 $O Z$ $A B$,

AB , & EF inter se æquales, & præterea altitudo parallelogrammi X sit æqualis altitudini trianguli Z .

Dico parallelogrammum X esse duplum trianguli Z .

Demonstratio. Per hypotheseſim basis AB ad basiſim EF
 $= 1$ ad 1 : item altitudo parallelogrammi X ad altitudinem
 trianguli $Z = 1$ ad 1 : præterea ductus ex quo producitur
 parallelogrammum X ad ductum primum $= 1$ ad 1 : deni-
 que ductus primus ad ductum ex quo producitur triangulum
 $Z = 2$ ad 1 : ergo per theor. 3. cap. 1. partis 5. Idæ parallelogrammum X ad triangulum Z habet rationem compoſi-
 tam ex quatuor rationibus quarum vna eſt 1 ad 1 , altera
 1 ad 1 , tertia 1 ad 1 , quarta 2 ad 1 : ſed per probl. 3. cap. 3.
 partis 4. Idæ hæc ratio compoſita $=$ rationi 2 ad 1 : ergo
 parallelogrammum X ad triangulum $Z = 2$ ad 1 : ſed 2 eſt
 duplum 1 : ergo parallelogrammum X eſt duplum triangu-
 li Z . Quod erat demonſtrandum.

Problema XI. Propoſitio XLII.

Dato triangulo æquale parallelogrammum conſtituere in
 dato angulo reſtilineo.

Fig. 22

Sit datum triangulum ABC , & præterea ductus ſit an-
 gulus K : denique datæ ſint duæ rectæ lineæ X , & Z .

Opporteat conſtruere parallelogrammum $EFGH$, ita
 vt angulus $HEF =$ angulo K , & præterea parallelogram-
 mum $EFGH$ ad triangulum $ABC = X$ ad Z .

Solutio. In vno latere anguli K per probl. 2. hic, noten-
 tur puncta L , & M , ita vt $KL = X$, & $KM = 2Z$. In
 altero vero latere anguli K notatur punctum P , ita vt KP
 $= AB$,

$\equiv AB$; atque ducta recta LO per probl. 10. hic, ducatur recta MP parallela rectæ LO occurrens lateri KP in puncto O . Deinde in recta AB producta abscindatur EF æqualis KO , & per probl. 9. hic, fiat angulus HEF æqualis angulo K . Denique per probl. 10. hic, ponatur recta FG parallela rectæ EH ; & altera recta ipsi AF parallelæ transiens per punctum C occurrat rectæ EH in puncto H , & rectæ FG in puncto G . Erit figura $EFGH$ parallelogrammum, quod petebatur.

Placuit hoc problema uniuersalius proponere, quam ab Euclide proponatur, ut aliquo modo mereatur locum, quem obtinet; præsertim cum solutio nullum à præcedentibus diuersum problemam requirat, atque demonstratio habeatur ex Logistica theorematibus passim adhibitis in præcedentium propositionum demonstrationibus. Ut ad Euclidis casum restringatur satis est supponere $X = Z$.

Demonstratio. Per solutionem recta MP est parallela rectæ LO : ergo per theor. 4. partis 3. Idæ angulus $KMP \equiv$ angulo KLO : item angulus $KPM \equiv$ angulo KOL : ergo per theor. 5. partis 3. Idæ triangulum KMP est simile triangulo KLO : ergo KL ad $KM \equiv KO$ ad KP : sed per solutionem patet KL ad $KM \equiv X$ ad $2Z$, item KO ad $KP \equiv EF$ ad AB : ergo EF ad $AB \equiv X$ ad $2Z$: Iam verò per theor. 3. partis 5. Idæ, parallelogrammum EG ad triangulum ABC habet rationem compositam ex basi EF ad basim AB , item ex altitudine parallelogrammi EG ad altitudinem trianguli ABC , item ex ductu, ex quo producit parallelogrammum EG ad ductum primum, ac deniq; ex ducto primo ad ductum ex quo producit triangulum

ABC :

ABC : sed iam ostensum est EF ad $AB = X$ ad $2Z$: item, quia inter easdem parallelas sunt, patet altitudinem parallelogrammi EF ad altitudinem trianguli $ABC = 1$ ad 1 : item ductus ex quo parallelogrammum EG producitur ad ductum primum $= 1$ ad 1 : ac denique ductus primus ad ductum, ex quo producitur triangulum $ABC = 2$ ad 1 : ergo parallelogrammum EG ad triangulum ABC habet rationem compositam ex rationibus X ad $2Z$, item 1 ad 1 , item 1 ad 1 , item 2 ad 1 : sed per probl. 3. cap. 3. partis 4. Ideæ hæc ratio composita $=$ rationi X ad Z : ergo parallelogrammum EG ad triangulum $ABC = X$ ad Z . Quod erat demonstrandum.

Theorema XXXII. Propositio XLIII.

Omnis parallelogrammi spatij eorum, quæ circa diametrum sunt, parallelogrammorum supplementa inter se sunt equalia.

Fig. 23

Parallelogrammi $ABCD$ diameter sit AC , quam in eodem puncto E secent duæ rectæ FG , & HI , quarum prior sit parallela rectæ AB occurrens rectis AD & BC in punctis F , & G , altera verò HI sit parallela rectæ BC , atque occurrat rectis AB , & DC in punctis H , & I .

Dico parallelogrammum $ED =$ parallelogrammo EB :

Demonstratio. Per prop. 34. hic, triangulum $ACD =$ triangulo ACB : item triangulum $AEF =$ triangulo AEH : ac denique triangulum $ECI =$ triangulo ECG : ergo triangulum $ACD - AEF - ECI =$ triangulo $ACB - AEH - ECG$: atqui triangulum $ACD - AEF$

$A E F - E C I =$ parallelogrammo $E D$: item triangulum $A C B - A E H - E C G =$ parallelogrammo $E B$: ergo parallelogrammum $E D =$ parallelogrammo $E B$. Quod erat demonstrandum .

Problema XII. Propositio XLIV.

A *D datam rectam lineam dato triangulo equale parallelogrammum applicare .*

Sit datum triangulum $A B C$, & recta $E F$, præterea Fig. 24
25, & 26 K , & rectæ lineæ X , & Z .

Opporteat supra rectam $E F$ describere parallelogrammum $F H$, ita ut parallelogrammum $F H$ ad triangulum $A B C$ habeat proportionem , quam recta X habet ad rectam Z .

Solutio . Per probl. 1 n. supra rectam $E F$ productam , si opus fuerit , fiat parallelogrammum $E M N O$, ita ut angulus $O E M =$ angulo K , & præterea parallelogrammum $E N$ ad triangulum $A B C = X$ ad Z : Deinde ducatur recta $O F$, quæ producta si opus fuerit occurrat rectæ $N M$ similiter productæ in puncto D . Denique per probl. 10. hic , ducatur recta $F G$ parallela rectæ $E O$. Item per punctum D , ducatur recta $H G$ parallela rectæ $E F$, atque rectæ $O E$ productæ si opus fuerit , occurrens in puncto H . Denique rectæ $F G$, & $O N$ productæ , si opus fuerit , sibi occurrant in puncto R . Erit $H G R O$ parallelogrammum , quod petitur .

Demônstratio . Vel punctum F cadit intra puncta E , & M : vel punctum F cadit extra puncta E , & M . Si primum per

Fig. 24 per propositionem præcedentem $FH = FN$: ergo vtrunque
 & 25. addendo idem parallelogrammum ER , etiam $FH + ER$
 $= ER + FN$: sed $FH + ER = HGR O$: item $ER + FN$
 $= EMNO$: ergo parallelogrammum $HGR O =$ paral-
 lelogrammo $EMNO$: sed per solutionem parallelogram-
 mum $EMNO$ ad triangulum $ABC = X$ ad Z :
 ergo etiam parallelogrammum $HGR O$ ad triangulum
 $ABC = X$ ad Z : sed etiam ex solutione satis patet angulum
 $EHG =$ angulo K : item rectam $HG =$ rectæ EF : igitur
 supra rectam datam EF , vel quod idem est supra rectam HG
 datæ rectæ EF æqualem, constructum parallelogrammum
 $HGR O$ habet angulum OHG æqualem angulo dato K ,
 & præterea parallelogrammum illud $HGR O$ ad triangu-
 lum $ABC = X$ ad Z . Si autem punctum M cadat inter
 puncta E & F : Rursus ex propositione præcedenti $DR =$
 Fig. 24
 & 26. DE : ergo $HN + DR = DE + HN$: sed $HN + DR =$
 $HGR O$: item $DE + HN = EMNO$: ergo parallelo-
 grammum $HGR O =$ parallelogrammo $EMNO$: atqui
 per solutionem parallelogrammum $EMNO$ ad triangu-
 lum $ABC = X$ ad Z : ergo parallelogrammum $HGR O$
 ad triangulum $ABC = X$ ad Z ; & iterum satis manifestum
 est angulum $OHG =$ angulo K , atque etiam rectam HG
 $=$ datæ rectæ EF . Quod erat demonstrandum.

Problema XIII. Propositio XLVI.

Rectilineo dato æquale parallelogrammum constituere in
 dato angulo rectilineo.

Fig. 25 Data sit quævis figura planæ, atque rectis lineis vndique
 termi-

terminata exempli gratia figura $ABCD$: præterea datus sit
angulus K .

Opporteat facere parallelogrammum $EFGH$ æquale
datæ figuræ rectilinéæ, ita ut angulus EFG æquetur an-
gulo K .

Fig. 27

Solutio. Primo ex vertice anguli A ad singulos alios
vertices angulorum, qui in data figura rectilinea inveniuntur,
ducantur rectæ linæ: atque ita data figura rectilinea diuida-
tur in triangu-
la. Quo facto in exemplo proposito habentur
duo triangu-
la DAC , & CAB . Deinde assumendo pro
libitu quamlibet rectam EF , per probl. 12. hic, supra rectam
 EF fiat parallelogrammum EFL æquale triangulo DCA ,
ita ut angulus EFL æquetur angulo K . Rursus per probl.
12. hic, supra rectam LI fiat parallelogrammum $LIGH$
æquale triangulo CAB , ita ut angulus LIG æquetur an-
gulo K . Erit figura $EFGH$ parallelogrammum, quod
petitur.

Demonstratio. Ex solutione patet rectam EF esse paral-
lelam rectæ LI : ergo per theor. 4. partis 3. Ideæ angulus
 $EFL + LIF =$ duobus rectis angulis: sed angulus $EFL =$
angulo LIG ; quandoquidem singuli æquantur eidem an-
gulo K : ergo angulus $LIG + LIF =$ duobus rectis: ergo
per theor. 2. partis 3. Ideæ puncta F, I, G , sunt in directum,
siue quod idem est linæ FI , & IG , constituunt vnam re-
ctam lineam: similiter patet puncta E, L, H esse in directum:
igitur cum per solutionem FI & EL sint parallelæ inter se
patet etiam FG , & EH esse rectas parallelas inter se: sed
etiam rectæ EF , & HG sunt parallelæ inter se, quia per
solutionem sunt parallelæ eidem tertiæ linæ LI : ergo figu-

ra $EFGH$ est parallelogrammum, sed quia per solutionem $EFIL = DCA$, & insuper $LIGH = ACB$, patet $EFGH = ABCD$: ergo parallelogrammum $EFGH =$ figuræ $ABCD$: atqui per solutionem angulus $EFG =$ angulo K : ergo parallelogrammum $EFGH$ æquatur figuræ $ABCD$, & insuper habet angulum EFG æqualem angulo K . Quod erat demonstrandum.

Problema XIV. Propositio XLVI.

Data recta linea quadratum describere.

Sit data recta linea AB .

Fig. 28 Opporteat describere quadratum, cuius vnum latus sit AB .

Solutio. Ex punctis A , et B per probl. 6. hic, ducantur rectæ AD et BC , quæ singulæ sint perpendiculares ad rectam AB , atque ipsi æquales: Denique ducatur recta DC : Erit figura $ABCD$ quadratum; quod petitur.

Demonstratio. Cum per constructionem singuli anguli A , et B recti sint patet angulum $A + B =$ duobus rectis: ergo per theor. 4. partis 3. Idæz lineæ AD , et BC sunt parallelæ inter se: sed quoniam per solutionem rectæ AD , et BC sunt æquales inter se, et singulæ sunt perpendiculares ad eandem rectam AB , etiam AB est parallela ipsi DC : ergo figura $ABCD$ est parallelogrammum: ergo per prop. 34 hic, angulus $A =$ angulo C : item angulus $B =$ angulo D : item recta $AB =$ recta DC : atqui per solutionem anguli, A et B recti sunt, et insuper lineæ DA , & CB singulæ æquantur rectæ AB : ergo in parallelogrammo $ABCD$ singuli

singuli anguli recti sunt, et insuper singula latera sunt inter se æqualia: ergo figura $ABCD$ est quadratum, cuius unum latus est AB . Quod erat demonstrandum.

Theorema XXIII. Propositio XLVII.

IN rectangulis triangulis, quod à latere rectum angulum subcidente describitur quadratum æquale est quadratis, quæ à lateribus rectum angulum continentibus describuntur.

In triangulo ABC , angulus ABC rectus sit.

Fig. 29

Dico quadratum AB simul cum quadrato BC æquari quadrato AC .

Constructio. Ducta sit recta BD perpendicularis ad AC illi occurrens in D .

Demonstratio. Per theor. 10. partis 3. Idem, AC ad AB = AB ad AD : item AC ad BC = BC ad DC : igitur per axioma 3; partis 4. Idem, AC in AD = AB 2: item AC in DC = BC 2: ergo AC in AD et AC in DC = AB 2 + BC 2: sed AC in AD et AC in DC = AC in AD + DC = AC in AC , quandoquidem AC = AD + DC : ergo AC 2 = AB 2 + BC 2. Quod erat demonstrandum.

Scholium.

E Velidis propria laus est, quod ab alijs inventas mathematicas veritates colligendo, ordinando, augendo, composuerit elementorum libros suo inscriptos nomine. Thales Milesius præter alias libri primi propositiones 5, 15,

26 inuenisse dicitur. Oenopidi adscribitur prop. 12, & 23 libri primi. Atque, vt refert Laertius, Pythagoras Samius primus Geometriam à materia abstraxit, in qua nientis eleuatione inuenit libri primi propositiones 32, 44, 47, 48. Et teste Apollodoro apud Laertium propositionis 47 inuentione tanta lætitia affectus est, vt hecatombem immolauerit; alij alias Euclidean propositiones excogitarunt: verum ex cæteris vix vlla inuentoris sui nomen retinuit; propositio 47 ob eximios eius vsus celeberrima vsque in hodiernum diem passim Pythagorica dicitur, eadem propositio sub maiori vniuersalitate proponitur in libro 6. Euclidis, sed tamen non sub ea vniuersalitate, quam admittit iuxta Logisticæ methodum, neque enim tantum quadratis, aut alijs planis, atque similibus superficiebus trianguli reſtanguli latera pro basi habentibus conuenit proprietas, quæ in propositione asseritur; sed hæc proprietas aut altera vniuersalior proponi, atque demonstrari potest de quibuscunque quantitibus. Sub hac maxima vniuersalitate à me proponitur, atque demonstratur in propositione 49, quæ apud Euclidem non inuenitur, eam tamen addere volui reliquis Euclideanis propositionibus Logisticæ methodo hætenus demonstratis, tum quia ex his omnibus præstantissimæ affinis est, quippe quæ nihil aliud continet, quam propositionem 47 reuocatam ad maximam vniuersalitatem; tum quia Euclideanæ methodo non videtur demonstrabilis, atque adeò clarius appareat, Logisticæ Methodum non tantum magis compendiatè, ac facile præstare posse, quod difficilius potest methodus Euclideanæ: verum etiam Logisticæ methodo satis commode eo perueniri, quo non ascendit altera.

Theorema XXXIV. Propositio XLVIII.

SI quadratum, quod describitur ab uno latere trianguli æquale sit quadratis, quæ à reliquis trianguli lateribus describuntur, angulus reliquis duobus trianguli lateribus contentus rectus erit .

Sit triangulum ABC, ita tamen, vt quadratum AC sit æquale duobus quadratis AB, & BC simul sumptis.

Dico angulum ABC rectum esse.

Constructio. Ducta sit recta BD perpendiculariter oc. Fig. 29
currentes rectæ AC in puncto D, atque in recta DB producta, si opus fuerit, notatum sit punctum F, ita vt angulus AFC rectus sit.

Demonstratio. Per constructionem angulus AFC est rectus: ergo per prop. 47. hic, $AC^2 = AF^2 + FC^2$: sed per hypothesim etiam $AC^2 = AB^2 + BC^2$: ergo $AF^2 + FC^2 = AB^2 + BC^2$: atqui per constructionem, & prop. 47. hic, $AF^2 = AD^2 + DF^2$: item $FC^2 = DC^2 + DF^2$: item $AB^2 = AD^2 + DB^2$: item $BC^2 = DC^2 + DB^2$: ergo $AD^2 + DF^2 + DC^2 + DF^2 = AD^2 + DB^2 + DC^2 + DB^2$: ergo vtrunque auferendo $AD^2 + DC^2$, etiam $2 DF^2 = 2 DB^2$: ergo $DF^2 = DB^2$: ergo $DF = DB$: ergo punctum F non est diuersum à puncto B: ergo angulus ABC non est diuersus ab angulo AFC: sed per constructionem angulus AFC est rectus: ergo etiam angulus ABC est rectus. Quod erat demonstrandum.

Theorema XXXV. Propositio XLIX.

Sint dua series qualiumcunque trium proportionalium terminorum habentes primum terminum communem, atque duo ultimi termini simul sint aequales primo communi termino, erit productum ex primo termino ducto in se aequale aggregato ex productis, quae oriuntur ex singulis medijs terminis ductis in se.

Sint qualescunque quantitates A, C, AB, BC, D, C , ita tamen ut AC ad $AB = AB$ ad AD , & praeterea AC ad $BC = BC$ ad DC , ac denique $AD + DC = AC$.

Dico $AC^2 = AB^2 + BC^2$.

Demonstratio. Per hypothesein AC ad $AB = AB$ ad AD , & praeterea AC ad $BC = BC$ ad DC ; ergo per axioma 3. partis 4. Idem AC in $AD = AB^2$, & etiam AC in $DC = BC^2$; ergo AC in AD et AC in $DC = AB^2 + BC^2$; atqui AC in AD , et AC in $DC = AC$ in $AD + DC = AC$ in AC , quandoquidem per hypothesein $AD + DC = AC$; ergo AC in AC , hoc est $AC^2 = AB^2 + BC^2$. Quod erat demonstrandum.



ELEMENTORVM EVCLIDIS

LIBER SECVNDVS

Logisticis discursibus demonstratus

A

GRIMALDO DE NOBILIBVS.



Ingula propositiones precedentis libri à me proponuntur, ut inueniantur apud Euclidis interpretes, atque sub eadem vniuersalitate resumuntur, & demonstrantur. In hoc libro paulò aliter procedo; singula enim propositiones proponuntur quidem, ut habentur apud Euclidem, aut eius interpretes, sed propemodum singula resumuntur, ac demonstrantur sub maiori vniuersalitate. Ex his vniuersalioribus propositionibus expressè non infero Euclidean magis restrictas; id enim videbatur planè superfluum, quandoquidem demonstrationes meae supponant aliquam notitiam illius logicae, quae vtor, quaeque abundè sufficit, ut à me demonstratae, vniuersaliores propositiones restringantur ad minus vniuersales ipsis respondentes, quae proponuntur ab Euclide.

Theorema I. Propositio I.

SI fuerint duæ rectæ lineæ, seceturque ipsarum altera in quocunque partes; rectangulum comprehensum sub illis duabus rectis æquale est rectangulis, quæ recta linea infecta, & singulis partibus continentur.

Qualescunque sint quantitates A, B, C, D, E, ita tamen ut $A + B + C = D$.

Dico A in E, et $+ B$ in E, et $+ C$ in E $= D$ in E.

Demonstratio. Ex Logisticis scriptionibus satis patet A in E, et $+ B$ in E, et $+ C$ in E $= A + B + C$ in E: sed quoniam per hypothesim $A + B + C = D$, per axioma 3. partis 2. Idem, $A + B + C$ in E $= D$ in E; ergo A in E, et $+ B$ in E, et $+ C$ in E $= D$ in E. Quod erat demonstrandum.

Theorema II. Propositio II.

SI recta secta sit utcumque; rectangula, quæ tota, & singulis partibus continentur, æqualia sunt ei, quod à tota fit, quadrato.

Qualescunque sint quantitates A, B, C, ita ut $A + B = C$.

Dico A in C, et $+ B$ in C $= C^2$.

Demonstratio. Ex Logisticis scriptionibus patet A in C, et $+ B$ in C $= A + B$ in C: sed quoniam per hypothesim $A + B = C$, per axioma 3. partis 2. Idem $A + B$ in C $= C$ in C $= C^2$: ergo A in C et $+ B$ in C $= C^2$. Quod erat demonstrandum.

Theorema III. Propositio III.

Si recta linea utcumque secta fuerit; rectangulum tota, & una eius parte contentum equale est & rectangulo, quod partibus continetur, & ei, quod à predicta parte fit, quadrato.

Qualescunque sint quantitates A, B, C, ita ut $A + B = C$.

Dico C in $A = B$ in A et $+ A^2$.

Demonstratio. Per hypothesim $B + A = C$: ergo per axioma 3. partis 2. Idem $B + A$ in $A = C$ in A : sed $B + A$ in $A = B$ in A et $+ A^2$: ergo C in $A = B$ in A et $+ A^2$. Quod erat demonstrandum.

Theorema IV. Propositio IV.

Si recta linea secta fuerit utcumque; quadratum, quod fit à tota, equale erit & quadratis, quæ à partibus fiunt, & ei, quod bis partibus continetur, rectangulo.

Qualescunque sint quantitates A, & B.

Dico $A + B$ q $= A^2 + B^2$ et $+ A$ in $2 B$.

Demonstratio. $A + B$ q $= A + B$ in $A + B$: sed $A + B$ in $A + B = A^2 + B^2$ et $+ A$ in $2 B$: ergo $A + B$ q $= A^2 + B^2$ et $+ A$ in $2 B$. Quod erat demonstrandum.

Theorema V. Propositio V.

Si recta linea secta fuerit in partes æquales, & in partes inæquales, rectangulum inæqualibus totius partibus contentum una cum quadrato lineæ, quæ inter sectiones interijciatur, Q equale

aquale est ei, quod à dimidia fit, quadrato.

Qualescunque sint quantitates A, B, C , ita ut $A = B + C$.

Dico $A^2 = A + B$ in C et $+ B^2$.

Demonstratio. Per hypothesim $A = B + C$: ergo vtrinque addendo B , etiam $A + B = 2B + C$: ergo per axioma 3. partis 2. Ideæ $A + B$ in $C = 2B + C$ in $C = C^2$ et $+ C$ in $2B$: ergo vtrinque addendo B^2 , etiam $A + B$ in C et $+ B^2 = B^2 + C^2$ et $+ C$ in $2B$: sed per theor. 4. hic, $B + C$ q $= B^2 + C^2$ et $+ C$ in $2B$: ergo $B + C$ q $= A + B$ in C et $+ B^2$: sed quia per hypothesim $A = B + C$, etiam $A^2 = B + C$ q: ergo $A^2 = A + B$ in C et $+ B^2$. Quod erat demonstrandum.

Theorema VI. Propositio VI.

Si recta linea bifariam secetur, atque ipsi in rectum adijciatur quaedam recta linea; rectangulum tota cum adiecta, & adiecta comprehensum, una cum quadrato dimidiæ, æquale est quadrato, quod ab ea, quæ ex dimidia, & adiecta constat, tanquam ab una linea describitur.

Qualescunque sint quantitates A, B, C , ita tamen, ut $A = B$.

Dico $B + C$ q $= A + B$ in C et $+ B^2$.

Demonstratio. Per hypothesim $A = B$: ergo vtrinque addendo $B + C$, etiam $A + B + C = 2B + C$: ergo per axioma 3. partis 2. Ideæ $A + B + C$ in $C = 2B + C$ in $C = C^2$ et $+ C$ in $2B$: ergo vtrinque addendo B^2 , etiam $A + B + C$ in C et $+ B^2 = B^2 + C^2$ et $+ C$ in $2B$: sed per prop. 4. hic, $B + C$ q $= B^2 + C^2$ et $+ C$ in $2B$: ergo $B + C$ q $= A$

= A + B + C in C et + B 2 . Quod erat demonstrandum!

Theorema VII. Propositio VII.

SI recta linea utcumque secta fuerit, quæ à tota, & una parte sunt utraque quadrata equalia sunt, & rectangulo quod bis tota, & dicta parte continetur, & ei, quod à reliqua parte fit, quadrato.

Qualescunque sint quantitates A, & B.

Dico A + B q et + B 2 = A + B in 2 B et + A 2.

Demonstratio. Per prop. 4. A + B q = A 2 + B 2 et + A in 2 B = B in B et + A in 2 B et + A 2: sed B 2 = B in B: ergo utrinque addendo æqualia etiam A + B q et + B 2 = B in B et + B in B et + A in 2 B et + A 2: sed B in B et + B in B = B in 2 B: ergo A + B q et + B 2 = B in 2 B et + A in 2 B et + A 2: sed B in 2 B et + A in 2 B = A + B in 2 B: ergo A + B q et + B 2 = A + B in 2 B et + A 2. Quod erat demonstrandum.

Theorema VIII. Propositio VIII.

SI recta linea utcumque secta fuerit, & quod quater tota & una parte continetur rectangulum una cum quadrato reliquæ partis æquale est quadrato, quod ex tota, & dicta parte tanquam ex una linea describitur.

Qualescunque sint quantitates A & B.

Dico A + B in 4 B et + A 2 = A + 2 B q.

Demonstratio. A + 2 B q = A + 2 B in A + 2 B = A + 2 B in A et + A + 2 B in 2 B: sed A + 2 B in A = A in 2 B

Q 2

et +

et $\dagger A 2$; item $A \dagger 2 B$ in $2 B = A$ in $2 B$ et $\dagger 2 B$ in $2 B$:
 ergo $A \dagger 2 B q = A$ in $2 B$ et $\dagger A 2$ et $\dagger A$ in $2 B$ et $\dagger 2 B$ in $2 B = 2 A$ in $2 B$ et $\dagger 2 B$ in $2 B$ et $\dagger A 2$: sed $2 A$ in $2 B = A$ in $4 B$; item $2 B$ in $2 B = B$ in $4 B$: ergo $A \dagger 2 B q = A$ in $4 B$ et $\dagger B$ in $4 B$ et $\dagger A 2$: sed A in $4 B$ et $\dagger B$ in $4 B = A \dagger B$ in $4 B$: ergo $A \dagger B$ in $4 B$ et $\dagger A 2 = A \dagger 2 B q$
 Quod erat demonstrandum.

Theorema IX. Propositio IX.

Si recta linea in partes aequales, & in partes inaequales secta fuerit, quadrata, quae ab inequalibus totius partibus describuntur, dupla sunt, & quadrati dimidie, & quadrati lineae eius, quae inter sectiones interijcitur.

Quaecumque sint quantitates A, B, C , ita ut $A = B \dagger C$.

Dico $A \dagger C q$ et $\dagger B 2$ ad $A 2 \dagger C 2 = 2$ ad 1.

Demonstratio. Per hypothesein $B \dagger C = A$: ergo $B = A - C$: ergo $B 2 = A - C q$: sed per theor. 1. appendicis lib. 1. Logisticae, $A - C q = A 2 \dagger C 2$ et $- A$ in $2 C$: ergo $B 2 = A 2 \dagger C 2$ et $- A$ in $2 C$: atqui etiam per prop. 4. hic, $A \dagger C q = A 2 \dagger C 2$ et $\dagger A$ in $2 C$: ergo $A \dagger C q$ et $\dagger B 2 = A 2 \dagger C 2$ et $\dagger A$ in $2 C$ et $\dagger A 2 \dagger C 2$ et $- A$ in $2 C = 2 A 2 \dagger 2 C 2$: sed $2 A 2 \dagger 2 C 2 = A 2 \dagger C 2$ in 2 : ergo $A \dagger C q$ et $\dagger B 2 = A 2 \dagger C 2$ in 2 : ergo per axioma 3. partis 4. Ideo $A \dagger C q$ et $\dagger B 2$ ad $A 2 \dagger C 2 = 2$ ad 1.
 Quod erat demonstrandum.

Theorema X. Propositio X.

SI recta linea secetur bifariam, & ipsi in rectum quedam recta linea adijciatur, quæ à tota cum adiecta, & adiecta sunt utraque quadrata dupla sunt, & quadrati dimidio, & quadrati, quod ab ea, quæ ex dimidia, & adiecta constat, tanquam ab una linea describitur.

Qualescunque sint quantitates A, B, C, ita ut $A = B$.

Dico $A + B + C$ q et $+ C$ 2 ad A 2 et $+ B + C$ q = 2 ad 1.

Demonstratio. Cum $3A$ 2 = $2A$ 2 + A 2, patet $3A$ 2 + C 2 et $+ 2A$ in C = $2A$ 2 + A 2 + C 2 et $+ 2A$ in C: sed per prop. 4. hic $A + C$ q = A 2 + C 2 et $+ 2A$ in C: ergo, $3A$ 2 + C 2 et $+ 2A$ in C = $2A$ 2 et $+ A + C$ q: ergo utrinque addendo $A + C$ q, etiam $3A$ 2 + C 2 et $+ 2A$ in C et $+ A + C$ q = $2A$ 2 et $+ A + C$ q et $+ A + C$ q: sed quoniam A in 2 A = $2A$ 2, atque adeo A 2 et $+ A$ in 2 A = $3A$ 2, patet $3A$ 2 et $+ 2A$ in C et $+ A + C$ q = A 2 et $+ A$ in 2 A et $+ 2A$ in C et $+ A + C$ q = A 2 et $+ 2A$ in $A + C$ et $+ A + C$ q: ergo A 2 et $+ 2A$ in $A + C$ et $+ A + C$ q et $+ C$ 2 = $2A$ 2 et $+ A + C$ q et $+ A + C$ q = $A + C$ q + A 2 in 2: sed per prop. 4. hic, etiam $A + A + C$ q = A 2 et $+ 2A$ in $A + C$ et $+ A + C$ q: ergo $A + A + C$ q et $+ C$ 2 = $A + C$ q + A 2 in 2: sed quia per hypothesim $A = B$, etiam $A + A + C$ q = $A + B + C$ q, & insuper $A + C$ q = $B + C$ q: ergo $A + B + C$ q et $+ C$ 2 = $B + C$ q + A 2 in 2: ergo per axioma 3. partis 4. Idem $A + B + C$ q et $+ C$ 2 ad $B + C$ q et $+ A$ 2 = 2 ad 1: Quod erat demonstrandum.

Pro-

Problema I. Propositio XI.

Datam rectam lineam secare, ita ut quod tota, & altera parte continetur rectangulum aequale sit ei, quod à reliqua parte fit, quadrato.

Fig. 30 Sit data recta AB .

Oporteat illam secare in puncto C , ita ut AB ad $AC = AC$ ad CB .

Solutio. Per prop. 11. lib. 1. hic, ducatur recta AD , quæ sit perpendicularis ad AB , ita ut AD sit dimidia BA . Deinde ducta recta BD per prop. 2. lib. 1. hic, ex recta AB abscindatur recta AC æqualis differentiæ rectarum DB , & DA . Erit AB ad $AC = AC$ ad CB .

Demonstratio habetur prop. 14. de incommensurabilibus epist. 4.

Theorema XI. Propositio XII.

In obtusangulis triangulis, quod à latere obtusum angulum subtendente fit quadratum maius est quam quadrata, quæ fiunt à lateribus obtusum angulum continencibus, rectangulo contentobis uno laterum, quæ sunt circa obtusum angulum, in quod scilicet productum, perpendicularis cadit, & linea assumpta exterius à perpendiculari ad angulum obtusum.

Fig. 31 In triangulo ADC angulus D rectus sit, atque recta A B occurrat rectæ DC in puncto B .

Dico $AC^2 = AB^2 + BC^2$ et $+CB$ in BD .

Demonstratio. Per prop. 4. hic, $CB + BD^2 = BD^2 + CB^2$

† CB_2 et † CB in $2BD$: sed per prop. 47. libri præcedentis $AC_2 = AD_2$ et † DB † BC_2 : ergo $AC_2 = AD_2$ † BD_2 † CB_2 et † CB in $2BD$: atqui per prop. 47. libri præcedentis etiam $AB_2 = AD_2$ † DB_2 : ergo $AC_2 = AB_2$ † CB_2 et † CB in $2BD$. Quod erat demonstrandum.

Si placeret hoc theorema vniuersalius proponere, ac demonstrare, posset dici. Qualescunque sint quantitates AC , AB , AD , CB , BD , ita tamen ut $AC_2 = AD_2$ et † CB † BD_2 ; item $AB_2 = AD_2$ † DB_2 , verum erit, quod $AC_2 = AB_2$ † BC_2 et † CB in $2BD$. In hunc modum propositi theorematism demonstrationis habetur si in allata demonstratione citetur hypothesis, ubi modo citatur prop. 47. libri præcedentis.

Theorema XII. Propositio XIII.

IN acutangulis triangulis, quod à latere acutum angulum subtendente fit quadratum, minus est quam quadrata quæ fiunt à lateribus acutum angulum continentibus, rectangulo contento bis uno laterum, quæ sunt circa acutum angulum, in quod perpendicularis cadit, & linea à perpendiculari intus assumpta ad angulum acutum.

In triangulo ADC angulus CDA rectus sit, atque recta AB occurrat rectæ CD productæ in aliquo puncto B . Fig. 32

Dico $AC_2 = CB_2$ † BA_2 et — CB in $2BD$.

Demonstratio. Per prop. 47. libri præcedentis $BA_2 = BD_2$ † DA_2 : sed per prop. 4. hic $CB_2 = CD_2$ † BD_2 et † CD in $2BD$: ergo BA_2 † $CB_2 = BD_2$ † DA_2

$DA_2 \dagger CD_2 \dagger BD_2$ et $\dagger CD$ in $2 BD$ $\approx DA_2 \dagger$
 $CD_2 \dagger 2 BD_2$ et $\dagger CD$ in $2 BD$: sed quia $2 BD_2 =$
 BD in $2 BD$, & insuper BD in $2 BD$ et $\dagger CD$ in $2 BD$
 $= BD \dagger CD$ in $2 BD$, manifestum est $2 BD_2$ et $\dagger CD$ in
 $2 BD = BD \dagger CD$ in $2 BD \approx CB$ in $2 BD$, cum $BD \dagger$
 $CD = CB$: ergo $BA_2 \dagger CB_2 = DA_2 \dagger CD_2$ et $\dagger CB$
in $2 DB$: ergo $BA_2 \dagger CB_2$ et $- CB$ in $2 DB = DA_2 \dagger$
 CD_2 : sed per prop. 47. lib. præcedentis etiam $AC_2 = DA_2$
 $\dagger CD_2$: ergo $AC_2 = BA_2 \dagger CB_2$ et $- CB$ in $2 DB$.
 Quod erat demonstrandum.

Si placeret, hoc theorema vniuersalius proponere, & de-
 monstrare, dici posset. Qualescunque sint quantitates AC ,
 AB , AD , CD , BD , ita tamen vt $AC_2 = CD_2 \dagger DA_2$
 & insuper $BA_2 = BD_2 \dagger DA_2$, ac denique $CB = CD$
 $\dagger DB$. Verum erit, quod $AC_2 = CB_2 \dagger BA_2$ et $- C$
 B in $2 BD$. Pro cuius demonstratione sufficit in præceden-
 ti discursu citare hypothesim, vbi citatur propositio 47. libri
 præcedentis.

Problema II. Propositio XIV.

D *Asio rectilineo æquale quadratum constituere.*
 Data sit figura X rectis lineis terminata.

Oporteat describere quadratum Z æquale figuræ X .

Fig. 33 Solutio. Primo per prop. 42. libri præcedentis describa-
 tur rectangulum $ABCD$ æquale figuræ X . Deinde produ-
 catur recta BC vsque in E , vt $CD = CE$, & per prop. 10.
 libri præcedentis recta BE fecetur bisariam in F . Tercio
 centro F radio FB describatur semicirculus, cui DC pro-
 ducta

ducta occurrat in puncto H. Denique per prop. 46. libri præcedentis supra rectam CH describatur quadratum Z. Erit Z quadratum, quod petitur.

Demonstratio. Per theor. 10. partis 3. Ideæ BC ad CH = CH ad CE : sed CE = CD : ergo BC ad CH = CH ad CD : ergo per axioma 3. partis 3. Ideæ, BC in CD = CH² : sed BC in CD = rectangulo ABC ; item CH² = quadrato facto supra CH, hoc est quadrato Z : ergo rectangulum ABC = quadrato Z : sed etiam figura X = rectangulo ABC : ergo figura X = quadrato Z. Quod erat demonstrandum.

EPISTOLA SEPTIMA

FRANCISCVS ZECCADORVS

R. P. AEGIDIO FRANCISCO DE GOTTIGNIES

Societatis Iesu. S.



NON omninò sterilis, aut otio tantum oblectando conducens, enra in me firim incendit animaduertendi, quo pacto materiem de quantitibus expertibus communi mensura pertractet Logistica tua, Ariadnæ, videlicet stamen, cuius ductu Mathescos tutò labyrinthum ingredimur. Quoniam verò tua methodo, compendiaria videlicet via, huiusce scientiæ fines ingressus, iniquo prorsus animo conquiescebam in ijs demonstrationibus, quas grauißimi cæteroqui, ac nostræ pene facultatis

tis Antistites, Euclidis interpretes afferunt in libris ad Arith-
 meticam pertinentibus: ausus fueram ex his libris aliquos,
 nisi præstantioribus, mihi certè magis aridentibus demon-
 strationibus illustrare. Arduam, secus ac opinabar, provin-
 ciam expertus sum; in animum enim induxeram, elementa-
 res veritates multo faciliori negotio demonstrari posse, quam
 sublimiora Apollonij Pergæi cogitata, ex quibus plura Se-
 legeram exercitationis gratia inferenda ex ijs, quæ tradis in
 tuæ Logisticæ Idea. An igitur magis pronus est, inquiebam,
 adytus ad arcana, & quasi Sacrarium, quam ad ipsum Ma-
 theseos limen? Cum ita fluctuarem animo, illa suborta est
 cogitatio, non ex ipsa rei natura Conicas Pergæi Sectiones
 obuias mihi, & quasi expositas visas fuisse, sed ex tramite,
 ut ita dicam, accliuui, & nihil salebroso ad huiusmodi doctri-
 næ pænetralia, strato in tuæ Logisticæ Idea: huiusmodi verò
 semitam minimè recludi ducentem ad inuestiganda illa, quæ
 vulgarium numerorum propria quodamodò sunt, aut illis ap-
 tantur, ita ut ad alias quantitates non æquè pertineant, aut
 demùm ijs tantummodò nunquam conueniant, licèt in alijs
 siue continuis, siue discretis quantitatibus inueniri possint.
 Ad hæc autem proprietatum genera spectare videbantur illa,
 quæ mihi molestapæ cæteris in Euclidis elementis accide-
 bant: Quamobrem studium me cæperat, aliquam ex his,
 ac præsertim celebritate clariorem propositionem videndi
 expugnatam, ut ex ea docerè artificium, quo reliquas supe-
 rarem. Neque me fefellit consilium meum; postquam enim
 auidissimis, ut omnia tua, vsurpanda oculis exhibuisti theo-
 remata quædam de quantitatibus communi mensura carenti-
 bus, videor mihi satis feliciter in ijs, quæ demonstrare insti-
 tueram,

tueram, elaborasse . Verum an fausta mihi cesserit alea , ex te nosse ambio ; ideoque ex pluribus septimum Euclideanum elementorum librum, aliorum, quos perinde demonstraui , iudicio tuo specimen subiicio , vt si albo hic à te calculo donetur, spem lucis reliquis faciat ; si nigram illi nosam inuras cum cæteris delitescat .

ELEMENTORVM EVCLIDIS

L I B E R S E P T I M V S

Logisticis discursibus demonstratus

A

FRANCISCO ZECCADORO.

Notandum . Quando in demonstrationibus huius libri septimi Euclidis citantur axiomata , atque expressè aliud non dicitur, illæ axiomata intelligenda sunt, quæ annotantur initio tractatus de commensurabilibus , & incommensurabilibus quantitatibus pag. 34. & 35. Ibidemque propositæ definitiones retinentur .

Theorema I. Propositio I.

Si duobus numeris: inæqualibus: propositis detrahatur semper minor de maiore: alterna: quadam: detractiōe; neque reliquus: unquam: metiatur præcedentem, quoad ventum sit ad unitatem: primi inter se erunt dati numeri .

R. 2.

Sint

132 Epist. VII. Liber septimus

Sint duo numeri vulgares integri A & B: atque numerus A sit maior numero B. Deinde diuidendo A per B producatür integer F, atque pro residuo remaneat integer C. Rursus priorem diuisorem B diuidendo per inuentum residuum C producatür integer G, atque pro residuo remaneat integer D. Denique, hoc ordine, in diuisione adhibitum diuisorem diuidendo per residuum, eiusdem diuisionis, continuando diuisiones, tandem pro residuo remaneat vnitas.

Dico numeros. A & B. non habere communem mensuram diuersam ab vnitatem.

Constructio. $\frac{A}{B} = F \dagger C$: item $\frac{B}{C} = G \dagger D$: item $\frac{C}{D} = K \dagger E$: item $\frac{D}{E} = P \dagger 1$. Præterea quicuis numerus, qui metitur A & B, sit X.

Demonstratio. Per constr. $\frac{A}{B} = F \dagger C$: ergo $\frac{A}{B} - C = F$: ergo $A - C = B \text{ in } F$: sed per constr. X metitur B, adeoque per 3. axioma X metitur B in F: ergo X metitur A - C: sed etiam per constr. X metitur A: ergo per 2. axioma X metitur C. Rursus, quoniam per construct. $\frac{B}{C} = G \dagger D$, etiam $\frac{B}{C} - D = G$: ergo $B - D = C \text{ in } G$: sed iam ostensum est X metiri C, adeoque per 3. axioma X metiri C in G: ergo X metitur B - D: sed per constr. etiam X metitur B: ergo per 2. axioma X metitur D. Rursus per constr. $\frac{C}{D} = K \dagger E$: ergo $\frac{C}{D} - E = K$: ergo $C - E = D \text{ in } K$: sed prius ostensum est X metiri D, adeoque per 2. axioma X metiri D in K: ergo X metitur C - E: atqui etiam ostensum est X metiri C: ergo per 2. axioma X metitur E. Rursus per constr. $\frac{D}{E} = P \dagger 1$: ergo $\frac{D}{E} - 1 = P$: ergo $D - 1 = E \text{ in } P$: sed quoniam ostensum est X metiri B, etiam per 3. axioma X metitur E in P: ergo X metitur D - 1: sed

sed iam demonstratum est X metiri D : ergo X metitur 1 : ergo X , vel est unitas, vel minor unitate : ergo X non est numerus integer diuersus ab unitate : sed per constr. X est quicuius numerus, qui est mensura A & B : ergo nullus numerus integer ab unitate diuersus metitur A & B : ergo A & B non habent communem mensuram diuersam ab unitate. Quod erat demonstrandum.

Corollarium.

Hinc facile patet, quod si numeri A & B habeant aliquam communem mensuram diuersam ab unitate, tandem ad illam deuenietur, continuando diuisiones ordine præscripto in propositione. Etenim si ad nullum talem numerum perueniatur, etiam nullam talem mensuram habent : ergo si aliquam talem mensuram habent, ad illam peruenietur, atque tandem pro residuo habebitur ille numerus.

Problema I. Propositio II.

Debus numeris datis non primis inter se, maximam eorum communem mensuram inuenire.

Dati sint duo numeri vulgares integri A & B , qui habeant communem mensuram diuersam ab unitate.

Oporteat inuenire maximum vulgarem integrum numerum, qui metiatur A & B .

Solutio. Maiorem A diuidendo per minorem B producatut integer F , atque pro residuo remaneat integer C . Rursum priorem diuisorem B diuidendo per residuum C producatut

tur integer G, atque pro residuo remaneat integer D. Denique, hoc ordine, in diuisione adhibitum diuisorem diuidendo per residuum eiusdem diuisionis, continentur diuisiones, donec nullum remaneat residuum: atque diuisor huius ultimæ diuisionis, ex qua nullum remanet residuum, sit vulgaris integer E. Dico, numerorum A & B maximam communem mensuram esse E.

Demonstratio. Per hypot., numeri A & B habent communem mensuram diuersam ab unitate: ergo, per corollar. propos. 1. præscripto ordine continuando diuisiones, tandem deuenitur ad aliquem diuisorem E, qui unitate maior sit, & nullum relinquat residuum. Itaque $\frac{A}{E} = F \dagger C$; item $\frac{B}{E} = G \dagger D$; item $\frac{C}{D} = K \dagger E$; denique $\frac{D}{E} = L$, & nullum relinquitur residuum: atq; maxima communis mensura numerorum A & B sit aliquis integer Z. Quoniam igitur $\frac{A}{E} = F \dagger C$, etiam $\frac{A}{E} - C = F$: ergo $A - C = B$ in F: sed Z metitur B, adeoque per 3. axioma Z metitur B in F: ergo Z metitur A - C: sed etiam Z metitur A: ergo per axioma 2. etiam Z metitur C. Rursus, $\frac{B}{E} = G \dagger D$: ergo $\frac{B}{E} - D = G$: ergo $B - D = C$ in G: sed iam ostensum est Z metiri C, adeoque per 3. axioma Z metitur C in G: ergo Z metitur B - D: atqui etiam Z metitur B: ergo per 2. axioma Z metitur D. Rursus, $\frac{C}{D} = K \dagger E$: ergo $\frac{C}{D} - E = K$: ergo $C - E = D$ in K: sed ostensum est Z metiri D, adeoque per 3. axioma Z metitur D in K: ergo Z metitur C - E: atqui etiam Z metitur C: ergo per 2. axioma Z metitur E. Rursus $\frac{D}{E} = L$: ergo per 4. axioma E metitur D, adeoque per 3. axioma E metitur D in K, hoc est C - E: sed etiam E metitur se ipsum: ergo per 2. axioma E metitur C, adeoque per

3. axioma E metitur C in G; hoc est $B - D$: sed etiam ostensum est E metiri D: ergo per 2. axioma E metitur B, adeoque per 3. axioma E metitur B in F; hoc est $A - C$: sed ostensum est E metiri C: ergo per 2. axioma E metitur A: igitur constat E metiri A & B, adeoque esse communem mensuram A & B: sed quoniam ostensum est Z (qui per constr. est maxima communis mensura A & B) metiri E, patet E non esse minorem maxima communi mensura A & B: ergo E est maxima communis mensura numerorum A & B. Quod erat demonstrandum.

Corollarium.

Hinc patet, quod si numerus Z sit maxima communis mensura numerorum A & B, quilibet numerus X, qui metitur A & B, etiam metitur Z. Etenim cum per hypot. X metiatur A & B, ordine præscripto in propositione continuando diuisiones, per corollar. propos. 2. tandem deuenietur ad diuisionem, in qua X est diuisor, & nullum remanet residuum: sed etiam per hypot. deuenitur ad diuisionem, in qua diuisor est Z, & nullum remanet diuisionis residuum: ergo ordine prædicto continuando diuisiones, peruenitur, tum ad diuisionem, in qua Z est diuisor, & nullum remanet residuum; tum etiam ad diuisionem, in qua X est diuisor, nullumque remanet residuum: sed ordine præscripto continuando diuisiones, prius occurrit diuisio, in qua Z est diuisor, cum sit prima, in qua nullum remaneat residuum: ergo ordine præscripto continuando diuisiones, ex diuisione, in qua Z est diuisor, peruenitur ad diuisionem, in qua X est diuisor.

136 Epist. VII. Liber septimus
diuisor, nisi fortè $Z = X$: ergo per 2. propos. Z metitur X ;
quod idem patet si $Z = X$.

Problema II. Propositio III.

Tribus numeris datis non primis inter se maximam eorum
communem mensuram inuenire.

Dati sint tres numeri vulgares integri A, B, C .

Oporteat eorum maximam communem mensuram in-
uenire.

Solutio, Per propf. 2. inueniatur X maxima mensura
communis numerorum A , & B : deindè iterùm per eandem
propositionem inueniatur Z maxima communis mensura
numerorum X , & C .

Dico, Z esse maximam communem mensuram numero-
rum A, B, C .

Nota, quod si X metiatur C , tunc $Z = X$; si verò X non
metiatur C , tunc Z non $= X$. Vtroque tamen casu X erit
maxima communis mensura numerorum A, B, C ,

Demonstratio. Per corollar. propf. 2. Omnis numerus,
qui metitur A , & B , etiam metitur X maximam mensuram
numerorum A , & B : ergo maximus numerus, qui metitur
 X est maxima communis mensura A , & B : ergo etiam maxi-
mus numerus, qui metitur X , & C , est maxima communis
mensura numerorum A, B, C : sed per hypot. numerus Z est
maximus numerus, qui metitur X , & C : ergo numerus Z est
maxima communis mensura numerorum A, B, C . Quod
erat demonstrandum.

Theorema II. Propositio IV.

Omnis numerus omnis numeri, minor maioris; vel pars est, vel partes.

Sint duo numeri vulgares integri A, & B, quorum minor sit A; maior verò sit B: Vel vniuersaliter.

Qualescunque eiusdem generis quantitates sint A, & B; ità tamen, vt A sit minor quam B.

Dico, A esse partem aliquotam, vel aliquantam ipsius B.

Propositio patet ex terminis, cum quælibet minor quantitas aliquoties sumpta præcisè adæquet, vel non adæquet quamlibet maiorem eiusdem generis quantitatem.

Theorema III. & IV. Propositio V. & VI.

Si numerus numeri pars fuerit, vel partes, & alter alterius eadem pars, vel partes: etiam uterque utriusque eadem pars, vel partes erit, quæ unus unus.

Sint numeri vulgares integri A, B, C, D, atque A ad B = C ad D: siuè A metiatur B, & insuper C, metiatur D, siuè non. Vel vniuersaliter.

Qualescunq; eiusdem generis sint quantitates A, B, C, D: ità tamen, vt A ad B = C ad D.

S

Dico

138 Epist. VII. Liber septimus

Dico, $A \dagger C \text{ ad } B \dagger D = A \text{ ad } B$.

Demonstratio. Per hypot. $A \text{ ad } B = C \text{ ad } D$: ergo per
asser. 2. theor. 5. partis 4. Ideæ Logist. $A \text{ ad } C = B \text{ ad } D$
ergo per asser. 3. ibidem $A \dagger C \text{ ad } C = B \dagger D \text{ ad } D$: ergo
iterum per asser. 2. $A \dagger C \text{ ad } B \dagger D = C \text{ ad } D$: sed $A \text{ ad } B$
 $= C \text{ ad } D$: ergo $A \dagger C \text{ ad } B \dagger D = A \text{ ad } B$. Quod erat de-
monstrandum.

Theorema V. & VI. Propositio VII. & VIII.

SI numerus numeri pars fuerit, vel partes, quæ ablati abla-
ti, & reliquis reliqui eadem pars, vel partes erit, quæ so-
lus totius.

Sint numeri vulgares integri A, B, C, D : ità vt $A \text{ ad } B$
 $= C \text{ ad } D$; siue A metiatur B , & C metiatur D , siue
non; dummodò A sit maior quam C , & B sit maior quam D .
Vel vniuersaliter.

Qualescunq; æiusdem generis sint quantitates A, B, C, D :
ità tamen, vt $A \text{ ad } B = C \text{ ad } D$.

Dico, $A - C \text{ ad } B - D = A \text{ ad } B$.

Demonstratio. Per hypot. $A \text{ ad } B = C \text{ ad } D$: ergo per
asser. 2. theor. 5. partis 4. Ideæ Logist. $A \text{ ad } C = B \text{ ad } D$: er-
go per asser. 4. & 2. ibidem $A - C \text{ ad } B - D = C \text{ ad } D$:
sed $A \text{ ad } B = C \text{ ad } D$: ergo $A - C \text{ ad } B - D = A \text{ ad } B$:
Quod erat demonstrandum.

Theorema VII. & VIII. Propositio IX. & X.

SI numerus numeri pars fuerit, vel partes, & alter alterius eadem pars, vel partes: etiam permutando, quæ pars est, vel partes primus tertij, eadem pars, vel partes erit secundus quarti.

Sint numeri vulgares integri A, B, C, D; atque A ad B = C ad D; siuè A metiatur B, & C metiatur D, siuè non. Vel vniuersaliter.

Qualescunq; eiusdem generis sint quantitates A, B, C, D: ità tamen, vt A ad B = C ad D.

Dico, permutando A ad C = B ad D.

Demonstratio patet ex theoremate 5; partis 4; Idem Logisticæ.

Theorema IX. Propositio XI.

SI fuerit, vt totus ad totum, ità ablatum ad ablatum: & reliquus ad reliquum erit, vt totus ad totum.

Sint numeri vulgares integri A, B, C, D; ità vt A ad B = C ad D, atque A sit maior quam C; item B sit maior quam D. Vel vniuersaliter.

Qualescunq; eiusdem generis quantitates sint A, B, C, D: ità tamen, vt A ad B = C ad D.

S 2

Dico

Dico, $A - C \text{ ad } B - D = A \text{ ad } B$.

Demonstratio patet ex propositionibus 7. & 8. vniuersaliter propositis.

Theorema X. Propositio XII.

SI quocunque numeri proportionales fuerint; ut unus antecedentium ad unum consequentium, ita erunt omnes antecedentes ad omnes consequentes.

Sint quotuis numeri vulgares integri A, B, C, D, E, F ; atque $A \text{ ad } B = C \text{ ad } D = E \text{ ad } F$. Vel vniuersaliter.

Qualescunque eiusdem generis quantitates sint A, B, C, D, E, F ; ita tamen ut $A \text{ ad } B = C \text{ ad } D = E \text{ ad } F$.

Dico, $A + C + E \text{ ad } B + D + F = A \text{ ad } B$.

Demonstratio. Per hypothesein $A \text{ ad } B = C \text{ ad } D$: ergo per theorema quintum partis quartæ Idæ Logisticæ, permutando atque componendo patet, $A + C \text{ ad } B + D = A \text{ ad } B$: sed per hypothesein $A \text{ ad } B = E \text{ ad } F$: ergo $A + C \text{ ad } B + D = E \text{ ad } F$: ergo iterum per theor. quintum. partis quartæ Idæ Logisticæ, permutando atque componendo manifestum est, $A + C + E \text{ ad } B + D + F = E \text{ ad } F$: sed per hypothesein, $E \text{ ad } F = A \text{ ad } B$: ergo $A + C + E \text{ ad } B + D + F = A \text{ ad } B$. Quod erat demonstrandum.

Theorema XI. Propositio XIII.

Si quatuor numeri proportionales fuerint : & permutando proportionales erunt .

Sint quatuor numeri vulgares integri A, B, C, D, atque
 $A \text{ ad } B = C \text{ ad } D$.

Dico, permutando $A \text{ ad } C = B \text{ ad } D$.

Demonstratio patet ex theoremate 5. partis 4. Ideæ Logisticæ .

Theorema XII. Propositio XIV.

Si fuerint quocunque numeri, & alij ipsis multitudine æquales, qui bini sumantur, & in eadem proportionē : etiam ex æqualitate in eadem proportionē erunt .

Sint quotvis numeri vulgares integri A, B, C, D, E, F;
 ità vt $A \text{ ad } B = D \text{ ad } E$, & insuper $B \text{ ad } C = E \text{ ad } F$. Vel
 vniuersaliter .

Qualescunque eiusdem generis quantitates sint A, B, C,
 D, E, F : ità tamen vt $A \text{ ad } B = D \text{ ad } E$, atque insuper
 $B \text{ ad } C = E \text{ ad } F$.

Dico, ex æqualitate; vel ex æquo $A \text{ ad } C = D \text{ ad } F$.

Demonstratio patet ex theor. 6. partis 4. Ideæ Logisticæ .

Theorema XIII. Propositio XV.

SI unitas numerum aliquem metiatur, alter autem numerus equaliter metiatur alium aliquem: & permutando unitas tertium numerum equaliter metietur, atque secundus quartum.

Sint tres numeri vulgares integri A, B, C ; atque $1 \text{ ad } A = B \text{ ad } C$.

Dico permutando $1 \text{ ad } B = A \text{ ad } C$.

Demonstratio patet ex theoremate 5. partis 4. Idæ Logistica.

Theorema XIV. Propositio XVI.

SI duo numeri se multiplicantes fecerint aliquos, facti ab ipsis inter se æquales erunt.

Sint duo numeri vulgares integri $A \& B$, atque $A \text{ in } B = C$. Vel vniuersaliter.

Qualescunque eiusdem generis sint quantitates $A \& B$, atque $A \text{ in } B = C$.

Dico, $B \text{ in } A = C$.

Demonstratio. Per hypot. $A \text{ in } B = C$: sed per axioma 1. partis 4. Idæ Logist. $A \text{ in } B = B \text{ in } A$: ergo $B \text{ in } A = C$. Quod erat demonstrandum.

Theorema XV. Propositio XVII.

SI numerus duos numeros multiplicans fecerit aliquos; facti ex ipsis eandem proportionem habebunt, quam multiplicati.

Sint numeri vulgares integri A, B, C; atque A in C = D: item B in C = E. Vel vniuersaliter.

Qualescunque eiusdem generis sint quantitates A, B, C; atque A in C = D: item B in C = E.

Dico, D ad E = A ad B.

Demonstratio. Per corollar. theor. 4. partis 4. Ideæ Logist. A in C ad B in C = A ad B: sed per hypot. A in C = D: item B in C = E: ergo D ad E = A ad B. Quod erat demonstrandum.

Theorema XVI. Propositio XVIII.

SI duo numeri numerum aliquem multiplicantes fecerint aliquos, facti ex ipsis eandem rationem habebunt, quam multiplicantes.

Sint numeri vulgares integri A, B, C. Vel vniuersaliter.

Qualescunque eiusdem generis sint quantitates A, B, C.

Dico, C in A ad C in B = A ad B.

Demonstratio patet ex præcedenti propositione.

Theorema XVII. Propositio XIX.

Si quatuor numeri proportionales fuerint, qui ex primo, & quarto fit numerus aequalis est ei, qui fit ex secundo, & tertio. Et si numerus, qui fit ex primo, & quarto aequalis est ei, qui fit ex secundo, & tertio; quatuor numeri proportionales erunt.

Sint numeri vulgares integri A, B, C, D . Vel vniuersaliter.

Qualescunque eiusdem generis sint quantitates A, B, C, D .

Dico, A in $D = B$ in C , si A ad $B = C$ ad D . Et vicissim A ad $B = C$ ad D , si A in $D = B$ in C .

Hæc propositio æquiualeat axiomati 3. partis 4. Idææ Logisticæ.

Theorema XVIII. Propositio XX.

Si tres numeri proportionales fuerint: qui ab extremis fit numerus aequalis erit ei, qui fit à medio. Si autem qui ab extremis fit aequalis fuerit ei, qui fit à medio: tres numeri proportionales erunt.

Sint numeri vulgares integri A, B, C . Vel vniuersaliter.

Qualescunque eiusdem generis sint quantitates A, B, C .

Dico, A in $C = B$ in B , si A ad $B = B$ ad C . Et vicissim A ad $B = B$ ad C , si A in $C = B$ in B .

Hæc assertio conuenit cum axioma 3. partis 4. Idææ.

Theorema XIX. Propositio XXI.

Numeri omnium sibi proportionalium minimi numeros sibi proportionales aequemetiuntur .

Sint numeri vulgares integri A, B, C, D : atque A ad B = C ad D : & insuper proportio A ad B constet minimis terminis .

Dico , A metiri C : & insuper B metiri D .

Quandoquidem iuxta definitiones Logisticae, quibus utimur, etiam unitas est verè, & propriè numerus: propositio, ut à me proponitur paulò uniuersalior est; quam Euclidea, atque duplicem admittit casum: primus casus est, quando ex numeris A, & B, aliquis est unitas; secundus casus est, quando ex numeris A, & B nullus est unitas. De secundo tantum casu agit propositio Euclidea, quia iuxta eius definitiones unitas non est numerus. Vtrum secundus iste casus in Euclidea propositione propositus apud eius interpretes legitime demonstratus inueniatur suo loco considerabimus.

Demonstratio in primo casu. Per Hypothesim A ad B : = C ad D : ergo permutando A ad C = B ad D : sed quoniam per hypothesim A, vel B est unitas, & insuper numeri B, & D singuli sunt integri vulgares: patet A metiri C, vel B metiri D: ergo A metitur B, & etiam C metitur D: Vt assertur in propositione .

Demonstratio in secundo casu. Per hypot. A ad B = C ad D : sed per theor. 3. partis 4. Ideæ Logist. A ad B = C ad $\frac{B \cdot C}{A}$: ergo C ad D = C ad $\frac{B \cdot C}{A}$: ergo $\frac{B \cdot C}{A} = D$: sed per
T hypot.

hypot. $D = \text{vulgari integro} : \text{ergo } \frac{B \cdot m}{A} = \text{vulgari integro} :$
ergo A metitur B in C : atqui pariter per hyp. proportio A ad B
 constat minimis integris terminis diuersis ab vnitate, adeoq;
 per prop. 3. de commensurabilibus, & incommensurabilibus
 quantitibus, A non metitur B : ergo per secundam partem
 propof. 6. ibid. A metitur C : Sed quoniam A ad $B = C$ ad D ,
 permutando A ad $C = B$ ad D : ergo etiam B metitur D ; constat
 igitur in vtroque casu proposito A metiri C , et insuper B me-
 tiri D . Quod erat demonstrandum.

Theorema XX. Propositio XXII.

Si sint tres numeri, & a lijs ipsis multitudine equales, qui
 bini sumantur, & in eadem proportionē, sit autem per-
 turbata eorum analogia: etiam ex æqualitate in eadem proportio-
 ne erunt.

Sint numeri vulgares integri A, B, C, D, E, F : ita vt
 A ad $B = E$ ad F : & insuper B ad $C = D$ ad E . Vel vni-
 uersaliter.

Qualescunque eiusdem generis sint quantitates $A, B, C,$
 D, E, F ; ita tamen vt A ad $B = E$ ad F : & insuper B ad C
 $= D$ ad E .

Dico, ex æqualitate, vel ex æquo, A ad $C = E$ ad F .

Demonstratio. Per hypot. A ad $B = E$ ad F : ergo per
 axioma 3. partis 4. Ideæ Logist. B in $E = A$ in F : sed etiam
 per hypot. B ad $C = D$ ad E , adeoque B in $E = C$ in D : ergo
 A in $F = C$ in D : ergo per idem 3 axioma, A ad $C = D$ ad F .
 Quod erat demonstrandum.

Theor. XXI. & XXII. Prop. XXIII. & XXIV.

Primi inter se numeri sunt omnium sibi proportionalium minimi. Et numeri omnium sibi proportionalium minimi sunt inter se primi.

Sint numeri vulgares integri A & B.

Dico primò, proportionem A ad B esse expressam minimis terminis, si A & B non habent communem mensuram diuersam ab vnitatem.

Dico secundò, A & B non habere communem mensuram diuersam ab vnitatem, si proportio A ad B est expressa minimis terminis.

Demonstratio primæ partis patet ex assertionem 1. propos. 3. de commensurabilibus, & incommensurabilibus quantitatibus.

Demonstratur secunda pars. Per asser. 2. propos. 3. de commensurabilibus, & incommensurabilibus quantitatibus, proportio A ad B est expressa minimis integris terminis, si A & B non habent communem mensuram diuersam ab vnitatem: sed per hypot. proportio A ad B est expressa minimis terminis integris: ergo A & B non habent communem mensuram diuersam ab vnitatem. Quod erat secundum.

Theorema XXIII. Propositio XXV.

Numerus, qui ex duobus inter se primis metitur unum, ad reliquum primus est.

T 2

Sint

148 Epist. VII. Liber septimus

Sint numeri vulgares integri A, B, C ; quorum A & B non habeant communem mensuram diuersam ab vnitatem, tamen C metiatur A .

Dico, B & C non habere communem mensuram diuersam ab vnitatem.

Constructio. Littera X significet quamcunque mensuram communem numerorum B & C .

Demonstratio. Per constr. X metitur C : sed per hypot. C metitur A : ergo per axioma 1. etiam X metitur A : ergo X est communis mensura numerorum A & B : sed per hypot. A & B non habent communem mensuram diuersam ab vnitatem: ergo $X = 1$: sed per constr. X est quælibet mensura numerorum B & C : ergo B & C non habent communem mensuram diuersam ab vnitatem. Quod erat demonstrandum.

Theorema XXIV. Propositio XXVI.

Si duo numeri ad quempiam tertium primi fuerint, etiam simul multiplicati ad eundem tertium primi erunt.

Sint numeri vulgares integri A, B, C , præterea neq; A & C , neq; B & C , habeant communem mensuram diuersam ab vnitatem.

Dico, A in B & C non habere communem mensuram diuersam ab vnitatem.

Demonstratio patet ex assertione 2. propof. 5. de communurabilibus, & incommensurabilibus quantitativibus.

Theorema XXV. Propositio XXVII.

Si duo numeri fuerint inter se primi: etiam quadratum unius ad reliquum primus erit.

Nume-

Numeri vulgares integri A , & B non habeant communem mensuram diuersam ab vnitatem.

Dico A in A , & B non habere communem mensuram diuersam ab vnitatem.

Demonstratio. Per hypot. A , & B ; item A , & B non habent communem mensuram diuersam ab vnitatem: ergo per præcedentem A in A , & B non habent communem mensuram diuersam ab vnitatem. Quod erat demonstrandum.

Theorema XXVI. Propositio XXVIII.

Si duo numeri ad duos alios numeros, uterque ad utrumque primi fuerint: etiam ex ipsis geniti inter se primi erunt.

Numeri vulgares integri A , B , C , D sint tales, ut A & C , item A & D ; ac præterea B & C , item B & D , non habeant communem mensuram diuersam ab vnitatem.

Dico, A in B , & C in D non habere mensuram communem diuersam ab vnitatem.

Demonstratio. Per hypot. C & A : item D & A non habent communem mensuram diuersam ab vnitatem: ergo per propof. 26. etiam C in D & A non habent talem mensuram. Similiter per hypot. C & B ; item D & B non habent communem mensuram diuersam ab vnitatem: ergo per eandem propof. 26. C in D & B non habent talem mensuram: ergo C in D & A : item C in D & B non habent communem mensuram diuersam ab vnitatem: ergo iterum per propof. 26. A in B , & C in D non habent talem mensuram. Quod erat demonstrandum:

Theorema XXVII. Propositio XXIX.

Si duo numeri inter se primi fuerint : etiam illorum quadrati, cubi, & sic deinceps, primi erunt.

Duo numeri vulgares integri A & B non habeant communem mensuram diuersam ab vnitatem.

Dico, etiam $A n$ & $B n$ non habere talem mensuram :

Nota litteram n representare quemuis numerum vulgarem integrum, qui potest esse denominator dignitatum A & B .

Demonstratio. Per hypot. A & B non habent communem mensuram diuersam ab vnitatem : ergo per præcedentem B in B , & A in A non habent talem mensuram, & præterea per propof. 26. A & B in B ; item B & A in A , hoc est A & B 2 : item B & A 2 non habent talem mensuram : ergo A 2 cum B 2, vel B : item B 2 cum A 2, vel A non habent talem mensuram : ergo per præcedentem B in B 2, & A in A 2, hoc est B 3 & A 3 non habent talem mensuram, et præterea per propof. 26. A et B 3 : item B et A 3 non habent talem mensuram : ergo A 3 cum B 3, vel B : item B 3 cum A 3, vel A non habent talem communem mensuram : ergo per præcedentem B in B 3, et A in A 3; hoc est B 4 et A 4 non habent talem mensuram : atque ita de reliquis in infinitum, adeoque $B n$, et $A n$ non habent communem mensuram diuersam ab vnitatem. Quod erat demonstrandum.

Theorema XXVIII. Propositio XXX.

SIduo numeri inter se primi fuerint: etiam uterque simul ad quemlibet illorum primus erit. Quod si uterque simul ad unum aliquem ipsorum sit primus, & numeri à principio positi primi erunt.

Numeri A & B sint vulgares integri.

Dico primo, $A \nmid B$ & A , item $A \nmid B$ & B , non habere mensuram diuersam ab vnitatem, si A & B non habeant talem mensuram.

Dico secundo, A & B non habere mensuram diuersam ab vnitatem, si $A \nmid B$ & A, vel $A \nmid B$ & B non habeant talem mensuram.

Constructio. Littera X significet quamlibet communem mensuram numerorum $A \nmid B$ et A.

Demonstratur prima pars. Per constr. X metitur A: item X metitur $A \nmid B$: ergo X metitur A et B: sed per hypot. A et B non habent communem mensuram diuersam ab vnitatem: ergo $X = 1$: sed per constr. X est quaecunque mensura communis $A \nmid B$ et A: ergo $A \nmid B$ et A non habent communem mensuram diuersam ab vnitatem. Idem similiter patet de $A \nmid B$ et B, si X sit communis mensura numerorum $A \nmid B$ et B: ergo $A \nmid B$ et A, item $A \nmid B$ & B non habent communem mensuram diuersam ab vnitatem. Quod erat demonstrandum.

Eadem posita constructione aliter idem demonstratur. Per defin. 7. X est pars aliquota numeri $A \nmid B$, ergo datur integer E, ita vt $X \text{ in } E = A \nmid B$: item X est pars aliquota numeri

meri A : ergo datur integer F , ita ut $X \text{ in } F = A$; itaque manifestum est, integrum E esse maiorem integro F : ergo $E - F =$ alicui integro K : sed quoniam $X \text{ in } E = A \dagger B$, et etiam $X \text{ in } F = A$, patet $X \text{ in } E \text{ et } - X \text{ in } F = A \dagger B - A = B$: ergo $X \text{ in } E \text{ et } - X \text{ in } F = B$: sed $X \text{ in } E \text{ et } - X \text{ in } F = X \text{ in } E - F = X \text{ in } K$, quoniam, ut diximus, $E - F = K$: ergo $X \text{ in } K = B$: ergo $K = \frac{B}{X}$: sed ostensum est K esse integrum : ergo $\frac{B}{X} =$ integro : ergo X metitur B : sed per constr. X metitur A : ergo X metitur A et B : sed per hypot. A et B non habent communem mensuram diuersam ab unitate : ergo $X = 1$: ergo sequitur, ut prius, $A \dagger B$ et A , item $A \dagger B$ & B non habere communem mensuram diuersam ab unitate. Quod erat primum.

Constructio pro secunda parte ; X repræsentet quamlibet mensuram communem numerorum A & B .

Demonstratur secunda pars. Per constructionem X metitur A & B : ergo per 2. axioma X metitur $A \dagger B$: ergo numerorum $A \dagger B$ & A , item $A \dagger B$ & B communis mensura est X : sed per hypot. vel $A \dagger B$ & A , vel $A \dagger B$ & B , non habent communem mensuram diuersam ab unitate : ergo X est unitas : sed per constructionem X est quælibet mensura communis numerorum A & B : ergo numeri A et B non habent mensuram communem diuersam ab unitate. Quod erat secundum.

Theorema XXIX. Propositio XXXI.

Omnis primus numerus ad omnem, quem non metitur primus est.

Num.

Numerus vulgaris integer A non habeat mensuram diuersam ab vnitatem, ac præterea non metiatur integrum vulgarem B.

Dico, numeros A et B non habere communem mensuram diuersam ab vnitatem.

Demonstratio. Per hypot. A non habet mensuram diuersam ab vnitatem, nisi ipsum A : ergo A et B non habent communem mensuram diuersam ab vnitatem, nisi ipsum A : sed per hypot. A non metitur B : ergo A et B nullam habent communem mensuram diuersam ab vnitatem. Quod erat demonstrandum.

Theorema XXX. Propositio XXXII.

Si planum numerum aliquis primus metitur ; is etiam e plani lateribus alterutrum metitur.

Sint numeri vulgares integri A et B, atque aliquis vulgaris integer C non habens mensuram diuersam ab vnitatem metiatur A in B.

Dico, C metiri A, vel B.

Constructio $\frac{A \text{ in } B}{C} = D$.

Demonstratio. Per hypot. C metitur A in B : ergo $\frac{A \text{ in } B}{C} =$ alicui integro : sed per constr. $\frac{A \text{ in } B}{C} = D$: ergo D est vulgaris integer, adeoque singuli numeri A, B, C, D sunt vulgares integri : præterea quoniam $\frac{A \text{ in } B}{C} = D$, per probl. 4. cap. 5. lib. 1. Logist. A in B = C in D : ergo per axioma 3. partis 4. Ideæ Logist. A ad C = D ad B : sed per hypot. C nullam habet mensuram diuersam ab vnitatem nisi ipsum C : ergo vel C metitur A, vel C et A nullam habent mensuram communem diuersam ab vnitatem. Iam vero si C metitur A,

154 Epist. VII. Liber septimus

patet, quod est probandum, nimirum C metiri A, vel B: Si vero C & A nullam habent communem mensuram diuersam ab vnitatem; igitur per propof. 23. proportio A ad C est expressa minimis integris terminis: sed etiam (vt demonstratum est) A ad C = D ad B: ergo per propof. 21. A metitur D, et insuper C metitur B: ergo vtroque casu C metitur A, vel B. Quod erat demonstrandum.

Theorema XXXI. Propositio XXXIII.

Omnem compositum numerum aliquis primus metitur.
 Sit numerus vulgaris integer A, qui habeat mensuram diuersam ab vnitatem, atque talis mensura minima sit B.

Dico, B nullam habere mensuram ab vnitatem diuersam.

Demonstratio. Per hypot. B metitur A: ergo per axiom. 1. quilibet numerus, qui metitur B, metitur A: ergo si daretur aliquis numerus diuersus ab vnitatem, qui metiretur B, etiam ille idem numerus metiretur A: sed per hypot. nullus datur numerus ab vnitatem diuersus minor B, qui metiatur A: ergo nullus datur numerus diuersus ab vnitatem, qui metiatur B: ergo B nullam habet mensuram diuersam ab vnitatem. Quod erat demonstrandum.

Theorema XXXII. Propositio XXXIV:

Omnis numerus aut primus est, aut ab aliquo primo mensuratur.

Sit qualiscunque numerus vulgaris integer A.

Dico, A non habere mensuram diuersam ab vnitatem; vel
 dari

dari alium numerum vulgarem. integrum B non habentem
mensuram diuersam ab vnitatem; ita vt B metiatur A .

Demonstratio patet ex præcedenti; etenim si A habet
mensuram diuersam ab vnitatem, atque omnium minima sit
B; per præcedentem B non habet mensuram diuersam ab
vnitate .

Problema III. Propositio XXXV.

Numeris datis quocunque, inuenire minimos ipsi pro-
portionales .

Dati sint quocunque numeri vulgares integri A, B, C .

Oporteat inuenire alios totidem numeros D, E, F datis:
proportionales, atque integros & minimos omnium eandem
proportionem habentium .

Solutio . Per propof. 3. numerorum A, B, C inueniatur
maxima communis mensura Z: atque $\frac{A}{Z} = D$: item $\frac{B}{Z} = E$:
denique $\frac{C}{Z} = F$.

Dico, inuentos numeros D, E, F datis A, B, C esse pro-
portionales, atque minimos. omnium eandem proportio-
nem habentium .

Constructio . Minimi vulgares integri habentes eandem
proportionem, quam habent A, B, C sint L, M, N.

Demonstratio . Per constr. L ad M = A ad B: item
L ad M est proportio minimis integris terminis expressa: ergo
per propof. 21. L metitur A, et M metitur B: ergo $\frac{A}{L} =$ ali-
cui integro X: sed quoniam L ad M = A ad B, permutando
L ad A = M ad B: ergo $\frac{A}{L} = \frac{B}{M}$: ergo $\frac{B}{M} = X$. Similiter patet
 $\frac{B}{M} = \frac{C}{N}$, adeoque $\frac{C}{N} = X$: ergo $\frac{A}{L} = X$: itē $\frac{B}{M} = X$: item $\frac{C}{N} = X$:
ergo $\frac{A}{L} = L$: item $\frac{B}{M} = M$: item $\frac{C}{N} = N$: atqui singuli

L, M, N, et etiam X sunt integri : ergo X est communis mensura numerorum A, B, C ; sed etiam L, M, N sunt minimi habentes eandem proportionem cum A, B, C : ergo X est maxima communis mensura numerorum A, B, C : sed etiam per hypot. Z est maxima communis mensura numerorum A, B, C : ergo $X = Z$, ergo $\frac{A}{X} = \frac{A}{Z}$: sed $\frac{A}{Z} = L$, et per hypot. $\frac{A}{Z} = D$: ergo $L = D$. Similiter patet $M = E$: item $N = F$: atqui per constr. L, M, N sunt minimi habentes eandem proportionem, quam A, B, C : ergo etiam D, E, F sunt minimi habentes eandem proportionem, quam A, B, C. Quod erat demonstrandum.

Problema IV. Propositio XXXVI.

D *Vobis numeris datis reperire minimum, quem metiuntur.*
 Dati sint duo numeri vulgares integri A et B.

Oporteat inuenire vulgarem integrum X minimum omnium, qui mensurantur à singulis A et B.

Solutio. Primo per præcedentem propos. inueniantur vulgares integri C et D ; ita vt $C \text{ ad } D = A \text{ ad } B$, et proportio $C \text{ ad } D$ sit expressa minimis integris terminis : deinde inueniatur vulgaris integer X ; ita vt $A \text{ in } D = X$.

Dico X esse minimum omnium, qui mensurantur à singulis A et B.

Constructio. Littera Z representet quæuis numerum vulgarem integrum diuersum ab A in D, quemque metiatur singuli A et B : præterea $\frac{Z}{A} = K$: item $\frac{Z}{B} = L$.

Demonstratio. Per hypot. $C \text{ ad } D = A \text{ ad } B$: ergo per axioma 3. partis 4. Ideæ Logist. $A \text{ in } D = B \text{ in } C$: sed per axioma 3. A metitur A in D : item B metitur B in C, hoc est
 A in D

A in D \triangleq *X*: ergo singuli *A* et *B* metiuntur *X*. Præterea per constr. $\frac{Z}{A} = K$: item $\frac{Z}{B} = L$: ergo per probl. 4. cap. 5. lib. 1. Logist. $Z = A$ in *K*: item $Z = B$ in *L*, adeoque A in *K* $= B$ in *L*: ergo A ad *B* $= L$ ad *K*: sed per hypot. A ad *B* $= C$ ad *D*: ergo C ad *D* $= L$ ad *K*: atqui etiam per hypot. proportio C ad *D* est expressa minimis integris terminis; ergo per propof. 21. *C* metitur *L*, & *D* metitur *K*: ergo *D* est minor *K*: ergo *A in D* est minor *A in K*; sed *A in D* $= X$, & *A in K* $= Z$: ergo *X* est minor *Z*: sed per constr. *Z* est quilibet numerus diversus ab *X*, quem metiuntur singuli *A* & *B*: ergo non datur numerus minor numero *X*, quem metiantur singuli *A* & *B*: sed etiam prius ostensum est, quod singuli numeri *A* & *B* metiantur *X*: ergo *X* est minimus omnium, quem metiuntur singuli *A* & *B*. Quod erat demonstrandum.

Theorema XXXIII. Propositio XXXVII.

Si duo numeri metiantur aliquem alium numerum: etiam minimus, quem illi metiuntur, eundem metietur.

Sint duo numeri vulgares integri *A* & *B*, qui singuli metiantur vulgarem integrum *C*; atque vulgaris integer *E* sit minimus omnium, quos metiuntur singuli numeri *A*, & *B*:

Dico, numerum *E* metiri numerum *C*.

Constructio X ad *Z* $= A$ ad *B*, & proportio X ad *Z* sit expressa minimis integris terminis: præterea $\frac{Z}{A} = K$: item $\frac{Z}{B} = L$.

Demonstratio. Per constr. proportio X ad *Z* est expressa minimis integris; & insuper X ad *Z* $= A$ ad *B*: ergo per præcedentem *Z in A* est minimus omnium numerorum, quo,

158 Epist. VII. Liber septimus

quos metiuntur A, & B: sed quoniam $X \text{ ad } Z = A \text{ ad } B$, etiam per axioma 3. partis 4. Ideæ Logist. $Z \text{ in } A = X \text{ in } B$, & præterea per hypot. E est minimus omnium, quos metiuntur A, & B: ergo $E = Z \text{ in } A = X \text{ in } B$: sed etiam per constr. & probl. 4. cap. 5. lib. 2. Logist. $A \text{ in } K = C$. item $B \text{ in } L = C$, adeoque $A \text{ in } K = B \text{ in } L$: ergo $A \text{ ad } B = L \text{ ad } K$: sed $A \text{ ad } B = X \text{ ad } Z$: ergo $X \text{ ad } Z = L \text{ ad } K$. atqui per hypot. proportio $X \text{ ad } Z$ est expressa minimis terminis: ergo per propof. 21. Z metitur K: ergo $Z \text{ in } A$ metitur $K \text{ in } A$: sed $Z \text{ in } A = E$: item $K \text{ in } A = C$: ergo E metitur C. Quod erat demonstrandum.

Problema V. Propositio XXXVIII.

Datis tribus numeris inuenire minimum, quem metiuntur.
 Dati sint tres numeri vulgares integri A, B, C.

Oporteat inuenire vulgarem integrum numerum, qui sit minimus omnium numerorum, qui mensurantur à singulis A, B, C.

Solutio. Per propof. 36. inueniatur numerus vulgaris integer P, qui sit minimus omnium, quos metiuntur A & B; quod si etiam numerus C metiatur hunc numerum P: erit P numerus quæsitus: sin autem C non metiatur ipsum P, rursum per præpos. 36. inueniatur Q, qui sit minimus omnium, quos metiuntur C & P: erit in hoc secundo casu Q numerus quæsitus.

Demonstratur primus casus. Per hypot. P est minimus omnium, quos metiuntur A et B: ergo nullus numerus minor P mensuratur ab A, et B, et tamen P mensuratur ab
A & B

A et B : ergo nullus numerus minor P mensuratur à numeris A, B, C, et tamen P mensuratur à numeris A, B, C: ergo numerus P est minimus omnium, quos metiuntur ABC. Quod erat primum:

Constructio pro secundo casu. Sit quivis vulgaris integer X diuersus à numero Q, qui mensuretur à numeris A B C.

Demonstratur secundus casus. Per hypot. Q mensuratur à numeris P et C : item P mensuratur à numeris A et B : ergo per axioma 1. Q mensuratur à singulis numeris A, B, C. Quoniam autem P est minimus omnium, quos metiuntur A et B, et etiam per constr. X mensuratur ab A et B ; per præcedentem P metitur X: sed per constr. etiam C metitur X: ergo X mensuratur à numeris P et C : atqui per hypot. Q est minimus omnium quos metiuntur P et C : ergo per præcedentem Q metitur X: ergo X est maior quam Q: sed per constr. numerus X est quilibet diuersus à numero Q, qui mensuratur à singulis numeris A, B, C, ergo quilibet numerus diuersus a numero Q qui mensuratur a singulis numeris A, B, C est maior numero Q: sed prius ostensum est, numerum Q mensurari à singulis numeris A, B, C: ergo numerus Q est minimus omnium, qui mensurantur à singulis nomeris A, B, C. Quod erat secundum.

Theorema XXXIV. Propositio XXXIX.

Si numerum numerus aliquis metiatur : mensus partem habebit à metiente denominatam.

Sint numeri vulgares integri A, B, C; atque $A = B$ in C.

Dico, $\frac{A}{B} = C$.

Demonstratio patet ex problemate 4. cap. 5. lib. 1. logist.

Theorema XXXV. Propositio XL.

Si numerus partem quamcunque habuerit, eum metietur numerus à parte denominatus.

Sint numeri vulgares integri A, B, C: atque $\frac{A}{B} = C$.

Dico, singulos numeros B et C metiri numerum A.

Demonstratio. Per hypot. $\frac{A}{B} = C$: ergo per probl. 4. cap. 5. lib. 1. Logist. $A = B \text{ in } C$: sed etiam per hypot. singuli numeri B et C sunt vulgares integri, adeoque per axioma 4. singuli C et B metiuntur B in C: ergo singuli C et B metiuntur A. Quod erat demonstrandum.

Problema VI. Propositio XLI.

Numerum inuenire, qui minimus existens datas partes habeat.

Dati sint tres numeri vulgares integri A, B, C.

Oporteat inuenire minimum vulgarem integrum numerum, qui diuidi possit per singulos numeros A, B, C; ita ut productum semper sit vulgaris integer numerus.

Solutio. Per propof. 38. inueniatur minimus vulgaris integer X, qui mensuretur à datis numeris A, B, C: erit X numerus quæsitus.

Demonstratio. Per hypot. Numerus X est minimus omnium quos metiuntur numeri A, B, C: ergo numerus X est minimus omnium, qui diuidi potest per singulos numeros A, B, C, ita ut productum semper sit vulgaris integer numerus. Quod erat demonstrandum.

ÆGIDII FRANCISCI
DE GOTTIGNIES

SOCIETATIS IESV

PROBLEMA STATICVM

Haftenus insolutum, atque totius Stereo-Staticæ
præcipuum fundamentum:

Quare vires crescant per Vectem:

S I V E

Quare in Statera, minoris grauitatis pondus ex vno brachio sus-
pensum, sustineat maioris grauitatis pondus suspensum ex
† opposito brachio, præcisè per hoc, quòd minoris graui-
tatis pondus, iugum trahat per lineam, quæ
magis distet à Stateræ fulcro.

AD ILLVSTRISSIMVM, ET EXCELLENTISSIMVM
PRINCIPEM

D. LIVIVM
ODESCALCVM
CÆRE DVCEM

SANCTISSIMI DOMINI NOSTRI
INNOCENTII XI.
EX FRATRE NEPOTEM.

RECEIVED
FEBRUARY 1865

THE
LIBRARY OF THE
MUSEUM OF NATURAL HISTORY
AND
GEOGRAPHY

OF THE
MUSEUM OF NATURAL HISTORY
AND
GEOGRAPHY

OF THE
MUSEUM OF NATURAL HISTORY
AND
GEOGRAPHY

OF THE
MUSEUM OF NATURAL HISTORY
AND
GEOGRAPHY

OF THE
MUSEUM OF NATURAL HISTORY
AND
GEOGRAPHY

OF THE
MUSEUM OF NATURAL HISTORY
AND
GEOGRAPHY

OF THE
MUSEUM OF NATURAL HISTORY
AND
GEOGRAPHY

OF THE
MUSEUM OF NATURAL HISTORY
AND
GEOGRAPHY



ILL.^{MO} ET EXCELL.^{MO} PRINCIPI

D. LIVIO ODESCALCO

AEGIDIUS FRANCISCUS DE GOTTIGNIES

Societatis IESV

FELICITATEM.



VAM altè, quantisque inuolutum
tenebris, ad hanc diem, Staticæ hoc
de Vecte problema latuerit, vel in-
de fit palam, quòd eius solutio per-
quisita seriò, ac intentè aciem effu-
gere potuerit, & Aristotelis non-
Peripateticorum modò, sed Sapientum omnium
confessione, ingeniorum Phænicis; eiusque item
Lyncei, quem recentium aliquorum desciscens ab
Aristotele Schola tanti æstimat, & commendat. Ma-
gnum porrò ab hac ipsa difficultate incrementum
capit huius problematis cum profunditate præstan-
tia. Quamobrem suspicari meritò aliqui possint
hanc

hanc ipsam, quæ à me profertur, deferturque Tibi, Excellentissime Princeps, eius solutionem non omni usquequaque carituram esse defectu. Atqui hoc ego maximè nomine illam Tibi cognitam prius, ac deinde volui consecratam: ut nimirum, si aliquis in eam error à me inobservatus clanculum irrepserit, tuos certè obrutus effugere ille non posset; quorum peracutam, peraccuratamque vim & in Philosophorum placitis, & in Mathematicorum inuentis sæpè mihi quæstiosa cum voluptate contigit admirari: eadem verò si Tibi probata fuisset, famæ iuxta, veritatisque securus, à nullo deinde metuerem, ne, quæ per tot secula indagata sæpius, semperque irreperita, à me nunc denique de Mathematico Veste mysteria euulgantur, in ijs, quæ redargui meritò possint, cognitor quisquam, censorque iustus inueniat. Hæc mihi de tua dudum cognita, perspectaque Mathematicæ disciplinæ eruditione multiplici confidentia est: quæ tuo coniuncta erga me benevolentissimo semper animo, quàm me Tibi perreuerenti obsequio deuincit arctissimè, tam etiam stimulis vrget, adigitque perpetuis, ut omnem Tibi à bonorum omnium datore Deo faustitatem, votis, precibusque semper enixis efflagitem. Vale.

165

PROBLEMATIS STATICI

Pars prima.

*Expenditur status quaestionis, atque problema
reducitur ad vniuersalitatem quam re-
quirit, ut sit totius Sterco-Statica
fundamentum.*



Eripaticorum princeps Aristoteles, in quaestionibus Mechanicis acturus de difficultate, quam hic enodandam suscepimus, Miraculo inquit sunt ea, quae natura contingunt quorum ignorantur causa. Deinde paucis interiectis, ita prosequitur. Huiusmodi autem sunt ei, in quibus, & minora superant maiora, & quaecumque momentum paruum habentia, magna mouent pondera; & omnia fere illa, quae Mechanica appellamus problemata. Sunt autem haec, neque naturalibus omnino quaestionibus eadem, neque seorsim valde: verum Mathematicarum contemplationum naturaliumque communia. De numero autem eorum, quae in hoc genere dubia sunt, illa esse dicuntur, quae circa Vectem fiunt; absurdum enim esse videtur magnum moueri pondus ab exigua virtute, &c. haecenus Philosophus. Ut paulò intelligibilius fiat effectus, quem Aristoteles inter naturae prodigia atque miracula referendum putat, & cuius causam abstrusam ignorantque pronuntiat: consideretur figura prima, in qua

Figl 1:

gam

166 Pars prima Problematis Statici

gam siue lineam rectam rigidam atque inflexibilem; cuius fulcrum, siue hypomochlium, sit punctum A, circa quod liberrimè circumagi possit. Præterea sint duo pondera X, & Z: atque pondus X vocetur potentia, & pendeat ex iugo EB, per rectam BX, pondus Z appelletur impedimentum; atque dependeat ex iugo EB, per rectam CZ; denique iugum EB constitutum in situ ad horizontem parallelo hæreat immotum: atque adeo potentia X, mediante iugo præcisè sustineat impedimentum Z; siue potentia X cum impedimento Z sit in æquilibrio. Manentibus cæteris omnibus, quæ in proposita hypothefi supponuntur: duplici modo vitari potest æquilibrio inter potentiam X, & impedimentum Z. Primus modus est, si cæteris manentibus præcisè tantum aliquantulum augeatur distantia puncti C, à puncto A; per hoc enim fiet, ut potentia X, quæ prius præcisè sustentabat impedimentum Z: non possit amplius sustentare illud idem impedimentum Z. Secundus modus est, si cæteris manentibus, præcisè tantum aliquantulum immineatur distantia puncti C, à puncto A: per hoc enim fiet, ut potentia X, quæ prius præcisè sustentabat impedimentum Z, non tantum sustentet illud idem impedimentum, sed etiam moueat atque attollat. Duplici hoc modo vitari æquilibrio, constat ex vsitata passim Statera: in qua oculis conspiciamus, atque manifesta experientia discimus: quod paruum, exempli Gratia vnius libræ impedimentum Z, ex vna Stateræ parte dependens: sustineat; vel etiam attollat magnam, Exempli Gratia centum, aut plurium librarum potentiam X; atque hunc effectum sequi præcisè ex eo, quod impedimentum Z sufficienter remotum sit ab hypomochlio

A;

De incremento virium per Vestem . 167

Ad; adeo , vt impedimentum Z , quodammodo ab ipsa maiori distantia ab hypomochlio, mutuetur maiores vires , quibus possit sustinere potentiam , quam non potest sustinere quando habet minorem distantiam ab hypomochlio . Iam verò licet in sensu exposito manifesta experientia certum sit , impedimentum maiores vires acquirere à maiori distantia ab hypomochlio : tamen manifestum non est , quare id fiat : aut quomodo impedimenti maior distantia ab hypomochlio , faciat , siue causet , vt possit sustinere potentiam X : quam imminuta tantummodo hac ipsa distantia ab hypomochlio , sustinere non potest : atque adeo ab ipsa ista distantia quodammodo mutuetur vires . Immo effectus huius causam maximè abstrusam , atque intellectu difficilem pronuntiat Philosophus ; eandem clare proponere , atque intellectu facilem reddere , scopus est , in hac descriptione mihi propositus . Vt tamen vtilior euadat , atque suis numeris absoluta sit ea doctrina , quam intendo proponere : non ad solam Stateram restringenda est difficultas insinuata , sed sub maiori amplitudine , atque vniuersalitate videtur proponenda : vt proponitur in subsequente hypothesis .



Hypo

Hypothesis.

*Pro consideratione diuersorum modorum, quibus vi-
tiatur æquilibrium inter potentiam, & impedi-
mentum, quando mediante Vecte, siue re.*

*Acta, ac rigida linea in aliquo sui
puncto sustentata, contrainui-
cem agunt.*

IN Vecte, siue potius in recta rigida atque inflexibili linea,
notata sint tria puncta A, B, C, quod duplici diuerso mo-
do fieri potest; primò, vt punctum A interpositum sit inter
puncta B & C, vt sit in quarta, vel sexta figura. Secundò
vt punctum A sit vnum ex extremis punctis, atque inter
puncta A & C interpositum sit punctum B, vt videre est in
quinta & septima figura. Hinc duplicem distinguo casum;
primus est, quando, punctum A est interpositum inter pun-
cta C & B, atque adeo ad primum casum spectat quarta et
sexta figura. Secundus casus est, quando punctum B est
interpositum inter puncta C & A, adeoque ad secundum ca-
sum pertinet quinta & septima figura. Vtroque casu punctum
A sit immobile, ità vt circa punctum A liberrimè circumagi
possit rigida recta BC; præterea, vtroque casu potentia X
(hoc est virtus motiua quam placet appellare potentiam)
trahat per rectam CX perpendicularem ad rigidam CB: &
impedimentum Z (hoc est virtus motiua quam placet appel-
lare impedimentum) trahat per rectam BZ perpendicu-
larem

De incremento virium per Vectem . 169

rem ad rectam rigidam B C; verum in primo casu potentia X & impedimentum Z trahant versus eandem partem: atque in secundo casu potentia X & impedimentum Z trahant versus partes directe oppositas; denique utroque casu potentia X sit præcisè in æquilibrio cum impedimento Z.

Considerantur diuersi modi quibus in proposita hypothesis potest vitari æquilibrium inter potentiam X & impedimentum Z, tam in primo quam in secundo casu proposito.

Primus modus est, si cæteris manentibus, sola linea Z B per quam trahit impedimentum, maneat quidem perpendicularis ad rectam C B, sed tamen distantia puncti A à recta Z B per quam agit impedimentum, augeatur: sic enim fiet ut impedimentum Z, quod prius erat in æquilibrio cum potentia X, desinat esse in æquilibrio, atque potentia X non poterit amplius resistere impedimento Z, cui prius adæquatè resistebat.

Secundus modus est, si cæteris manentibus, sola linea Z B per quam trahit impedimentum, maneat quidem perpendicularis ad rectam C B, sed tamen distantia puncti A à recta Z B per quam agit impedimentum, imminuatur: sic enim fiet, ut impedimentum Z quod prius erat in æquilibrio cum potentia X, desinat esse in æquilibrio: atque impedimentum

Y

Z non

Fig. 4
& 6.
vel 5:
& 7.

170 Pars Prima Problematis Statici

Z non poterit amplius resistere potentiaë X, cui prius adæquate resistebat.

Tertius modus est, si cæteris manentibus, sola linea Z B per quam trahit impedimentum desinat esse perpendicularis ad rectam C B: sic enim fiet, vt impedimentum Z, quod prius erat in æquilibrio cum potentia X, desinat esse in æquilibrio: atque impedimentum Z non poterit amplius resistere potentiaë X cui prius adæquatè resistebat.

Ex enumeratis tribus modis, quibus diximus vitari posse æquilibrium inter potentiam X, & impedimentum Z, primus, & secundus consideratur ab Aristotele, sed tantum in primo casu, ad quem propriè spectat Statera quando pro examinandis ponderibus adhibetur, atque supposito, quod lineæ per quas grauant pondera sint inter se parallelæ: quod in aliquo rigore Physico verum est, sed non in rigore Mathematico, quandoquidem certum sit lineas per quas grauant pondera simul concurrere in centro grauium; quam ob rem, vt in omni rigore expendamus difficultatem propositam, & etiam sub ea vniuersalitate, quæ illi conuenit, in quantum est primum fundamentum propemodum machinarum omnium, atque totius Sterio-Staticæ: statuenda nobis fuit hypothesis paulo ante proposita, & duobus prioribus modis, quibus vitatur æquilibrium addendus fuit tertius modus hic indicatus; hi tamen modi quibus in proposita hypothesis diximus æquilibrium vitari, omnes ad vnum reduci possunt: dicendo quod in proposita hypothesis vitietur æquilibrium, si cæteris manentibus varietur distantia puncti A, à linea Z B per quam trahit impedimentum: hæc enim distan-

tia

De incremento virium per Vectem 171

tia in primo ex enarratis tribus modis præcisè tantum auge-
tur, atque in duobus reliquis modis eadem ista distantia præ-
cisè tantum imminuitur: in singulis tamen ex dictis tribus
modis præcisè tantum variatur distantia puncti A, à linea
Z B per quam impedimentum trahit: atque enumerati tres
modi quibus in proposita hypothese æquilibrium vitiat
sunt potius tres diuersi modi variandi distantiam puncti A,
à linea Z B per quam trahit impedimentum, à qua variatio-
ne distantie causatur æquilibrij vitium: quam tres diuersi
modi vitiandi ipsum æquilibrium; etenim in singulis ex præ-
dictis tribus modis, æquilibrij vitium eandem causam habet,
nimirum variationem distantie puncti A, à linea Z B per
quam trahit impedimentum Z. Hæc cum ita sint, difficul-
tas de qua hic agitur tota in eo consistit, vt exponatur, qua-
re, & quomodo in proposita hypothese æquilibrium vitie-
tur, per variationem distantie puncti A, à linea Z B per quam
trahit impedimentum Z.

Habes hic sub maiori aliquantulum vniuersalitate propo-
sitam difficultatem, quam potissimum in Statera proponit
atque considerat Aristoteles, qui eius solutionem non affert:
insinuat tamen latebras ex quibus solutionem eruend-
am arbitratur: etenim post illa quæ paulo ante ex ipso attuli-
mus, ita prosequitur: *omnium tamen huiusmodi cause principium
habet circulus.* Atque vt huius opinionis suæ fundamentum
exponat, sic discurret: *istud vero ratione contingit, ex mirabili
enim mirandum quippiam accidere non est absurdum.* Deinde
post enarratas aliquot circuli proprietates, id ipsum iterato
inculcat. *Quapropter, vt dictum est prius, non est inconuen-*

niens ipsum (nimirum circulum) *miraculorum omnium esse principium*. Verum licet tantopere sibi complacere in eo naturæ effectū, quem in Statera obseruauerat, ut eum inter naturæ arcana, mirabilia, atque miracula referendum esse toties moneat: ac tandem pronuntiet, quod abstrusa effectus huius causa ex circuli proprietatibus eruenda sit: eam tamen ex latebris suis erutam nusquam proponit. Quod Aristoteles non præstitit, post ipsum plurimi conati sunt præstare, atque multum laborarunt, ut supra memorati effectus causam intelligibilem redderent, ac soluerent difficultatem à Philosopho propositam. Ex his authoribus plures sibi satisfacisse non nego, unicuique sua facile videntur pulchra, atque omni defectu carentia; nisi tamen fallor hætenus lucem non vidit propositæ difficultatis solutio, quæ communi suffragio approbari meruerit: statuere an talis sit, quæ mihi in mentem venit, aliorum curæ permitto: si tamen præposterus erga propria affectus me non decipiat, non tantum numeris omnibus absoluta est ea solutio quam propono: verum etiam adeo facilis, ut maxime mirandum sit hætenus latuisse.

Quoniam vero propositam difficultatem soluere, nihil aliud est, quam vnicum, vel saltem præcipuum totius æquilibrij, ac Staticæ fundamentum stabilire: ut in tam utilis quæstionis solutione nihil desit, eam in subsequentes tres partes distinguo. In illa quæ proxime sequitur sine vlla probatione assumo legem aliquam quam in scriptis meis de æquilibrio supposui, atque æquilibrij legem appellavi, ex qua lege deduxi præcipua fere omnia, quæ ad æquilibrium in machinis spectant. Verum in hac secunda parte tantum ostendo, ad

hanc

De incremento virium per Vectem. 173

hanc legem consequi effectus superius enarratos, quorum causa inquiritur. In tertia parte rigoroso discursu, à priori, siue per causam demonstrò, prædictæ legis veritatem: atque adeo in omni rigore soluo propositam difficultatem, in qua nihil aliud petitur, quam causa quare id fiat, quod fieri docet nostra lex æquilibrij. Denique in quarta parte, prætermittis discursibus magis rigorosis, familiari discursu resumo difficultates paulo ante propositas: & independenter ab Arithmetica, vel Geometria, ad singulas respondéo, atque expono causam (ut ita dicam) Physicam, quare cæteris paribus præcisè per maiorem distantiam hypomochlij à linea per quam trahit impedimentum, crescant impimenti vires; siue quare fiat, quod idem impedimentum maiorem potentiam possit sustinere, quando maior est distantia hypomochlij à linea per quam trahit impedimentum, quam quando hæc distantia minor est.



PROBLEMATIS STATICI

Pars Secunda.

*Proponitur atque declaratur nostra lex æquilibrij,
& ostenditur ad hanc legem necessario conse-
quis effectus superius enarratos, quorum
causam exponendum susce-
pimus.*

Æquilibris Lex.

VT potentia cum impedimento sit in æquilibrio, necessario requiritur, & sufficit, ut potentia ad impedimentum habeat eandem proportionem quam habet perpendiculum impedimenti ad perpendiculum potentiæ.

Pro intelligentia terminorum quibus utimur in hac nostra lege æquilibrij, atque adeo pro ipsius legis plena intelligentia, feruire poterunt quæ hic immediatè sequuntur.

Virga rigida, exempli gratia ferrea, dici potest Vectis: quando ità adhibetur, ut vnum eius punctum hæreat immobile: reliquæ verò partes circa punctum immobile circumma-

De incremento virium per Vectem. 175

gi possint, à singulis ex duabus virtutibus loco motiuis, quæ vel trahendo, vel impellendo, vel aliter agendo contra virgam rigidam, quantum est ex se versus partes oppositas circumagunt rigidam virgam, circa punctum immobile. Hinc vsualis Libræ iugum rigidum, ex cuius extremitatibus vtrique pondera dependent, atque in aliqua sui media parte sustentatur; nihil aliud est quam Vectis. Similiter Stateræ iugum, Vectis est: in quantum in vna sui parte sustentatur atque adeo vna eius pars hæret immobilis atque contra duas alias eiusdem iugi partes agunt pondera ex iugo suspensa. Pari modo Vectis dici potest, baculus, cuius duæ extremitates à suppositis baiulorum humeris sustententur, quando ex media aliqua baculi parte dependens pondus sustentatur, vel attollitur, vel lateraliter defertur aut trahitur. Denique ad conceptum siue essentiam Vectis videtur pertinere; primò longitudo: secundò rigiditas: tertio realis, vel æquiualens immobilitas alicuius puncti: denique duarum virtutum sibi inuicem aduersantium contrarieras. Adeo vt, omne, & solum illud ens dici possit Vectis, quod, & longum, & rigidum est, quodque ex duabus virtutibus sibi inuicem aduersantibus, vna nititur circumducere circa punctum eius, quod realiter, vel æquiualenter immobile, altera vero nititur talem circumductionem impedire, vel simpliciter retinendo, vel aliter agendo.

Nota si duo pondera X & Z dependeant ex Libræ, vel Stateræ iugo CB: hæc pondera mediante iugo contra inui- Fig. 1.
cem non agunt, nisi iugum CB retineatur in aliquo sui puncto A: eo ipso verò, quod iugum CB rigidum sit, &
vnum

176 Pars Secunda Problematis Statici

vnum eius punctum A hæreat immobile: iam pondera X & Z contra inuicem exercent virtutem suam; quod non minus accidit quando iugi punctum A omnino quiescit, atque omni motu locali caret, quam quando complexum ex iugo Libræ atque appensis ponderibus X & Z, lateraliter defertur, vel attollitur, aut deprimitur, exempli gratia à manu hoc complexum sustentante. Si in proposito casu iugi C B punctum A ita quiescat, vt nullo modo localiter moueatur, dicitur punctum A esse realiter immobile: idem verò punctum A tunc dicitur esse æquiuvalenter immobile, quando non caret omni motu locali, atque adeo non realiter est immobile, sed tamen non cedit actionibus ponderum X aut Z, atque adeo facit, vt pondera illa contra inuicem virtutem suam exerceant, ac si realiter atque absolute esset immobile: & consequenter in ordine ad actionem, qua pondera X & Z contra inuicem agunt, æquiuvalenter est immobile; ex quibus videtur satis manifestum quid hic intelligendum sit, per realem, vel æquiualentem immobilitatem, à qua dicimus realiter, vel æquiuvalenter immobile esse rigidæ materiæ punctum illud, quod appellamus hypomochlium.

Instrumentum cui conuenit prædictus conceptus Vectis; potest esse practicum, vel speculatiuum: practicum erit, si constet ex materia Physica siue practica, exempli gratia ferro, ære, ligno, &c. erit speculatiuum, si tantum constet ex materia Mathematica, atque speculatiua: exempli gratia ex linea Mathematica, quæ intelligitur rigida, atque inflexibilis; siue tamen Vectis practicus sit, siue speculatiuus, punctum eius, quod intelligitur præcisè tantum retineri siue sustenta-

De incremento virium per Vectem. 177

ri, appellamus hypomochlium, præterea ex duabus virtutibus sibi aduersantibus, quæque nituntur rigidam Vectis materiam versus oppositas partes mouere, vel retinere, vnā appellamus potentiam alteram impedimentum, vt his diuersis appellationibus melius ab inuicem distinguantur. Hypomochlium in Vecte Physico siue practico, est punctum Physicum: verum in Vecte Mathematico siue speculatio, est punctum Mathematicum: similiter in Vecte practico singula puncta contra quæ immediatè agunt potentia, & impedimentum sunt puncta Physica: verum in Vecte speculatio eadem illa duo puncta sunt puncta Mathematica. Inter Vectem practicum, & speculatiuum non alia differentia intercedit, quam quæ inuenitur inter materiam Physicam siue practicam, & materiam Mathematicam siue speculatiuam; prior utilis est pro contemplationibus Physicis, siue vt cognoscantur effectus, qui praxi atque experientia disci possunt, quales sunt superius enarrati effectus quorum causa exponenda est: vel etiam vt hæc causa inquiratur, vel exponatur in aliquo rigore Physico; posterior necessaria est pro contemplationibus magis rigorosis, atque Mathematicis; vtque intelligatur vniuersaliter, & in rigore Mathematico verum esse, & quare verum sit, quod in casibus particularibus, atque in aliquo rigore Physico verum esse docet experientia: Quandoquidem igitur vniuersaliter atque in omni rigore Mathematico stabilienda sit proposita lex æquilibrij: & ostendendum sit dictam legem veram esse, & quare vera sit, in tali rigore & vniuersalitate: non practicum sed speculatiuum Vectem consideramus, hoc est lineam rigidam habentem hypomochlium, contra quam lineam agant sibi inui-

178 Pars secunda Problematis Statici

cem aduersantes virtutes, potentia & impedimentum: ita ut illæ virtutes quarum vna potentia altera impedimentum appellatur, aut trahendo, aut impellendo, aut simpliciter retinendo, aut alio quouis modo agant: tamen singulæ non agant nisi per vnā lineam Mathematicam: atque adeo singulæ immediatè non agant nisi contra vnicū punctum rigidæ lineæ hypomochlium habentis; quoniam vero virtus, quantum est ex se inducens aut impediens localem puncti motum per aliquam lineam, non agit immediatè contra tale punctum nisi per rectam lineam, per quam quantum est ex se mouet, vel ab alia virtute tractum retinet tale punctum; patet rectam esse lineam per quam immediatè contra vnum rigidæ lineæ punctum agit potentia: & similiter rectam esse lineam, per quam immediatè contra vnum eiusdem rigidæ lineæ punctum agit impedimentum. Iam vero linea recta per quam potentia immediatè agit contra punctum rigidæ lineæ habentis hypomochlium, est illa, quam dicimus lineam per quam agit potentia; & similiter lineam per quam agit impedimentum, appellamus illam rectam lineam, per quam impedimentum immediatè agit contra punctum rigidæ habentis hypomochlium. Præterea perpendicularum potentiæ dicimus distantiam hypomochlij a linea per quam agit potentia; & pari modo perpendicularum impedimenti appellamus distantiam hypomochlij à linea per quam agit impedimētum. Denique potentiam cum impedimento dicimus esse in æquilibrio, quando duæ illæ virtutes adæquatè sibi inuicem resistendo, efficiunt, ut ad nullam consequatur motus localis, quem caufaret non impedita ab altera virtute.

Ex his nisi fallor habetur sufficiens expositio terminorum quibus

De incremento virium per Vectem. 179

quibus utimur in proponenda nostra lege æquilibrij, atque adeo quidquid requiri potest ad intelligentiam huius legis; reliquum est, ut ostendamus ad prædictam æquilibrij legem necessariò sequi effectus in præcedenti parte enarratos: etenim in hac parte non stabilimus, sed supponimus propositæ legis veritatem: quoties vero sermo est de Vecte speculativo, eandem legem in omni rigore Mathematico veram esse, & quare vera sit, proponimus in tertia parte: in qua, si sufficienter euincimus intentum, etiam ex ipsa differentia quæ inter Vectem speculativum, & practicum intercedit; satis manifestum videtur, agendo de Vecte practico ac Physico, eandem legem in rigore Physico veram esse, & quare vera sit, saltem apud eos, qui Matheseos ignari non sunt; quamobrem in quarta parte sermonem conuertimus ad eos, qui Mathesim ignorant: & neglectis proportionibus alijsque omnibus, quæ speculativam Mathesim redolent, exponimus causam Physicam, quare, & quomodo cæteris paribus, maior distantia hypomochlij à linea per quam agit impedimentum, causet quodammodo incrementum virium in ipso impedimento: adeo, ut possit sustinere, vel superare potentiam, à qua prius superabatur.

Propositio.

IN Vecte recto CB , siue speculativo siue practico, hypomochlium sit A , atque potentia X contra Vectem agat per rectam XC , perpendicularem ad CB : similiter contra eundem Vectem agat impedimentum Z , per rectam ZB perpendicularem ad Vectem CB : præterea potentia X cum im-

Fig. 4.
5.6. vel
7.

Z 2

pedi-

180 Pars Secunda Problematis Statici

pedimento Z sit in æquilibrio, siue hypomochlium A sit inter puncta C & B vt in figura 4. & 6. siue ad eiusdem hypomochlij partem sint puncta C & B, contra, quæ immediatè agunt potentia, & impedimentum, vt in figura 5. & 7.

Dico primò, quod vitiabitur æquilibrio, atque potentia X non poterit amplius sustinere impedimentum Z: si cæteris manentibus augeatur interuallum A B.

Dico secundò, quod vitiabitur æquilibrio, atque impedimentum Z non poterit amplius sustinere potentiam X: si cæteris manentibus imminuatur interuallum A B.

Dico tertio, quod vitiabitur æquilibrio, atque impedimentum Z non poterit amplius sustinere potentiam X: si cæteris manentibus, linea Z B per quam agit impedimentum Z desinat esse perpendicularis ad rectam C B.

Probatur prima pars. Ex hypothesi patet, perpendicularum potentiaë X, esse interuallum A C: & perpendicularum impedimenti Z esse interuallum A B: sed etiam per hypothesin antequam augeretur interuallum A B, potentia X erat in æquilibrio cum impedimento Z: ergo per legem æquilibrij antequam augeretur interuallum A B, potentia X ad impedimentum Z, habebat eandem proportionem, quam interuallum A B habebat ad interuallum A C: atqui cæteris manentibus, atque aucto tantum interuallo A B, manifestum est, hoc auctum atque adeo maius interuallum A B, ad interuallum A C habere maiorem rationem, quam non auctum atque minus interuallum A B, habeat ad idem interuallum A C: ergo etiam cæteris manentibus atque aucto tantum interuallo A B, manifestum est, hoc maius atque auctum interuallum A B ad interuallum A C, habere maio-

De incremento virium per Vectem. 181

maiores rationem, quam potentia X habeat ad impedimentum Z : ergo cæteris manentibus atque aucto tantum interuallo AB , etiam potentia X ad impedimentum Z habebit minorem rationem, quam habeat impedimenti Z perpendiculum, hoc est interuallum auctum AB , ad potentiam X perpendiculum AC : ergo aucto interuallo AB potentia X deberet augeri, ut potentia X ad impedimentum Z haberet eandem proportionem, quam habet perpendiculum impedimenti Z ad perpendiculum potentiam X : ergo etiam aucto interuallo AB , per æquilibrij legem patet, quod potentia X deberet augeri, ut potentia X posset sustinere in æquilibrio impedimentum Z ; igitur in proposita hypothesi vitabitur æquilibrio, atque potentia X non poterit amplius sustinere impedimentum Z : si cæteris manentibus augeatur interuallum AB . Ut dicitur in prima assertione.

Reliquæ due partes propositæ propositionis, planè simili discursu inferuntur; malui tamen istarum partium probationes propemodum superfluas hic addere, quam permittere ut ab aliquo desiderentur.

Probatur secunda pars. Ex hypothesi patet perpendiculum potentiam X esse interuallum AC , & perpendiculum impedimenti Z esse interuallum AB : sed etiam antequam Fig. 4.
vel 5. imminueretur interuallum AB , potentia X erat in æquilibrio cum impedimento Z : ergo per legem æquilibrij, antequam imminueretur interuallum AB , potentia X ad impedimentum Z habebat eandem proportionem quam interuallum AB habebat ad interuallum AC : atqui cæteris manentibus, atque imminuto tantum interuallo AB , patet hoc imminutum atque adeo minus interuallum AB , ad inter-

182 Pars secunda Problematis Statici

interuallum AC habere minorem rationem, quam non imminutum atque maius interuallum AB , habeat ad interuallum AC : ergo cæteris manentibus atque imminuto tantum interuallo AB , patet hoc minus atque imminutum interuallum AB , ad interuallum AC habere minorem rationem, quam potentia X habeat ad impedimentum Z : ergo cæteris manentibus atque imminuto tantum interuallo AB , potentia X ad impedimentum Z habebit maiorem rationem, quam habeat impedimenti Z perpendicularum, hoc est interuallum imminutum AB , ad potentia X perpendicularum AC : ergo imminuto interuallo AB impedimentum Z deberet augeri, vt potentia X ad impedimentum Z haberet eandem proportionem, quam habet perpendicularum impedimenti Z ad perpendicularum potentia X : ergo etiam imminuto interuallo AB , per æquilibrij legem patet, quod impedimentum Z deberet augeri, vt impedimentum Z sustineret in æquilibrio potentiam X : igitur in proposita hypothesi vitabitur æquilibrium, atque impedimentum Z non poterit amplius sustinere potentiam X : si cæteris manentibus imminuatur interuallum AB . Vt dicitur in secunda parte.

Fig. 6. Probatur tertia pars. Antequam recta ZB desinat esse
vel 7. perpendicularis ad rectam CB , ex ipsa hypothesi patet perpendicularum potentia X , esse rectam AC : & perpendicularum impedimenti Z esse rectam AB : sed etiam per hypothesein, antequam recta ZB desineret esse perpendicularis ad rectam CB , potentia X erat in æquilibrio cum impedimento Z : ergo per legem æquilibrij, antequam recta ZB desineret esse perpendicularis ad rectam CB , potentia X ad impedimentum Z habebat eandem proportionem quam recta AB ha-

bet

De incremento virium per Vectem. 183

bet ad rectam AC : atque cæteris manentibus, postquam recta ZB desijt esse perpendicularis ad rectam CB satis patet perpendiculum impimenti Z esse imminutum adeoque perpendiculum impimenti esse lineam minorem recta AB , licet potentia X , perpendiculum AC idem perseveret: quoniam igitur linea minor quam AB , ad eandem AC , habet minorem proportionem: quam recta AB habeat ad rectam AC : etiam cæteris manentibus, postquam recta ZB desijt esse perpendicularis ad rectam CB , potentia X ad impedimentum Z habebit maiorem rationem, quam perpendiculum impimenti Z , habeat ad potentia X , perpendiculum AC : ergo cæteris manentibus, postquam recta ZB desijt esse perpendicularis ad rectam CB : impedimentum Z deberet augeri, vt potentia X ad impedimentum Z haberet eandem proportionem quam perpendiculum, impimenti Z habet ad perpendiculum potentia X : ergo etiam cæteris manentibus, postquam recta ZB desijt esse perpendicularis ad rectam CB , per æquilibrij legem, impedimentum Z deberet augeri, vt potentia X cum impedimento Z esset in æquilibrio: igitur in proposita hypothesi vitiabitur æquilibrium, atque impedimentum Z non poterit amplius sustinere potentiam X : quando cæteris manentibus, recta ZB definit esse perpendicularis ad rectam CB . Vt asseritur in tertia parte.

Plura non videntur requiri, immo plura quam requirebantur proposuimus, vt constet verissimum esse, quod exposita æquilibrij lege, probandum supererat in hac parte: nimirum ad ipsam æquilibrij legem nostram necessario consequi singulos effectus in Statera obseruatos, atque annota-

184 Pars Secunda Problematis Statici

tos in præcedenti parte, quorum effectuum causa inquiritur in proposito problemate, quamobrem, si, in omni rigore Mathematico demonstramus veritatem propositæ legis; negari non poterit in hoc eodem rigore à nobis demonstratos esse effectus omnes, quos iam ostendimus necessariò connexos esse cum propositæ legis veritate: igitur ad rigorosam propositi problematis solutionem, illud tantum desideratur, quod præstamus in proximè sequenti parte; in qua licebit observare specimen aliquod Methodi insinuat in idea nostræ Logisticæ, ut à pura Mathesi transeat ad Mathesim mixtam.

PROBLEMATIS STATICI

Pars Tertia.

In qua rigorosis discursibus demonstratur veritas legis æquilibrii, quæ assumitur in secunda parte; & ad quam legem ibidem ostensum est necessariò consequi effectus, quorum causa petitur in proposito problemate.

NOta primò. Virtus motiua (hoc est virtus capax causare localem motum) quantum est ex se, semper agit per rectam lineam. Vbi non negatur, quod exempli gratia pondus X trahens Stateræ iugum, siue Vectem CB: non possit in Vecte illo causare motum circularem circa hypo-

De incremento virium per Vectem. 185

hypomochlium A; sed negatur talem circulem motum causari posse præcisè à virtute siue pondere X: quod pondus non grauitat nisi per rectam lineam, & quantum est ex se non trahit punctum B ex quo suspenditur, nisi per rectam lineam; hæc tamen tractio puncti B per rectam lineam, causat in Vecte B C, motum circulem, in quantum Vectis B C punctum A aliunde retinetur: adeo vt virtus X quantum est ex se, tantum trahat punctum B per rectam lineam; quod verò hæc tractio concurrens cum retentione atque immobilitate puncti A positi in eodem Vecte in quo est punctum B, causet in puncto B motum circulem circa punctum A, non impedit, quod virtus X quantum est ex se tantum per rectam lineam trahat punctum B. Similiter in alijs casibus in quibus aliqua virtus motiua, vel trahendo, vel impellendo, vel aliter agit contra aliquod punctum B, virtus illa motiua quantum est ex se præcisè, tantum trahit, vel impellit punctum B per lineam rectam.

Nota secundò. Ex ijs quæ in prima nota dicta sunt, habetur fundamentum repræsentandi per rectas lineas ipsas virtutes motiuas secundum se consideratas, atque applicandi iisdem virtutibus motiuis proprietates rectarum linearum; & primo patet quomodo per diuersas lineas rectas commode proponi, atque exponi possit proportio, quæ inuenitur inter diuersas virtutes motiuas secundum se consideratas. Secundo sicut vna, immo eadem recta linea intelligi potest extendi in longum tantum: vel in latum tantum: vel obliquè, hoc est partim in longum partim in latum, pro vt fit respectus ad diuersos terminos longitudinis aut latitudinis: ita etiam vna, immo eadem virtus motiua, potest considerari

186 Pars Tertia Problematis Statici

agere, vel in longum tantum: vel in latum tantum: vel obliquè hoc est partim in longum partim in latum: pro ut fit respectus ad diuersos terminos longitudinis atque latitudinis. Exempli gratia fit rectangulum CE , habens diametrum DF : atque recta CB perpendiculariter occurrat diametro DF in puncto A . Recta DF , excurrat in longum tantum: si pro termino longitudinis assumatur recta CB aut alia linea rectæ CB parallela. Eadem linea DF , excurrat tantum in latum: si pro termino latitudinis assumatur recta CB , vel alia recta ipsi CB parallela. Similiter eadem linea DF excurrat obliquè, hoc est partim in longum partim in latum: si pro termino longitudinis assumatur recta CD , aut alia linea rectæ CD parallela; quo posito terminus latitudinis erit recta DE , aut alia linea rectæ DE parallela: semper enim terminum longitudinis ad terminum latitudinis perpendicularem esse patet ex conceptu talium terminorum. Quoniam verò virtus agens tantum in longum, nihil aliud est, quam virtus motiua, quæ quantum est ex se non agit nisi per lineam rectam præcisè in longum excurrentem: & pari modo virtus agens tantum in latum appellatur, quæ quantum est ex se agit præcisè per lineam rectam, tantum in latum excurrentem: ac denique virtus obliqua, siue partim in longum partim in latum agens, appellatur, quæ quantum est ex se agit per rectam lineam partim in longum partim in latum, atque adeo obliquè excurrentem; manifestum est quod virtus motiua agens per rectam DF , dici possit, vel virtus agens in longum tantum, vel virtus agens in latum tantum, vel virtus obliqua siue partim in longum partim in latum agens, pro ut fit respectus

De incremento virium per Vectem : 187

ctus ad diuerfos terminos longitudinis atque latitudinis.

Nota tertio. Quando virtus motiua exprimitur per aliquam rectam lineam, Exempli Gratia quando dicitur virtus DF , vel virtus DC , vel virtus DE &c. significantur virtutes quæ secundum se consideratæ tantum agunt per rectas per quas repræsentantur, ac præterea inter se habent eandem proportionem quam habent rectæ lineæ per quas repræsentantur: sic vt virtus X bene repræsentetur per rectam lineam DF , & insuper virtus Z bene repræsentetur per rectam lineam DC , præcisè requiritur & sufficit, primò vt virtus X agat per lineam DF , & virtus Z agat per lineam DC : secundò vt virtus X ad virtutem Z habeat eandem proportionem, quam linea DF habet ad lineam DC ; tunc vero intelligimus virtutem X ad virtutem Z habere eandem proportionem quam recta DF habet ad rectam DC , quando quantitas quæ est mensura virtutis X ad quantitatem quæ est mensura virtutis Z habet eandem proportionem, quam habet recta DF ad rectam DC : Ex. Gr. si corpus quod præcisè sustentare potest virtus X ad homogeneum corpus quod præcisè sustentare potest virtus Z , habeat eandem proportionem quam linea DF habet ad lineam DC ; quod hic breuiter monendum putavi, quandoquidem enim apud nos proportio quantitas sit, virtus X ad virtutem Z non potest dici aut intelligi habere proportionem, nisi in quantum de mensurato affirmatur illud quod propriè conuenit mensuræ, vt moneo in ideæ meæ Logisticæ parte prima & secunda. Hoc monitum poterunt negligere, & quod in illo dicitur inter superflua scrupula referre: qui meliori quam ego di-

I 88 Pars tertia Problematis Statici

glutiendi facultate præditi sunt : quique potius dicendi sunt Mathematicas veritates capaciori vt ità dicam gustare diglutiendo absumere quam perspicaci mente intelligendo assequi; quales mihi videntur qui tam præclarè intelligunt eam quantitatem de qua agit Mathesis, vt huiusmodi quantitativis annumerent virtutem motiuam, tempus, velocitatem &c. Vel certe qui sine ipsa proportionis definitione, sufficienter assequuntur, ad Mathesim spectantem proportionum doctrinam; pro huiusmodi vt ità dicam, helluonibus plane inutile, atque superfluum est monitum, postremo loco hic paucis propositum atque necessarium pro ijs qui in Mathematicis methodum nostram adhibent.

Nota quarto. Si duæ virtutes inter se æquales, impellant vel trahant idem punctum A, versus partes directè oppositas inter se : punctum A necessario manebit immotum, siue subsistet in eodem loco, neque ad vllam ex his partibus inter se oppositis deferetur, quantum est ex vi duarum istarum virtutum sibi inuicem aduersantium. Similiter si punctum A maneat immotum sic vt non moueatur ex vi vllius ex duabus virtutibus versus partes directè oppositas impellentibus punctum A: duæ illæ virtutes erunt æquales inter se. Hæc assertio sufficienter manifesta ex ipsis terminis, probatione non indiget: fortassis tamen non erit superfluum, eam paucis in exemplo declarare. Sit igitur punctum A quantum est ex se planè indifferens ad motum vel quietem, atque duæ virtutes X & Z toto conatu agendo contra punctum A, nitantur illud trahere versus partes inter se directè oppositas, sic vt vna virtus X nitatur trahere punctum A præcisè versus meridiem, & virtus Z nitatur trahere idem punctum A præcisè versus septem-

De incremento virium per Vectem. 189

temtrionem : hoc posito asseritur primò quod si virtutes X & Z sint æquales inter se, punctum A neque accessurum ad meridiem neque ad septemtrionem : asseritur secundò quod si in eodem casu punctum A neque ad meridiem neque ad septemtrionem accedat, legitimè inferri posse virtutes X et Z inter se æquales esse.

Propositio I.

Qualescunque eiusdem generis quantitates sint A, B, C, D, E, F, ità tamen vt ratio A ad B, æquetur rationi C ad D : et præterea ratio A ad E, æquetur rationi C ad F.

Dico rationem B ad E æquari rationi D ad F.

Demonstratio. Per hypothèsim, A ad B = C ad D, et præterea A ad E = C ad F : ergo permutando, A ad C = B ad D, et insuper A ad C = E ad F : ergo B ad D = E ad F : igitur permutando, B ad E = D ad F. Quod erat demonstrandum.

Propositio II.

Rectæ lineæ CA, AB, AF, AD, sint qualescunque : ita tamen, vt ratio AB ad AD æquetur rationi AF ad P ; & præterea ratio CA ad AF æquetur rationi AD ad R.

Fig. 8.

Dico rationem R ad P æquari rationi AB ad CA.

Demonstratio. Per hypothèsim, AB ad AD = AF ad P : & præterea, CA ad AF = AD ad R : ergo per axioma

190 Pars tertia Problematis Statici

ma tertium partis 4. idæ, $AB \text{ in } P = AD \text{ in } AF$, & præ-
 terea $CA \text{ in } R = AD \text{ in } AF$: ergo $AB \text{ in } P = CA \text{ in } R$:
 ergo per axioma tertium partis 4. idæ, $R \text{ ad } P = AB \text{ ad } CA$.
 Quod erat demonstrandum.

Propositio III.

Fig. 1. **S**it rectangulum CE , cuius diameter DF sit perpendi-
 cularis ad rectas CA , & EK : atque recta CA produ-
 cta occurrat lateri DE in puncto B .

Dico primò, rationem $BC \text{ ad } AC$ æquari rationi $DF \text{ ad } KD$.

Dico secundò, rationem $BC \text{ ad } AB$ æquari rationi $FD \text{ ad } DA$.

Demonstratur prima pars. Per hypothesim figura CE
 est rectangulum, adeoque lineæ rectæ CF & DE sunt paral-
 lelæ: ergo per theor. 11. partis 3. idæ, $BA \text{ ad } AC = DA \text{ ad } AF$:
 ergo componendo, $BC \text{ ad } AC = DF \text{ ad } AF$: sed
 $KD = AF$ (quandoquidem ex conceptu ductus primi, ex
 quo rectangulum oritur, constet lineas CF & DE esse æqua-
 les atque parallelas inter se, adeoque per theor. 4. partis 3.
 idæ, angulus $CFA =$ angulo EDK , & insuper rectus an-
 gulus $CAF =$ recto angulo EKD : & consequenter per
 theor. 5. partis 3. idæ, triangula CAF & EKD similia sint
 atque latera CF & DE habeant æqualia) igitur $BC \text{ ad } AC$
 $= DF \text{ ad } KD$. Ut dicitur in prima parte.

Demonstratur secunda pars. Per hypothesim figura CE
 est rectangulum, adeoque lineæ rectæ CF & DE sunt pa-
 rallelæ: ergo per theor. 11. partis 3. idæ, $CA \text{ ad } AB = FA$
ad

De incremento virium per Vectem. 191
ad A D : ergo componendo, C B *ad* A B = F D *ad* A D.
Vt asseritur in secunda parte.

Corollarium.

Hinc etiam patet, quod D A = F K : & præterea quod
D K = F A ; vt ostensum est in ipsa demonstra-
tione.

Propositio IV.

Rectangulum D E , habeat diametrum D F : atque re- Fig. 2.
cta D F, D C, D E, singulæ repræsentent virtutem
moriuam.

Dico primo, duas virtutes D C & D E, esse obliquas : si
virtus D F est directa.

Dico secundò, virtutem D F esse obliquam : si duæ virtu-
tes D C & D E sint directæ.

Demonstratur prima pars. Per hypothesim rectæ C D &
C E sunt obliquæ ad rectam D F : ergo etiam rectæ C D &
D E, sunt obliquæ, ad quamlibet rectam quæ est perpendi-
cularis vel parallela ad rectam D F : sed terminus ad quem fit
respectus, quando virtus D F dicitur directa, necessariò est
perpendicularis vel parallelus ad rectam D F : ergo etiam re-
ctæ D C & D E sunt obliquæ, respectu facto ad eundem ter-
minum : ergo etiam virtutes D C & D E erunt obliquæ res-
pectu facto ad eundem terminum : ergo virtutes D C & D E
erunt obliquæ, si virtus D F est directa.

Demonstratur secunda pars. Per hypothesim patet, re-
ctam

192 Pars Tertia Problematis Statici

Etiam DF esse obliquam ad rectas DC & DE : ergo etiam recta DF est obliqua, ad quaslibet rectas perpendiculares aut parallelas rectæ DC vel DE : sed termini ad quos fit respectus quando virtutes DC & DE sunt directæ, necessariò sunt paralleli aut perpendiculares rectis DC & DE : ergo recta DF est obliqua, ad terminos, ad quos fit respectus, quando virtutes DC & DE dicuntur directæ : ergo virtus DF etiam est obliqua respectu facto ad eosdem istos terminos: ergo virtus DF est obliqua, si duæ virtutes DC et DE sint directæ. Quod erat propositum.

Propositio V.

Rectangulum CE habeat diametrum DF , ad quam perpendiculares sint rectæ EK , et CA , præterea singulæ lineæ DK , DA , DC , DE , repræsentent singulas virtutes motiuas, ex quibus DK directa sit, atque in latum.

Dico primo, virtutem DE obliquam esse; atque obliquæ virtutis DE actionem in latum, æquari directæ virtuti DK .

Dico secundo, virtutem DC obliquam esse, atque obliquæ virtutis DC actionem in latum, æquari directæ virtuti DA .

Demonstratur prima pars: Per hypothesim virtus DK est directa, atque in latum : ergo terminus latitudinis est perpendicularis ad rectam DF , atque adeo parallelus rectæ KE : ergo puncta K & E , æqualiter distant à termino latitudinis: ergo virtus DE , mouens tempore X , mobile Z , ex D vsque in E : et virtus DK , eodem tempore X , mouens idem mobile Z , ex D vsque in K : eodem tempore æqualiter remo-

De incremento virium per Vectem. 193

remouent idem mobile à termino latitudinis; ergo virtutes DK & DE æqualiter mouent in latum: sed quoniam per hypothesim virtus DK , adeoque virtus DF est directa, per prop. 4. virtus DE est obliqua; ergo virtus DE est obliqua, atque obliquæ virtutis DE actio in latum, æquatur directæ virtuti DK . Vt dicitur in prima parte.

Demonstratur secunda pars. Per hypothesim virtus DK est directa atque in latum: ergo terminus latitudinis, est perpendicularis ad rectam DF , atque adeo parallelus rectæ CA : ergo puncta C & A æqualiter distant a termino latitudinis: ergo virtus DC , mouens tempore X , mobile Z , ex D vsque in C : & virtus DA , eodem tempore X , mouens idem mobile Z , ex D vsque in A : eodem, siue æquali tempore, æqualiter remouent idem mobile à termino latitudinis: ergo virtutes DA & DC , æqualiter mouent in latum: sed quoniam per hypothesim virtus DA , atque adeo virtus DF , est directa: per prop. 4. virtus DC est obliqua: ergo virtus DC est obliqua, atque obliquæ virtutis DC , actio in latum, æquatur directæ virtuti DA . Vt asseritur in secunda parte.

Corollarium.

Hinc etiam patet, actionem in latum obliquæ virtutis DE , æquari directæ actioni virtutis FA : & præterea actionem in latum, obliquæ virtutis DC , æquari directæ actioni virtutis EK . Etenim per hypothesim, eiusdem rectæ DF , partes sunt FA , DK , EK , DA : & præterea per coroll. prop. 3. etiam $FA = DK$, item $EK = DA$: igitur virtus FA directa est, & æqualis directæ virtuti DK , item virtus

Bb

EK

194 Pars Tertia Problematis Statici

FK directa est & æqualis directæ virtuti DA; cum igitur ostensum sit actionem in latum obliquæ virtutis DE, æquari directæ actioni virtutis DK: etiam actio in latum obliquæ virtutis DE, æquatur directæ actioni virtutis FA; et similiter quia ostensum est actionem in latum obliquæ virtutis DC, æquari directæ virtuti DA: etiam actio in latum obliquæ virtutis DC, æquatur directæ virtuti FK. Quod erat demonstrandum.

Propositio VI.

Fig. 2 **R**ectangulum CE, habeat diametrum DF: ad quam sint perpendiculares rectæ EK et CA: præterea singulæ lineæ DF, DA, DC, DE, repræsentent singulas virtutes motiuas, ex quibus DF directa, sit atque in latum.

Dico quod virtus directa DF solâ, tantum præcisè agit in latum: quantum simul, sed in latum, agunt duæ virtutes obliquæ DE et DC.

Demonstratio. Per prop. 5. obliqua virtus DE, tantum præcisè agit in latum, quantum in latum agit directa virtus DK: sed per prop. 5. & coroll. etiam obliqua virtus DC, tantum præcisè in latum agit, quantum in latum agit directa virtus KF: ergo duæ virtutes directæ DK et KF simul sumptæ, hoc est tota virtus directa DF, tantum præcisè in latum agit, quantum in latum agunt duæ virtutes obliquæ DE et DC simul sumptæ. Quod erat demonstrandum.

Propositio VII.

Sit recta rigida CB, cuius pars CA ad partem AB habeat quamcunque rationem. Præterea quælibet virtus X agit immediatè contra punctum A per lineam perpendicularem ad rectam CB: sitque actio virtutis X directa in latum. Fig. 2.

Dico Actionem qua virtus X immediatè atque in latum agit contra punctum A, ad actionem qua virtus X mediatè atque in latum agit contra punctum B, habere proportionem quam BC habet ad AC. Præterea actionem qua virtus X immediatè atque in latum agit contra punctum A, ad virtutem qua virtus X mediatè atque in latum agit contra punctum C, habere proportionem quam recta BC habet ad rectam BA.

Constructio. Diametro CB descriptus sit semicirculus, cui in D occurrat recta AD, perpendicularis ad rectam CB: sintque ductæ rectæ CD et DB. Præterea ducta sit recta CF parallela rectæ DB, quæ rectæ DA productæ occurrat in F: recta vero FE parallela rectæ CD, occurrat in E rectæ DB productæ: sitque recta EK perpendicularis ad rectam DF. Denique recta DF repræsentet virtutem X.

Demonstratio. Quoniam per hypothesein actio qua virtus DF immediatè agit in punctum A, est actio directa atque in latum, per constructionem atque propositionem sextam sola virtus DF tantum præcisè agit in latum, quantum simul sed in latum agunt duæ virtutes obliquæ DE & DC: atqui per notam 3. virtutes æqualiter in la-

196 Pars Tertia Problematis Statici

tum agentes contra rectam rigidam BC , æqualiter illam impellunt in latum: ergo rigida recta BC æqualiter impellitur in latum, siue contra illam agat sola virtus directa DF , siue contra illam agant duæ virtutes obliquæ DE et DC : sed per constructionem directa virtus DF , immediatè agit in punctum A , & obliqua virtus DE immediatè agit in punctum B , ac denique obliqua virtus DC immediatè agit in punctum C ; ergo in ordine ad motum in latum rigida CB , tantum præcisè valet virtus directa DF immediatè agens in punctum A , quantum simul valent duæ virtutes obliquæ DE & DC , quarum prior DE immediatè agit in punctum B , atque posterior DC immediatè agit in punctum C : atqui per construct. & coroll. prop. 5. actioni in latum obliquæ virtutis DE , æquatur actio directa virtutis AF : et actioni in latum obliquæ virtutis DC , æquatur actio directa virtutis DA : ergo virtus directa DF immediatè agens in punctum A , mediatè atque in latum tantum præcisè agit in puncta B et C , quantum immediatè atque in latum in eadem illa puncta B & C , agerent simul duæ virtutes directe AF & DA , quando prior ageret in punctum B , posterior ageret in punctum C : ergo virtus directa DF immediatè atque in latum agens in punctum A , ad virtutem qua mediatè atque in latum agit in punctum B , est vt DF ad AF ; item virtus directa DF immediatè atque in latum agens in punctum A , ad virtutem qua mediatè atq; in latum agit in punctum C , est vt DF ad DA : sed per pro. 3. eiusq; coroll. DF ad $AF = BC$ ad AC : item DF ad $DA = BC$ ad BA : ergo virtus directa DF , hoc est per constructionem virtus X , immediatè atque in latum agens in punctum A , ad virtutem qua mediatè atque in latum

De incremento virium per Vectem. 197.

latum agit in punctum B, est vt BC ad AC ; item virtus X immediatè atque in latum agens in punctum A ad virtutem qua mediatè atque in latum agit in punctum C, est vt BC ad BA . Quod erat demonstrandum.

Propositio VIII.

Sit recta rigida CB, cuius pars CA ad partem AB, habeat quaecunque rationem. Præterea quælibet virtus X, agat immediatè contra punctum A, per lineam perpendicularem ad rectam CB: sitque actio virtutis X directæ in latum. Fig. 2.

Dico actionem, qua virtus X mediatè atque in latum agit contra punctum B, ad actionem qua eadem virtus X mediatè atque in latum agit contra punctum C, habere proportionem quam recta AC habet ad rectam AB.

Demonstratio. Per prop. 7. actio qua virtus X immediatè atque in latum agit in punctum A, ad actionem qua mediatè atque in latum agit in punctum B, est vt BC ad AC ; sed per eandem propositionem, etiam actio qua virtus X immediatè atque in latum agit in punctum A, ad actionem qua mediatè atque in latum agit in punctum C, est vt BC ad BA ; ergo per prop. 1. actio qua virtus X immediatè atque in latum agens in punctum A, mediatè atque in latum agit in punctum B, ad actionem qua mediatè atque in latum agit in punctum C, est vt CA ad AB . Quod erat demonstrandum.

Propositio IX.

Fig. 3. **S**It recta rigida CB cuius partes CA & AB habeant quamcunque proportionem, præterea virtus R ad virtutem Z habeat rationem quam BC habet ad CA: item virtus R ad virtutem X habeat rationem quam BC habet ad AB: sintque rectæ XC, RA, ZB perpendiculares ad rectam rigidam CB. Denique singulæ virtutes X, R, Z, agant immediatè per lineas ad rectam rigidam CB perpendiculares in quibus existunt.

Dico puncta C & B æqualiter in latum trahi, siue sola virtus R agat immediatè in punctum A per rectam RA, siue duæ virtutes X & Z simul immediatè agant in puncta C & B, per lineas XC & ZB:

Demonstratio. Per hypothesim virtus R immediatè agens in punctum A, per lineam RA, est virtus directa in latum: ergo per prop. 7. virtus R immediatè atque in latum agens in punctum A, ad virtutem qua mediatè atque in latum agit in punctum B, est vt CB ad CA: sed per hypothesim virtus R ad virtutem Z, est vt CB ad CA, & tota virtus Z immediatè atque in latum agit contra punctum B: ergo virtus R immediatè atque in latum agens in punctum A, tantum mediatè atque in latum agit contra punctum B, quantum contra idem punctum B immediatè atque in latum agit virtus Z: ergo punctum B tantum præcise in latum trahitur à virtute R quæ immediatè agit contra punctum A, quantum in latum trahitur à virtute Z quæ immediatè agit contra punctum B: sed simili prorsus argumento etiam patet, quod punctum

punctum C, tantum præcisè in latum trahatur à virtute R, quæ immediatè agit contra punctum A, quantum in latum trahitur à virtute X quæ immediatè agit contra punctum C: ergo puncta B & C æqualiter in latum trahuntur, siue sola virtus R immediatè agat in punctum A per rectam R A, siue duæ virtutes X & Z simul, immediatè agant in puncta C & B per lineas X C & Z B. Quod erat demonstrandum.

Propositio X.

SIt recta rigida A B cuius partes C A & A B habeant quamcunque proportionem: sintque rectæ X C, R A, Z B, perpendiculares ad rectam rigidam C B: atque singulæ virtutes R, X, Z, agant immediatè per lineas, ad rigidam rectam perpendiculares in quibus existunt: ita tamen, ut virtutes X & Z trahant versus partem oppositam illi, per quam trahit virtus R. Fig. 4.

Dico primò, rectam rigidam C B hæsuram immobilem, si virtus R ad virtutem Z, sit ut C B ad C A: atque insuper virtus R ad virtutem X sit ut C B ad A B.

Dico secundò, virtutem R ad virtutem Z, esse ut C B ad C A; & præterea virtutem R ad virtutem X, esse ut C B ad A B: si rigida recta C B hæreat immobilis.

Demonstratur prima pars. Per hypothesim & propositionem 9. patet, quod singula puncta C & B tantum præcisè in latum trahantur ab vna virtute R, quantum in latum trahuntur à duabus virtutibus X & Z simul: sed etiam per hypothesim puncta C & B trahuntur ad vnam partem à virtute R, atque ad partem præcisè oppositam trahuntur à virtutibus

200 Pars secunda Problematis Statici

bus X & Z : ergo puncta singula C & B , à tribus virtutibus R , X , Z , ita trahuntur, vt singula æqualiter trahantur ad partes directè oppositas : ergo per notam 4. singula puncta C & B manent immota : ergo etiam rigida CB manet immota. Quod erat primum.

Demonstratur secunda pars. Per hypothefim rigida CB hæret immota : ergo per notam 4. singula puncta C & B , tantum præcisè in latum trahuntur versus vnâ partem à virtute R , quantum in latum versus partem directè oppositam trahuntur à duabus virtutibus X & Z simul : sed per prop. 7. tota virtus R ad virtutem qua punctum C trahit in latum, est vt B *ad* A B : item tota virtus R ad virtutem qua punctum B trahit in latum, est vt C *ad* A C : ergo etiam tota virtus R ad virtutem qua X in latum trahit punctum C , est vt C *ad* A B : & præterea tota virtus R ad virtutem qua Z in latum trahit punctum B , est vt C *ad* C A : sed ex hypothefi patet, quod tota virtus X in latum agit contra punctum C , & insuper quod tota virtus Z in latum agit contra punctum B : ergo tota virtus R ad totam virtutem X , est vt C *ad* A B : & præterea tota virtus R ad totam virtutem Z , est vt C *ad* C A . Vt asseritur in secunda parte.

Propositio XI.

Sit recta rigida CB habens solum punctum A immobile, atque positum inter puncta C & B : præterea, per rectas XC & ZB perpendiculares ad rigidam CB , agant duæ virtutes X & Z : ita vt virtus X agat per rectam XC , & virtus Z agat per rectam ZB , atque illæ virtutes trahant versus eandem partem.

Dico

De incremento virium per Vectem. 201

Dico primò; rigidam rectam CB hæsuram in immobilem, si virtus Z ad virtutem X , habeat proportionem quam recta $Fig. 42$
 CA habet ad rectam AB .

Dico secundò, virtutem Z ad virtutem X , habere proportionem quam recta CA habet ad rectam AB , si rigida recta CB hæreat immobilis.

Constructio. Virtus R , æqualis virtutibus X & Z simul sumptis, intelligatur immediatè agere contra punctum A , per rectam RA perpendicularem ad rigidam CB : ità tamen vt virtus R trahat versus partem directè oppositam illi, versus quam trahunt singulæ virtutes X & Z .

Demonstratur prima pars. Per hypothèsim virtus Z ad virtutem X est vt CA ad AB : ergo componendo, vel componendo & inuertendo duæ virtutes X & Z simul, erunt ad virtutem Z , vt CB ad AC : item duæ virtutes X & Z simul, erunt ad virtutem X , vt CB ad AB : sed per constructionem virtus R æquatur virtutibus X & Z simul sumptis: ergo virtus R ad virtutem X est vt CB ad AB , item virtus R ad virtutem Z est vt CB ad AC : sed etiam virtus R agit versus partem oppositam illi per quam agunt singulæ virtutes X & Z : ergo per prop. 10. recta rigida CB hæret immobilis, quando trahitur à virtute R quæ sit æqualis virtutibus X & Z simul sumptis, atque trahentibus versus partem oppositam: sed manifestum est quod siue virtus R trahendo retineat punctum A virtute quæ sit æqualis virtutibus X & Z simul sumptis, siue punctum A ratione suæ immobilitatis retineatur virtute quæ sit æqualis virtutibus X & Z simul sumptis, vt fit in proposita hypothèsi, semper æqualiter impediri motum rectæ rigidæ CB : igitur in proposita hypothèsi rigida recta CB

202 Pars tertia Problematis Statici

hæret immob̃ilis. Ut dicitur in prima parte.

Demonstratur secunda pars. Per hypothesim recta rigida CB hæret immota : ergo punctum immobile A tantum trahit, siue retinet, rigidam CB quantum duæ virtutes X & Z in latum atque ad eandem partem agentes trahunt rigidam CB : ergo virtus immediatè agens in A , atque retinens rigidam CB : æquatur virtutibus X & Z simul sumptis : sed quoniam singulæ virtutes X & Z sunt virtutes directè agentes in latum, etiam virtus immediatè in puncto A retinens rigidam CB , est virtus directa in latum : ergo virtus immediatè in A retinens rigidam CB , est virtus in latum, atque æqualis virtutibus X & Z simul sumptis : sed per prop. 8. virtus qua punctum C mediatè atque in latum retinetur à virtute immediatè resistente in A , ad virtutem qua punctum B mediatè atque in latum retinetur à virtute immediatè resistente in A , est vt AB ad CA : igitur cum per hypothesim singula puncta C & B hæreant immota, atque adeo tanta virtute retineantur à virtute immediatè resistente in A , quanta virtute singula trahuntur à virtutibus X & Z (quarum vna X tota agit contra punctum C , & altera Z tota agit contra punctum B) : patet etiam virtutem X ad virtutem Z , esse vt AB ad AC . Ut asseritur in secunda parte.

Propositio XII.

Sit recta rigida CB habens solum punctum A immobile ; sed non positum inter puncta C & B : atque per rectas XC & ZB perpendiculares ad rigidam CB , agant duæ virtutes X & Z : ità vt virtus X agat per rectam XC , & virtus Z agat

Fig. 5.

De incremento virium per Vectem. 203

agat per rectam ZB , atque illæ virtutes trahant versus partes inter se oppositas.

Dico primò, rigidam rectam CB hæsuram immobilem, si virtus Z ad virtutem X habeat proportionem quam recta CA habet ad rectam AB .

Dico secundò, virtutem Z ad virtutem X habere proportionem quam recta CA habet ad rectam AB , si rigida recta CB hæreat immobilis.

Constructio. Intelligatur immediatè contra punctum A per rectam RA perpendicularem ad AB , agere virtus R , ita tamen vt virtus R trahat versus eandem partem versus quam trahit virtus X , atque virtus Z sit æqualis virtutibus R & X simul sumptis.

Demonstratur prima pars. Per hypothesein virtus Z ad virtutem X est vt CA ad BA : sed per constructionem virtutes R & X simul æquantur virtuti Z , et præterea BA simul cum CB æquantur ipsi CA : ergo virtus Z ad virtutem R est vt CA ad CB : igitur virtus Z ad virtutem X , est vt CA ad BA : item virtus Z ad virtutem R , est vt CA ad CB : atqui per hypothesein, etiam virtus Z trahit versus partem oppositam illi, per quam agunt singulæ virtutes R & X : ergo per prop. 10. rigida CB hæret immobilis, quando punctum A trahitur à virtute R : sed manifestum est quod siue punctum A retineatur à virtute R agente contra punctum A , siue punctum A ratione suæ immobilitatis retineatur eadem virtute, vt sit in proposita hypothesei, semper æqualiter impediri motum rectæ rigidæ CB : igitur in proposita hypothesei rigida recta CB hæret immobilis. Vt dicitur in prima parte.

204 Pars Tertia Problematis Statici

Demonstratur secunda pars. Per hypothesim rigida recta CB manet immobilis, adeoque punctum C tantum immediate atque in latum trahitur à virtute X, quantum ad partem oppositam mediatè atque in latum trahitur à virtute Z: ergo actio qua virtus X immediate atque in latum trahit punctum C, æquatur actioni qua virtus Z mediatè atque in latum trahit punctum C: sed per hypothesim tota virtus X immediate atque in latum trahit punctum C: ergo tota virtus X æquatur actioni qua virtus Z mediatè atque in latum trahit punctum C: sed per prop. 7. tota virtus Z ad actionem qua in latum trahit punctum C, est vt CA ad BA: ergo tota virtus Z ad totam virtutem X, est vt CA ad BA. Vt asseritur in secunda parte.

Propositio XIII.

SIt recta rigida CB, contra quam immediate agat virtus Z per rectam ZB, obliquam ad rectam rigidam CB: vel 7. fitque AD perpendicularis ad rectam ZB.

Dico, virtutem obliquam Z, ad virtutem qua directè atque in latum agit contra punctum B, esse vt AB ad AD.

Nota considerari posse duos casus, quorum primus est, quando punctum A est inter puncta C & B: secundus est, quando punctum B est inter puncta A & C; pro primo casu seruit figura 6. pro secundo casu seruit figura 7. utroque casu seruit eadem constructio & demonstratio.

Constructio. Recta BE perpendicularis ad rectam rigidam CB, occurrat rectæ AD productæ in E; præterea ducta sit recta FC, parallela rigidæ rectæ CB, atque illi in puncto

De incremento virium per Vectem. 205

cto F occurrat recta EB producta : similiter in puncto G illi occurrat recta DB producta : Denique recta GB repræsentet totam virtutem Z .

Demonstratio. Per theor. 3. partis 3. idæ angulus $DBE =$ angulo FBG : sed etiam rectus angulus $BDE =$ recto angulo BFG : ergo per theor. 5. partis 3. idæ, triangulum DBE est simile triangulo FBG : atqui per constructionem & theor. 10. partis 3. idæ, etiam triangulum DBE est simile triangulo DAB : ergo triangulum DAB est simile triangulo FBG : ergo BA ad $AD = GB$ ad FB : sed per propositionem quintam, obliqua virtus GB , hoc est per constructionem obliqua virtus Z , ad virtutem qua directè in latum agit contra punctum B , est vt GB ad FB : ergo obliqua virtus Z ad virtutem qua directè in latum agit contra punctum B , est vt AB ad AD . Quod erat demonstrandum.

Propositio XIV.

Recta rigida CB habeat hypomochlion in A , siue quod idem est ; punctum eius A sit immobile ; præterea potentia X agat immediate contra punctum C per rectam XC : & impedimentum Z agat immediate contra punctum B per rectam ZB ; sitque recta AD perpendicularis ad rectam ZB , item recta AF sit perpendicularis ad rectam XC . Fig. 8.
vel 9.

Dico primò. Rectam rigidam CB hæsuram immobilem, atque adeo potentiam X futuram in æquilibrio cum impedimento Z : si potentia X ad impedimentum Z habeat proportionem quam recta AD habet ad rectam AF .

Dico secundò. Potentiam X ad impedimentum Z habe-

206 Pars tertia Problematis Statici

re proportionem quam A D habet ad A F: si rigida C B hæreat immobilis, atque adeo potentia X sit in æquilibrio cum impedimento Z.

Nota duos casus aliquantulum diversos considerari posse: quorum primus est, quando punctum A est inter puncta C & B: secundus est quando punctum B est inter C & A; Pro primo casu inspicere potest octava figura pro secundo casu servit nona figura pro utroque casu servit eadem constructio & demonstratio, cum hac solâ differentia, quod quando citatur propositio 11. vel 12. pro primo casu consulenda sit prop. 11. pro secundo casu consulenda sit prop. 12.

Constructio. Positæ sint duæ rectæ lineæ P & R, atque FA ad P = AB ad AD: item AD ad R = CA ad FA: Denique potentiam X repræsentet recta AD.

Demonstratur prima pars. Per prop. 13. tota potentia X ad virtutem qua potentia X in latum agit contra punctum C, est vt CA ad FA: hoc est per constructionem vt DA ad R: sed per constructionem potentia X æquatur rectæ AD: ergo virtus qua potentia X in latum agit contra punctum C æquatur ipsi R. Præterea quia per hypothesim tota potentia X ad totum impedimentum Z, est vt AD ad AF: & per constructionem tota potentia X æquatur ipsi AD: etiam totum impedimentum æquatur ipsi AF: sed per propositionem decimam tertiam totum impedimentum Z ad virtutem qua impedimentum Z in latum agit contra punctum B, est vt AB ad AD, hoc est per constructionem vt AF ad P: ergo virtus qua impedimentum Z in latum agit contra punctum B, æquatur ipsi P: sed per constructionem & prop. 2. patet R ad P esse vt AB ad AC: ergo virtus R
qua

De incremento virium per Vectem . 207

qua potentia X in latum agit contra punctum C, ad virtutem P qua impedimentum Z in latum agit contra punctum B, est vt AB ad AC : ergo per prop. 11. vel 12. potentia X cum impedimento Z hæret in æquilibrio. Vt asseritur in prima parte.

Demonstratur secunda pars. Per hypothesim potentia X cum impedimento Z hæret in æquilibrio, hoc est rigida CB manet immobilis: ergo per prop. 11. vel 12. virtus qua potentia X in latum agit contra punctum C, ad virtutem qua impedimentum Z in latum agit contra punctum B, est vt AB ad AC : sed per constructionem & prop. 2. patet AB ad AC esse vt R ad P : ergo virtus qua potentia X in latum agit contra punctum C, ad virtutem qua impedimentum Z in latum agit contra punctum B, est vt R ad P : sed quoniam per constructionem tota potentia X æquiualeat DA , & per prop. 13. tota potentia X ad virtutem qua potentia X in latum agit contra punctum C, est vt CA ad AF , hoc est per constructionem vt DA ad R , etiam virtus qua potentia X in latum agit contra punctum C æquiualeat ipsi R : ergo virtus qua impedimentum Z agit in latum contra punctum B, æquiualeat ipsi P : sed per prop. 13. totum impedimentum ad virtutem qua impedimentum Z agit contra punctum B, est vt AB ad AD , hoc est per constructionem vt AF ad P : ergo etiam totum impedimentum Z æquiualeat ipsi AF : sed per constructionem etiam tota potentia X æquiualeat ipsi AD : ergo tota potentia X ad totum impedimentum Z, est vt AD ad AF . Vt asseritur in secunda parte.

Scholium.

VLtimo loco hic demonstrata propositio nihil differt ab ipsa nostra æquilibrij lege proposita in secunda parte: adeoque in hac propositione 14. habetur rigoroso discursu demonstrata atque stabilita nostra lex æquilibrij, & consequenter etiam legitime stabiliti habentur effectus qui ad hanc legem consequuntur, inter quos numeratur effectus cuius causa quæritur in proposito problemate, ut patet ex dictis in secunda parte: adeoque hactenus à me propositæ atque demonstratæ propositiones legitimæ aut rigorosæ non sunt: vel certe legitimè atque rigorosè demonstrauius nostram æquilibrij legem, & consequenter legitimè atque rigorosè soluimus propositum problema de incremento virium per Vectem. Reliquum igitur est, ut eiusdem problematis solutio magis familiari discursu proponatur independentè ab omni speculatiua Mathesi.



PROBLEMATIS STATICI

Pars Quarta.

*Siue Dialogus inter Mathimenum, Tachinum, & Nothrum, in quo, independenter ab omni Mathesi speculatiua offertur causa, quare vires crescant, per Vectem, hoc est quare in Statera pondus minoris grauitatis sustineat aliud pondus maioris grauitatis, praeisè per hoc, quod magis distet à Statera hy-
pomochlio.*

Scenicis representationibus non absimiles arbitror ab aliquibus Mathematicis vsitatos dialogos. In his inter se confabulantes vel disputantes introducuntur personæ, vt plurimum tres diuersæ; vna docentis partes sustinet, altera discantis, atque renitentis, doctrinæ quæ traditur: his tertia additur, vt subministret opportuna subsidia vel docenti vel discanti. Per scriptos dialogos docendi modus, nisi fallor, plurimum iuuat tardioris ingenij discipulos, & minus eruditos magistros; his enim commodum non est, ex suis principijs successiue atque ordinatè deducere intentam doctrinam; & hoc modo deductam doctrinam assequi, istis non raro molestum est; deinde in scriptis dialogis, qui docet, non tenetur nisi ad interrogata respondere: & quoniam singulas interuenientium personarum partes componit, seipsum tan-

210 Pars Quarta Problematis Statici

tum interrogat; atque adeo commodè declinare potest quaf-
libet difficultates, non interrogando illa ad quæ respondere
foret molestum; præterea semper in promptu habet qui do-
ctrinæ suæ applaudit, solidam atque evidentem testetur, non
acquiescentem repræhendat, sermonem deuertat ubi progre-
di molestum est, atque alijs huiusmodi modis non paruum
subsidium afferat parum erudito doctori.

Quoniam hæc mea opinio est de dialogis Mathematicis,
non minus timerem subsequenter dialogum proponere,
quam annumerari doctoribus quibus per dialogos docendi
modum dixi prodesse, nisi prius ex primis principijs, ordina-
tis discursibus deductam proposuissem, eandem, siue potius
magis rigorosam atque vniuersalem doctrinam; qua præmis-
sa pro Mathematicis, ad illos sermonem conuerto quos mi-
nus iuuant discursus magis rigorosi, utpote in Mathematicis
disciplinis minus versati: exponendo propositi problematis
solutionem illa methodo qua melius instruuntur speculati-
uæ matheseos discursibus minus assueti, apud quos eandem
propemodum ad persuadendum utilitatem habent dialogi,
quam ad animi passiones mouendas habent scænicæ repræ-
sentationes.

DIALOGVS.

NOthrus. Ex condicto adsum Mathimene, atque co-
mitem adduxi Tachinum, quem socium habui in
perlegendis quæ mihi tradideras.

Mathimenus. Fortunatus atque gratosus congressus tot
enim amica concurrunt capita, quot requiruntur, ut præ-
stem

De incremento virium per Vectem. 211

Rem, quod me præstiturum promiseram.

Nothrus. Enigma de ternario numero proponis Mathimene, atque ab obscuris ut video ducimus exordium.

Mathimenus. Breui aduertes solutionem enigmatis, ubi à me probata, atque à te annotata erunt tria capita, hoc est tres diuerse veritates, ex quibus mihi concludendum est quod intendo probare.

Tachinus. Ego percepisse mihi videor Mathimene quæ in scriptis tuis legi: gaudebo tamen vestris discursibus auditor adesse, quandoquidem ex Nothro intellexerim hanc illi indictam diem, qua exponendam assumpsisti causam quare vires crescant per Vectem: idque prætermissa speculatiua omni Geometria atque Arithmetica.

Mathimenus. Id me facturum pollicitus sum: an promissis faciam satis, tu esto iudex.

Tachinus. Res hæc mihi difficilis visa est, & si succedat non minus inexpectata mihi adueniet quam eiusdem problematis solutio, quam cum Nothro attentius perlegi, quæque mihi omni ex parte noua accidit, & mirum in modum arripit.

Nothrus. Ego Mathimene, ut verum fatear, ex tuis rigorosis ut illos appellas discursibus, vix aliud collegi, quam dubiorum mæstem satis copiosam: parum enim assuetus proportionibus istis Mathematicis, atque discursibus rigorosis, assequi non potui quid concludas, aut saltem à te concludi asseras; & ubi Tachinus meridianam lucem affulgere sibi affirmat, ego præter tenebras vix aliquid conspicio.

Mathimenus. Clariore solis radij, non raro obfunt oculis, quibus profunt debiliores subministrati à lucernæ

212 Pars Quarta Problematis Statici

flamma : fortassis simile aliquid tibi accidet hodierna die ; qua vt spero physici discursus tibi proderunt vt intellectu conspicias, quod te affecutum negas ex discursibus magis rigorosis. Refumamus difficultatem cuius solutio petitur.

Nothrus. Ego illam proponam : sic enim videbis an quæstionis statum rectè fuerim affecutus. Libræ vel Stateræ iugum CAB sustentatum sit in A : atque ex puncto B dependeat pondus X ; præterea ex iugi brachio AC , dependeat pondus Z , sic vt pondera X & Z sint in æquilibrio : atque adeo pondus Z præcisè sustineat pondus X . His suppositis atque cæteris omnibus manentibus, si solum pondus Z aliquantulum remoueatur à sustentaculo A : per hoc quodammodo acquirat vires, adeo vt iam poterit attollere pondus X , quod prius tantum præcisè poterat sustentare sed nullo modo attollere : atque ita experimur paucarum vnciarum pondus Z , suspensum in magna distantia à sustentaculo A , sustinere vel attollere multarum librarum pondus X suspensum in parua distantia ab eodem sustentaculo A . Huius effectus causa inquiritur : atque adeo petitur, quomodo idem pondus Z secundum se inuariatum, per solam maiorem distantiam à sustentaculo A vires illas acquirat, per quas potest sustentare vel attollere maius pondus ? nunquid rectè ?

Mathimæus. Satis rectè omnia ; his tamen aliquid additum cuperem pro maiori claritate, nimirum vt pondus R mediante chorda AL trochleæ circumposita, sustineat Stateram CB .

Nothrus. Hoc neque casum meum, neque quæstionis statum variat ; siue enim pondus R , siue manus, siue clauus muro infixus Stateram sustineat, non variatur quæstio : hæc enim

De incremento virium per Vectem. 213

enim omnia materialiter se habent in ordine ad propositam quæstionem, quæ semper formaliter eadem perseverat in diuersis istis circumstantijs. Quæro igitur vnde petenda sit causa propositi effectus.

Mathimenus. Respondeo quod supposita rigiditate atque inflexibilitate iugi CB , causa petenda sit, à modo, quo virtus libram sustentans in A , mediante iugo rigido CAB agit contra pondera X & Z .

Nothrus. An igitur virtus R , sustentans complexum ex iugo CB & ponderibus X & Z , non semper eodem modo agit contra iugum & pondera, siue pondus Z magis siue minus distet à sustentaculo A ?

Mathimenus. Semper eodem modo agit contra iugum CB , sed non semper eodem modo agit contra pondera X & Z .

Nothrus. Dura mihi accidit tua illa responsio: siue enim pondus Z , magis, siue minus distet à sustentaculo A , semper pondus R manet idem, & agit siue trahit per eandem chordam RLA : & hæc virtus siue tractio per eadem iugi brachia extenditur ad chordas ex quibus pondera X & Z dependent; atque ita tandem trahuntur pondera X & Z ; hic modus trahendi pondera X et Z semper perseverat, siue cæteris paribus magis, siue minus distet pondus Z à sustentaculo A : atque adeo semper eodem modo trahuntur pondera X et Z , à pondere R ; quam ob rem non assequor quid intelligas per modum diuersum, quando asseris pondera X et Z diuerso modo sustineri vel trahi à pondere R .

Mathimenus. Quod vno tempore trahitur maiori virtute, et alio tempore trahitur minori virtute: diuersis illis temporibus

214 Pars Quarta Problematis Statici

poribus diuerso modo trahitur; de hoc diuerso trahendi modo mihi sermo est; atque assero, quod pondus R non semper æquali virtute agat in singula pondera X et Z: sed subinde maiori, subinde minori virtute trahantur singula pondera X et Z, ab eodem pondere R: atque adeo pondus R non semper eodem modo agere contra pondera X et Z.

Nothrus. Nugaris vt opinor Mathimene, quandoquidem enim in casu nostro pondus R idem perseueret, semper æqualiter ponderat et semper tota sua virtute agit contra pondera X & Z; cui igitur persuadere poteris diuersa virtute agere contra pondera X et Z? an fortassis contrariæ propositiones non sunt, eadem siue non diuersa virtute agere, & diuersa virtute agere?

Tachinus. Nihil ad rem propositam facit contrarietas quam inferis Nothre; pondus R semper æquali virtute grauitare et agere non negat Mathimenus, immò id expressè supposuit; similiter non negat pondus R semper æquali virtute agere contra duo pondera X & Z simul sumpta: sed tantum negat pondus R semper æqualiter grauitans, semper æquali virtute agere contra singula pondera X & Z. Claritatis gratia propositum casum reduco ad numeros. Exempli Gratia grauitas ponderis R sit 24. librarum, adeoque pondus R semper agat virtute 24. librarum; facta hac suppositione, primò fieri potest, vt pondus R agat contra pondus X virtute 12. librarum, & similiter contra pondus Z agat virtute 12. librarum: quo casu pondus R virtute 24. librarum æqualiter agit contra singula pondera X & Z, atque hic est vnus modus quo pondus R virtute 24. librarum agere potest contra singula pondera X & Z. Rursus fieri potest vt
pondus

De incremento virium per Vectem. 215

pondus R agat contra pondus X virtute 16. librarum: verum contra pondus Z tantum agat virtute 8. librarum: quo casu pondus R virtute 24. librarum inæqualiter agit contra singula pondera X & Z: atque hic est alijs modis à priori diuersus, quo pondus R virtute 24. librarum potest agere contra singula pondera X & Z. Similiter fieri potest vt pondus R agat contra pondus X virtute 23. librarum: atque contra pondus Z agat virtute vnus libræ; quo casu pondus R virtute 24. librarum inæqualiter agit contra singula pondera X & Z: & tamen hic est iterum alius modus à duobus prioribus diuersus, quo pondus R virtute 24. librarum agere potest contra singula pondera X & Z.

Nothrus. Sufficit Tachine, sufficit: satis percepi quomodo fieri possit vt idem pondus R, semper eodem modo, siue æquali virtute agat contra duo pondera X & Z simul: & tamen successiue diuerso modo, siue diuersa virtute agat contra singula ex ponderibus X & Z: & consequenter, quomodo pondus R possit semper eodem modo siue æquali virtute agere contra iugum CB, licet non semper eodem modo siue æquali virtute agat contra pondera X & Z: quod Mathimenus assererat fieri in hypothese de qua agimus; aliud tamen est id posse fieri, aliud est illud fieri; quare posse fieri quod assererat Mathimenus libenter concedo, sed tamen non assequor quo fundamento asserat id fieri.

Tachinus. Credo equidem amicorum optime, nisi enim fallor, quare hoc fiat intelligere, nihil aliud est, quam propositæ quæstionis solutionem percipere. Considerentur enim duo casus: in vtroque casu pondus R agat virtute 24. librarum, in primo tamen casu singula pondera X & Z vno

216 Pars Quarta Problematis Statici

palmo distent à sustentaculo A : in secundo casu pondus X
 ut prius distet vno palmo à sustentaculo A , verùm pondus
 Z duobus palmis distet à sustentaculo A , adeo ut primus ca-
 sus à secundo non aliter differat, quam quod in primo casu
 pondus Z à sustentaculo A distet vno palmo, in secundo verò
 casu idem pondus Z ab eodem sustentaculo A distet duobus
 palmis : positis his duobus casibus , ex ijs quæ modo concē-
 sisti, manifestum est fieri posse, ut à pondere R in primo casu
 singula pondera X & Z virtute 12. librarum sustineantur , in
 secundo verò casu pondus X sustineatur virtute 16. librarum
 & pondus Z sustineatur tantum virtute 8. librarum : iam ve-
 rò si etiam constaret hæc ità fieri, profectò constaret, quod
 pondus Z in secundo casu sustineatur minori, nempe octo li-
 brarum virtute : licet in primo casu sustineatur maiori, nem-
 pe 12. librarum virtute; quare si ulterius constaret causa hu-
 ius effectus, cognita tibi foret causa cur in primo casu pōdus
 Z maiori virtute sustineatur, atq; minori virtute sustineatur in
 secundo casu ; & quoniam primus casus à secundo non dif-
 fert, nisi quod in primo pondus Z minus, siue vno palmo ,
 distet à sustentaculo A ; & in secundo casu magis, siue duo-
 bus palmis distet à sustentaculo A ; etiam cognita foret causa,
 cur idem pondus Z in minori vnus palmi distantia à susten-
 taculo A, maiori virtute, atque adæquatè sustentetur : licet
 idem pondus Z in maiori duorum palmorum distantia à su-
 stentaculo A, minori virtute, adeoque non adæquatè susten-
 tetur ; denique quia manifestum est quod pondus adæquatè
 sustentatum non possit descendere, quodque pondus non
 adæquatè sustentatum debeat descendere : cognita tibi foret
 causa cur pondus Z in minori vnus palmi distantia à susten-
 taculo

De incremento virium per Vectem. 217

taculo A, non possit descendere atque adeo attollere pondus X, licet idem pondus Z in maiori duorum palmorum distantia à sustentaculo A, possit, immo debeat descendere atque adeo attollere pondus X.

Nothrus. Tui isti numeri Tachine arrident mihi, & clare exponunt mentem tuam, redduntque discursus maximè intelligibiles: videre enim mihi videor, esse planè possibile, ut in duobus casibus diuersis à te propositis, ab eodem pondere R, diuerso modo siue diuersa virtute sustineatur pondus Z: atque fieri posse, ut Exempli Gratia in primo casu maiori 12. librarum virtute, & in secundo casu minori octo librarum virtute sustineatur idem pondus Z; probandum tamen foret, verum esse, quod tantum concessi esse possibile: atque affrenda causa quare necessario verum sit.

Mathimæus. Ut ad causæ huius cognitionem, compendiosa, atque commoda pergamus via, pauca à te peto de quibus quid sentias intelligere mihi proderit.

Nothrus. Pete quod placeat: nihil mihi commodius quam respondere quod sentiam: dummodo ad ea quæ non assequor, sufficiat reponere verbum nescio.

Mathimæus. Sit iugum CB sustentatum, ut repræsentatur in vndecima figura; quæ à figura decima (quam ante considerauimus) non aliter differt, quam quod vncus F, mediante fune CLB, sustineat iugum CB, quod in decima figura sustentabatur per chordam LA. Quæro quis ex duobus funibus partialibus LC & LB maiori virtute trahatur à pondere R, & consequenter per quam ex duabus eiusdem funis partibus LC & LB, maiori virtute agat siue trahat pondus R?

Fig. 11

218 Pars Quarta Problematis Statici

Nothrus. Certè nulla mihi apparet dubitandi ratio, sed planè euidens videtur, quod duo funes partiales LC & LB , siue eiusdem funis duæ partes LC & CB , singulæ æquali virtute trahentur à pondere R : & consequenter pondus R per singulas istas partes LC & CB agere æquali virtute, dummodo partes LC & CB sint inter se æquales.

Mathimènus. Sed quid si partes istæ LC & CB , sint inæquales inter se: atque Exempli Gratia pars LC sit quatuor palmorum, & pars LB sit duorum palmorum?

Nothrus. Nihil agis Mathimène, hoc casu inuertetur iugum CB ; etenim funis liberè incumbens vncò F , gliscet supra vncum F , donec aut inter se æquales fiant partes LC & LB , aut certè totum iugum inuertatur; quod an verum sit, experiri facile est: atque ego expertus sum sæpissime.

Mathimènus. Quod te expertum afferis, verum scio: sed supponamus quod inuerti non possit iugum CB , vel abstrahamus ab eius inuersione.

Nothrus. Abstractiones illæ potius Logicam aut Metaphysicam redolent, quam Physicam: quare in his circumstantijs parum arrident: etenim propositæ difficultatis Physicam solutionem intellecturus adueneram. Deinde si supponatur aliquid impossibile, hinc aliud impossibile legitime inferre non erit tibi difficile; verum non chimæras venaturus, sed veritatem conspecturus adueneram.

Mathimènus. Si ita placet, efficiam vt etiam oculis spectare possis, esse possibile, vt non euertatur iugum CB , tametsi partes LC & LB sint inæquales: atque Exempli Gratia pars LC sit quatuor palmorum, & pars LB sit duorum palmorum.

Nothrus.

De incremento virium per Vectem. 219

Nothrus. Si feceris, planè nouum atque inexpectatum, gratissimum tamen mihi exhibebis spectaculum: tibi que non negabo assensum, quando contra opinionem meam testimonium ferent oculi mei: ab his edoctus existimo impossibile, quod tu asseris possibile.

Mathimenus. Inspice si placet casum in duodecima figura repræsentatum. Iugo B C adhæret tubus cylindricus I K, sic vt sit in directum cum fune O L: ipsi tubo I K insertus est baculus cylindricus terræ infixus in M, atque liberè mobilis per tubum I K; denique funis L C est quatuor palmorum, funis verò L B est duorum palmorum. Quæro modo an mediante chorda O L, suspendi, aut sursum trahi poterit iugum C B sic vt non inuertatur? si dubites quid respondendum sit, oculos tuos testes aduoca, atque experire quid fiat.

Nothrus. Manifestum est hoc casu iugum C B euertere non posse.

Mathimenus. Vides vt opinor tubum I K & baculum illi insertum nihil impedire nisi euerfionem iugi C B, quod vt prius poterit sustentari, aut sursum trahi à pondere R, sine vlllo euerfionis periculo, tametsi funis L C sit quatuor palmorum, & funis L B tantum sit duorum palmorum.

Nothrus. Vt video verum est, quod existimabam impossibile: quia mihi in mentem non venerat à te propositum remedium contra iugi euerfionem, sic vt casus de quo agebamus maneret inuariatus.

Mathimenus. Quæro igitur quod ante quæsieram, quodnam ex punctis C & B maiori virtute trahetur à pondere R, supposito quod funis L C sit quatuor palmorum, quodque funis L B sit tantum duorum palmorum.

220 Pars Quarta Problematis Statici

Nothrus : Mihi non occurrit aliqua dubitandi ratio, etenim siue breuior siue longior sit funis, cæteris paribus eius extremitates semper æquali virtute trahuntur: & consequenter in casu proposito puncta C & B æquali virtute trahentur à pondere R.

Mathimænus. Estne igitur vera, vel falsa, subsequens propositio quam abs te notari velim ?

Propositio I.

Fig. 11. **Q**Vando virtus R, agendo per lineas rectas LC & LB, trahit puncta C & B: tunc per lineas LC & LB æquali virtute trahit singula puncta C & B: siue æquales, siue inæquales inter se sint lineæ LC & CB.

Nothrus. In casu de quo agimus hæc propositio verissima est, neque vnquam à me negabitur; & quoniam ita iubes istam mihi seruo sub titulo primæ propositionis.

Mathimænus. Antequam seponas primam propositionem, adde si placet illi alteram, quæ secunda sit.

Propositio II.

Fig. 12. **V**irtus quæ per lineas LC & LB æqualiter trahit singula puncta C & B inæqualiter distantia à puncto A: etiam inæqualiter fursum trahit singula ista puncta B & C.

Nothrus.

De incremento virium per Vectem. 221

Nothrus. Notavi assertionem tuam, sub titulo secundae propositionis: sed hanc me admitturum non spondeo; immo quid sibi velit non percipio.

Tachinus. Non percipis amplius Nothre, quod ante intellexisti atque ipse met monuisti? quare paulo ante iugo CB apponendus fuit tubus KI?

Nothrus. Amena interrogatio! quis melius quam ego scit quid intelligam aut non intelligam: deinde quid cum tubo KI commune habet secunda propositio? in hac de iugi euerfione non agitur, & tubus KI non alia de causa appositus fuit iugo CB, quam ne euerteretur iugum quando ex punctis C & B suspensa pondera inter se æqualia X & Z sustentantur, vel sursum trahuntur à virtute R, agente per rectas LB & LC, sic ut LC duplo maior sit quam LB.

Tachinus. Sed quod in proposito casu euerfionis iugi periculum?

Nothrus. Quod euerfionis periculum? illud quod prius dixi me sæpius experientia didicisse: quodque existimabam impediri non posse.

Tachinus. Quid igitur responderes ad subsequens argumentum? Ponderus R semper æquali virtute trahit singula puncta C & B per rectas lineas LC & LB, ut constat ex prima propositione quam nunquam te negaturum asserueras: ergo puncta C & B quæ æquali virtute trahuntur à pondere R, etiam à virtute R æqualiter sursum trahuntur, atque sustinentur, licet lineæ LC et LB sint inter se inæquales: ergo si singula puncta C et B à ponderibus X et Z inter se æqualibus, æqualiter deorsum trahantur: etiam singula puncta C et B æqualiter sursum atque deorsum trahentur, licet

222 Pars Quarta Problematis Statici

licet lineæ $L C$ et $L B$ sint inæquales : ergo hoc casu , vel
vtrumque punctum C et B , vel certe nullum ex punctis
 C et B debet ascendere : ergo hoc casu iugum $C B$ inuerti
non potest , vt asserebas te sepius expertum esse .

Nothrus . Stringit argumentum tuum Tachine; et vt vi-
deo etiam vera est secunda propositio : non assequor tamen
cur vera sit ; nam in argumento à te proposito infertur hæc
propositio , partim ex prima propositione , partim ex experi-
mento : iam verò licet primam propositionem optimè asse-
quar , atque à priori cognoscam eius veritatem : tamen ipsius
experientiæ veritatem non nisi à posteriori cognosco : causa
eius obscura mihi est , easdemque tenebras inuenio in secun-
da propositione : adeo vt cogar quidem admittere hanc pro-
positionem veram esse , sed tamen simul cogar fateri me non
assequi , quare vera sit .

Mathimenus . Rectè dicis Nothre ; videamus an ego dis-
sipare possim tenebras à te optime indicatas , atque efficere ,
vt clare videas causam cur vera sit secunda propositio . Si
aliquod mobile traheretur per quatuor palmorum lineam
 $C L$, et alterum mobile traheretur per duorum palmorum li-
neam $B L$: quodnam ex istis mobilibus citius perueniret ad
punctum L , supposito quod eodem tempore recedant à pun-
ctis C et B , quodque singula æqualiter resistent virtutibus
motiuis , atque etiam trahantur æquali virtute .

Nothrus . Difficilis enim vero quæstio : Duo cursores
æquali velocitate currunt , vnus in via duorum milliariorum ,
alter in via quatuor milliariorum : hoc posito quæritur quis
ex his duobus cursoribus breuiori tempore perueniet ad viæ
sue terminum .

Tachinus .

De incremento virium per Vectem. 223

Tachinus. Quid ad quæsitum respondes Nothre?

Nothrus. Respondeo planè euidens, atque manifestum esse, quod mobile motum per rectam CL non perueniret nisi ad medietatè lineæ CL , quæ supponitur esse quatuor palmorum: quando mobile motum per lineam BL perueniret ad alterum eius terminum L , cum linea BL supponatur esse dimidia lineæ CL .

Tachinus. Sed aduerte quod linea CL minorem accliuatè habeat quam linea BL .

Nothrus. Siue viæ per quam singuli cursores currunt æqualiter planæ, aut accliuæ: siue non æqualiter planæ aut accliuæ sint: dummodo cursores æquali velocitate currant, æquali tempore, æqualia spatia pertransibunt. Similiter in casu proposito, quoniam singula mobilia æquali virtute trahuntur, et æqualiter resistunt virtutibus trahentibus, æquali velocitate promouentur: et consequenter æqualibus temporibus per æqualia spatia siue per æquales lineas promouentur: quomodocunque excurrant lineæ illæ.

Mathimènus. Infero: igitur in casu à me proposito mobile quod trahitur per lineam CL , minus in altum, siue sursum trahitur, quam mobile quod trahitur per lineam BL : supposito quod mobilia illa singula æquali virtute resistent tractioni, & etiam æquali virtute trahantur per lineas CL & BL .

Nothrus. Consequentia euidens est.

Mathimènus. Ergo etiam in casu nostro, puncta singula C & B , æquali quidem virtute trahuntur per lineas CL & BL : sed tamen singula illa puncta non æquali, sed planè inæquali virtute trahuntur sursum, siue in altum: atque pun-

ctum

224. Pars Quarta Problematis Statiei

Atum C minori, punctum vero B maiori virtute trahitur in altum, siue sursum.

Nothrus. Nunc percipio quid velis; aliud est trahi, aliud est sursum trahi: & similiter aliud est æqualiter trahi, aliud est æqualiter sursum trahi. Duo pondera possunt singula æqualiter siue æquali virtute trahi, licet vnum trahatur per viam planam & alterum trahatur per viam accliuem: illud tamen quod trahitur per viam planam nullo modo sursum trahitur, illud vero quod trahitur per viam accliuem sursum trahitur: atque ita duo illa pondera quæ æqualiter trahuntur, non tamen æqualiter sursum trahuntur. Pari modo in casu nostro quandoquidem linea CL obliquè excurrat, hoc est partim in latum partim in altum, etiam virtus totalis trahens per lineam LC partim in altum partim in latum trahit: atque adeo totalis virtus trahens per lineam LC, quodammodo constat ex duabus virtutibus partialibus, quarum vna in altum altera in latum trahit: iam vero quo est minor accliuitas lineæ CL per quam trahit totalis virtus, eo etiam minor est partialis virtus quæ in altum trahit, & altera partialis virtus quæ in latum trahit maior est, licet semper eadem sit virtus totalis: ex quo fit, quod considerando duas virtutes totales atque inter se æquales, quarum prima trahat per lineam LC habentem minorem accliuitatem, secunda autem trahat per lineam LB habentem maiorem accliuitatem: etiam partialis virtus in altum trahens minor erit in prima virtute totali, maior vero in secunda virtute totali: atque vicissim partialis virtus in latum trahens maior erit in prima virtute totali, & minor in secunda virtute totali; quoniam igitur in casu nostro ex duabus virtutibus inter se æqualibus, prima trahit

De incremento virium per Vectem. 225

trahit per lineam LC habentem minorem accliuatatem, & altera trahit per lineam LB habentem maiorem accliuatatem: partialis virtus in altum trahens, minor est in virtute totali trahente per lineam LC , quam in virtute totali trahente per lineam LB : atque adeo minori virtute in altum trahitur punctum C , quam punctum B : licet singula puncta C & B æquali virtute trahantur, vnum quidem per lineam LC , alterum per lineam LB , per quas lineas trahunt virtutes totales inter se æquales; hoc autem erat quod in secunda propositione asserbatur; quare illam propositionem veram agnosco, & cur vera sit clarissimè perspicio.

Mathimèus. Optime profecto Nothre! ex discursu tuo video, quod priores duas à te notatas propositiones optime perceperis, atque intellexeris, non tantum veras esse, sed etiam quare necessario veræ sint; his igitur tertiam appone, quæ talis est.

Propositio III.

Rigiditas, siue inflexibilitas iugi CB , facit, vt virtus R æqualiter sursum trahat singula puncta C & B : siue puncta ista trahat immediatè, agendo per rectas LC & LB : siue puncta ista mediatè trahat, immediatè tantum agendo per rectam LA .

Tachinus. Quid de hac propositione statuis Nothre?

Nothrus. Non cohæret cum prioribus; hic enim asseri-

226 Pars Quarta Problematis Statici

tur puncta C & B æqualiter sursum trahi à virtute R : & tamen ex secunda propositione constat puncta C & B inæqualiter sursum trahi à virtute R.

Tachiaus. Si à pondere R punctum C sursum trahatur virtute 8. librarum, & punctum B sursum trahatur virtute 16. librarum, an hoc casu puncta C & B non inæqualiter sursum traherentur ?

Nothrus. Nemo non videt id tam manifestum esse, quàm clare patet numerum 8 non esse æqualem numero 16.

Tachinus. Considera modo si placet duos casus : in primo, pondus R trahat iugum per lineas LC & LB, qui casus repræsentatur in fig. 11. In secundo casu, qui repræsentatur in fig. 10. pondus R trahat iugum per vnam lineam LA, atque in vtroque casu punctum C sursum trahatur virtute 8. librarum; & punctum B sursum trahatur virtute 16. librarum; an verum non erit, quod in vtroque hoc casu æqualiter sursum trahentur puncta C & B ?

Nothrus. Video quid velis, & nisi fallor propositarum propositionum sensum assequor. In prima propositione comparantur inter se tractiones quæ fiunt in punctis C & B : & asseritur puncta ista æquali virtute trahi, quando iugum sustentatur per duas lineas LC & LB. In secunda propositione comparantur inter se tractiones in altum, quæ fiunt in punctis C & B; & asseritur quod licet supposita inæqualitate linearum LC & LB, adhuc pergant æqualiter trahi singula puncta C & B : non tamen pergant æqualiter in altum trahi. In tertia propositione comparantur inter se duo casus diuersi, vnus in quo pondus R iugum sustentat per
lineas

De incremento virium per Vectem. 227

lineas $LC \& LB$, qui casus repræsentatur in vndecima figura; alter casus in decima figura repræsentatur, in quo pondus R iugum sustentat per vnam lineam LA : & comparando istos duos casus inter se, asseritur quod in vtroque casu æqualis sit virtus qua in altum trahitur idem punctum C , vel idem punctum B : quidquid sit de æqualitate vel inæqualitate virtutis, qua in singulis istis casibus in altum trahuntur diuersa ista puncta $C \& B$.

Mathimenus. Rectè exposuisti sensum tertiæ propositionis: sed quid de eius veritate?

Nothrus. Videtur mihi quidem verisimilitudinem præferre, non assequor tamen causam cur necessario vera sit.

Mathimenus. Considerando casum in quo iugum CB non inuertatur vel inuerti non possit sed tantum liberè sursum aut deorsum moueri, quem casum expendimus in consideratione figuræ 12. quæro an possibile sit vt puncta CAB inæqualiter ascendant?

Nothrus. Id impossibile esse manifeste patet, eo ipso quod iugum CB supponitur rigidum atque inflexibile, quodque præterea non inuertatur, vt fit in casu de quo agimus.

Mathimenus. Quandonam ergo magis ascendunt puncta CAB , vel quando iugum CB trahitur per duas lineas $LC \& LB$, vel quando trahitur per vnam lineam LA ; dummodo vtroque casu iugum non inuertatur, atque idem pondus R trahat iugum?

Nothrus. Necessario æqualiter ascendunt in vtroque casu, propter iugi rigiditatem, quæ non permittit puncta illa inæqualiter ascendere nisi in ascensu aliquo modo inuertatur iugum.

228 Pars Quarta Problematis Statici

Mathimenus. Sed puncta C & B quæ in utroque hoc casu necessario æqualiter ascendunt, quando trahuntur ab eodem pondere R, etiam æquali virtute sursum trahuntur ab eodem pondere R; ergo pondus R æquali virtute sursum trahit puncta C & B, siue pondus illud R trahat iugum per duas rectas lineas L C & L B, siue tantum trahat iugum per rectam L A. Ut asseritur in tertia propositione.

Nothrus. Iam intelligo causam, quare necessario vera sit tertia propositio. Si minus perceptibiles aliæ non subsequantur, ultro fatebor omni ex parte mihi factum satis.

Mathimenus. Obscuriores nullæ subsequantur, sed neque clariores: etenim tribus propositionibus hætenus abs te notatis nullæ aliæ addendæ remanent: quandoquidem in notatis propositionibus habeas tria illa capita ex quibus adæquatè dependet solutio problematis de quo acturi conuenimus.

Nothrus. Si adeo facilis foret hæc solutio, profecto non latuisset per tot annorum millia, quot ab Aristotele ad hæc usque tempora effluxere, & tu Mathimene tardè affuisses in hoc mundo, ut hanc solutionem primus adduceres in lucem; immo perspicacissimi philosophorum principis oculis non potuisset se subtrahere.

Mathimenus. Quidquid sit de Aristotelis perspicacitate aut de successorum eius ingenijs, alijsque huiusmodi quibus non aduersor: qui & tibi & quibuslibet alijs libenter cedo ingenij palmam; tu Nothre adhuc tantisper benignas aures mihi prebe, ut audias quid concludam, & postea statue, quod tibi placet. Si mihi per plura sæcula desideratæ solutionis palmam non placebit adscribere, de illa pro libitu tuo dispones.

De incremento virium per Vectem. 229

nes. Quæstionis status initio discursus nostri propositus tibi vt opinor non excidit.

Nothrus. Memini quam optime: tota difficultas ad hoc reducitur, vt assignetur causa quare pondus Z, quod prius præcisè sustinet pondus X, postea vincat atque attollat pondus X, præcisè per hoc, quod postea magis remotum sit à puncto A: adeoque per hanc remotionem quodammodo vires acquirat.

Mathimenus. Ad quæsitum respondeo, causam physicam huius effectus esse, quia à pondere R, siue quod idem est, à virtute quæ iugum cum appensis ponderibus sustinet, minori virtute sustinetur in altum punctum C, quod magis remotum est à puncto A: quam punctum B, quod minus remotum est à puncto A. Quare si ex tribus propositionibus à te notatis, approbatis, atque tuo etiam iudicio manifestissimis legitime inferam hic à me assertam veritatem: concedendum tibi erit, à me recte solutam esse propositam difficultatem atque me præstitisse quod promiseram.

Nothrus. Si hoc feceris, tibi adscribo palmam; verum non canamus triumphum ante victoriam.

Mathimenus. Animum igitur applica ad sequentem discursum in forma syllogistica propositum. Pondus R quod immediatè per lineas LC & LB trahit puncta C & B, æquali virtute trahit singula puncta C & B per rectas LC & CB, siue lineæ istæ inter se æquales siue inæquales sint, vt constat ex prima propositione; sed etiam ex secunda propositione constat, quod pondus R per lineas LC & LB equaliter trahens singula puncta C et B inæqualiter distantia à puncto A, etiam inæquali virtute sursum trahat singula puncta

230 Pars Quarta Problematis Statici

ta C et B, atque minori virtute sursum trahat punctum C magis distans à puncto A, maiori verò virtute sursum trahat punctum B minus distans à puncto A; ergo pondus R, quod immediatè per lineas LC & CB trahit puncta C & B inæqualiter distantia à puncto A, etiam inæquali virtute sursum trahit singula puncta C & B, minorique virtute sursum trahit punctum C magis distans à puncto A, maiori verò virtute sursum trahit punctum B minus distans à puncto A; atqui iuxta tertiam propositionem, pondus R æquali virtute sursum trahit singula puncta C & B, siue puncta ista trahat agendo per duas lineas LC & LB, siue agendo per vnicam lineam LA; ergo pondus R, trahens puncta C & B, siue trahat per duas lineas LC & LB, siue trahat per vnam lineam LA, etiam inæquali virtute sursum trahit singula puncta C & B inæqualiter distantia à puncto A, minorique virtute sursum trahit punctum C magis distans à puncto A, atque maiori virtute sursum trahit punctum B minus distans à puncto A; atqui in casu de quo agimus quique in 10. figura representatur, pondus R iugum cum appensis ponderibus sustinens per vnam lineam LA trahit puncta C & B, quorum vnum C magis, alterum B minus distat à puncto A; ergo in casu de quo agimus, pondus R minori virtute in altum trahit punctum C magis distans à puncto A, atque maiori virtute in altum trahit punctum B minus distans à puncto A. Quod erat probandum.

Tachinus. Optimè reuera Mathimene, quin & clarissimè sine speculatiua Mathesi euicisti quod assumpseras probandum: neque video quid vltèrius requiri possit ad propositi problematis plenam solutionem, cuius difficultates singulas

De incremento virium per Vectem. 231

gulas successiue atque omni ex parte enodasti.

Nothrus. Optima tibi Tachine et clarissima omnia; nomen tuum non male refert: nescio tamen an in intelligendo, vel in credendo, vel certè in assentiendo tanta tua velocitas sita sit. Ego quidem non nego, quod propositum à te argumentum rectè concludat; non reputo tamen clarissima omnia.

Tachinus. Argumentum in forma syllogistica concludit quod probandum supererat. Deinde nihil assumit præter propositiones à te admissas, tuo iudicio clarissimas, atque à te per causam cognititas; an ergo clarissima, atque per causam cognita non est conclusio, quæ non nisi ex clarissimis, atque per causam cognititis veritatibus legitimo discursu infertur?

Nothrus. Distinguo Tachine: talis conclusio clarissima est claritate illationis, siue consequentiæ concedo: claritate obiecti siue consequentis nego. Fateor me clare conspicer solutionem legitime inferri ex propositionibus mihi clarissimis atque per causam cognititis: sed ipsius solutionis conceptum adæquatum, & clarum, necdum inuenio in mente mea; beares me Tachine, si paulo maius lumen afferres, quo solutionem allatam, clarius possem conspicer, & frui eius cognitione, ut ità dicam intuitiua, atque comprehensiuæ.

Mathimenus. Prius Nothro profuerunt numeri: quid si ad numeros reducatursolutio?

Tachinus. Si per te mihi licet Mathimene, discursum tuum reducam ad numeros: tu tantum obserua, an rectè omnia atque ex mente tua. Supponatur pondus R appendere 24. libras, & singula pondera X & Z appendere libras 12. Præterea considerentur duo casus inter se diuersi: in utroque
pon-

232 Pars Quarta Problematis Statici

pondus X dependeat ex puncto B & pondus Z suspensum sit ex puncto C, atque distantia puncti C à puncto A, sit maior quam distantia puncti B ab eodem puncto A; in primo tamen casu, pondus R sustineat iugum BC per unicum funem LA, ut representatur in decima figura; in secundo casu, pondus R sustineat iugum BC per duos partiales funes LC & LB, ex quibus LC longior sit quam LB, ut representatur in undecima figura. His præsuppositis, ita discurre. In secundo casu pondus R appendens 24. libras, per singulos funes LC et LB trahit singula puncta C et B virtute 12. librarum, ut patet ex prima propositione. (pag. 220.); sed etiam per hypothesein punctum C magis distat à puncto A, quam punctum B distet ab eodem puncto A: ergo iuxta secundam propositionem, in secundo casu, à pondere R minori virtute sursum trahitur punctum C quam punctum B: sed quoniam pondus R est 24. librarum, puncta C et B simul, à pondere R sursum trahuntur virtute 24. librarum, adeoque virtus qua punctum C sursum trahitur à pondere R, simul cum virtute qua punctum B sursum trahitur ab eodem pondere R, constituit virtutem 24. librarum: ergo in secundo casu, virtus qua punctum C sursum trahitur, est minor virtute qua punctum B sursum trahitur, & tamen duæ istæ virtutes simul constituunt virtutem 24. librarum; ergo in secundo casu, virtus qua à pondere R sursum trahitur punctum C, est minor virtute 12. librarum, & virtus qua ab eodem pondere R sursum trahitur punctum B, est maior virtute 12. librarum; ergo iuxta tertiam propositionem (pag. 225.) etiam in primo casu, virtus qua à pondere R sursum trahitur punctum C, est minor virtute 12. librarum: et virtus qua ab eodem

De incremento virium per Vectem. 233

codem pondere R sursum trahitur punctum B, est maior virtute 12. librarum; sed in primo casu punctum C à pondere X deorsum trahitur virtute 12. librarum; et etiam punctum B à pondere Z deorsum trahitur virtute 12. librarum; ergo in primo casu maior est virtus qua punctum C deorsum trahitur, quam virtus qua idem punctum C sursum trahitur; et è contra minor est virtus qua punctum B deorsum trahitur, quam virtus qua idem punctum B sursum trahitur; igitur in primo casu punctum C debet moveri deorsum, & punctum B debet moveri sursum.

Nothrus. Pluribus non indigeo Tachine: nisi enim fallor dissipatæ sunt tenebræ omnes, quæ occupabant mentem meam: atque tam clarè conspicio quod desiderabam videre, ut ipse iam docere possem quod ex vestris discursibus didici. Veritatis huius experimentum vultis?

Mathimenus. Mihi certè foret gratissimum atque per iucundum.

Nothrus. Pace igitur vestra, compendiosè repeto discursus nostri substantiam. Materia discursus nostri erat experientia Physica quæ docet quod in casu repræsentato in decima figura, hoc est, ex Stateræ iugo suspensa inter se æqualia pondera X & Z, hære in æquilibrio quando suspendantur ex punctis D & B æqualiter distantibus à puncto A: eadem verò pondera inter se æqualia, non amplius hære in æquilibrio, quando puncta C & B ex quibus dependent in æqualiter distant à puncto siue hypomochlio A: adeo ut hoc casu, illud pondus, oppositum pondus attollat, quod magis distat ab hypomochlio; ex quo fit quod minoris gravitatis pondus ex vna Stateræ parte dependens, in æquilibrio susti-

234 Pars Quarta Problematis Statici

neat, alterum atque maius pondus dependens ex opposita Stateræ parte; qui effectus præcisè atque adequatè causatur in Statera, per hoc quod distantia quam habet minoris grauitatis pondus ab hypomochlio A, sufficiens superet distantiam quam maioris grauitatis pondus habet ab eodem hypomochlio A; supposito hoc experimento passim cognito, quærebatur causa Physica quare crescente distantia ponderis X ab hypomochlio A, crescant vires eiusdem ponderis X, adeo ut pondus X possit sustinere pondus Z quâdo pondus X magis distat ab hypomochlio A, licet idem pondus X non possit sustinere pondus Z quando pondus X minus distat ab hypomochlio A; quæ eadem difficultas alijs verbis breuius proponitur, quærendo quare, & quomodo vires crescant per Vectem.

Antequam respondeam ad propositam quæstionem, notauam assertionem, nimirum quod virtus rigidum iugum sustentans in A, æquali quidem virtute sustentet singula iugi puncta D & B æqualiter distantia à puncto A: sed tamen eadem ista virtus rigidum iugum sustentans in puncto A, inæquali virtute sustentet singula puncta C et B inæqualiter distantia à puncto A: ita ut minori virtute sustentet illud iugi punctum quod magis distat à puncto A, maiori verò virtute sustentet iugi punctum quod minus distat à puncto A. Hic annotatam assertionem prius probo, eam inferendo ex tribus propositionibus iam stabilitis atque annotatis in superiori discursu; deinde ostendo in hac ipsa assertionem haberi causam incrementi virium per Vectem atque adeo propositi problematis solutionem. Superfluum tamen arbitror, pro stabilienda assertionem à me hic annotata, aliud probare, quam illud,

De incremento virium per Vectem. 235

illud, quod prope modum solum videtur probatione indigere, nimirum iugi puncta C & B inæqualiter distantia à puncto A, inæquali virtute sustentari, atque minori virtute sustentari punctum C, quod magis distat à puncto A: maiori vero virtute sustentari punctum B, quod minus distat à puncto A: hoc verum esse, probo tali discursu. In casu representato in vndecima figura maior distantia puncti C à puncto A, quam puncti B ab eodem puncto A: est causa minoris accliuatatis in linea LC, quam in linea LB: sed minor accliuatitas lineæ LC quam lineæ LB, est causa cur punctum C minori virtute sursum trahatur siue sustentetur à pondere R, atque ab eodem pondere maiori virtute sustentetur punctum B: vt constat ex probatione secundæ propositionis; ergo in casu representato in vndecima figura, maior distantia puncti C à puncto A, quam puncti B ab eodem puncto A: est causa, cur ab eodem pondere R minori virtute sustentetur punctum C, quam punctum B; atqui etiam singula ista puncta C & B æquali virtute sustentantur à pondere R, tum in casu representato in vndecima figura, tum in casu representato in figura decima, vt constat ex tertia propositione atque eius probatione; ergo in casu representato in decima figura maior distantia puncti C à puncto A, quam puncti B ab eodem puncto A, est causa cur ab eodem pondere R minori virtute sustentetur punctum C quam punctum B. Quod hic primo loco ostendendum assumpsimus, Stabilita in hunc modum asserta veritate, venio ad illud quod mihi probandum supererat: nimirum in asserta atque legitimè iam probata veritate haberi propositi problematis solutionem, siue causam, quare ad hoc vt pondera X & Z ex State-

236 Pars Quarta Problematis Statici

ræ brachijs liberè suspensa sint in æquilibrio, necesse sit ut
 pondus X suspensum ex puncto C magis distante ab hypomoclio A sit minus pondere Z quod suspensum est ex puncto B minus distante ab hypomoclio A. Si legitimè inferam, ad prius à me assertam atque stabilitam veritatem necessario sequi effectû hic indicatû, cuius causa in problemate petitur, negari nō poterit in eadē veritate haberi causam quæ in problemate petitur: quare reliquum est ut ex dicta veritate legitimè deducam quod hic proposui de ponderibus X & Z suspensis ex Stateræ brachijs, quod probo tali discursu. Ut pōdera X & Z ex Stateræ brachijs suspēsa sint in æquilibrio necesse est ut pondus X tanta virtutē deorsum trahat punctû C ex quo dependet quanta virtute idem punctû C sursum trahitur; atque insuper pondus Z tanta virtute deorsum trahat punctum B ex quo dependet quanta virtute idem punctum B sursum trahitur; atqui ex iam asserta atque stabilita veritate constat, quod punctum C magis distans ab hypomochlio A, minori virtute sursum trahatur, quodque punctum B minus distans ab hypomochlio A maiori virtute sursum trahatur; ergo ut pondera X & Z ex Stateræ brachijs suspensa sint in æquilibrio, necesse est ut pondus X minori virtute deorsum trahat punctum C, atque pondus Z maiori virtute deorsum trahat punctum B: sed ut pondus X minori virtute deorsum trahat punctum C, atque pondus Z maiori virtute deorsum trahat punctum B, necesse est ut pondus X sit minus pondere Z: ergo ut pondera X & Z ex Stateræ brachijs suspensa sint in æquilibrio, necesse est ut pondus X suspensum ex puncto C magis distāte ab hypomochlio A, sit minus pondere Z quod suspensum est ex puncto B minus distāte ab hypomochlio A. Quod erat probandum.

Errores hactenus notati .

Pagina 8. linea 14. alter *corrigere* aliter. Pag. 17. lin. 5. conueniat quo ad signa \dagger vel $-$ *corrigere* conueniat quo ad signa \dagger vel $-$, patet ex antithesi. Pag. 22. lin. 17. DAM simul cum e Am *corrigere* DAN simul cum e Am. Pag. 57 lin. 14. = A Fin A C *corrigere* = A E in A C. Pag. 64. lin. 3. $R 2 * 27$ *corrigere* $R 2 * \frac{1}{17}$. Pagina 67. lin. 15. $R * 564$. *corrigere* $R 5 * 64$. Pag. 79. lin. 21. angulus CBX = angulo E Z D *corrigere* angulus C X A = angulo E Z D. Pag. 83. & sequentibus aliquoties irrepsit vox oportet loco vocis oportet. Pag. 91. lin. 5. *minorem vero angulum* *corrigere* *maio rem vero angulum*. Pag. 99. lin. 8. angulum A C D = *corrigere* angulum B C D =. Pag. 102. lin. 4. proptietates *corrigere* proprietates. Pag. 102. lin. 14. propemedum *corrigere* propemodum. Pag. 106. lin. 8. triangulum *corrigere* triangulum. Pag. 108. linea vltima, latere anguli K *corrigere* latere anguli K. Pag. 109. lin. 1. & 2. atque ducta recta L O per prob. 10. hic, ducatur recta M P parallela rectae L O occurrens *corrigere* atque ducta recta M P per prob. 10. hic, ducatur recta O L parallela rectae M P. Pag. 109. lin. 7. ipsi A F parallelae *corrigere* ipsi A F parallela. Pag. 114. linea vltima, æquentur rectae *corrigere* æquantur rectae. Pag. 115. lin. 12. sit recta *corrigere* sit recta. Pag. 174. lin. 8. Aequilibris lex *corrigere* Aequilibrij lex. Pag. 210. lin. 6. sermonem deuertat *corrigere* sermonem diuertat. Pag. 213. lin. 6. supposita *corrigere* supposita. Pag. 217. lin. 20. quod sentiam *corrigere* quid sentiam. Pag. 229. lin. 25. per rectas L C & C B, *corrigere* per rectas L C & L B. Pag. 230 lin. 5. per lineas L C & C B, *corrigere* per lineas L C & L B.



Handwritten text, likely a ledger or account book, with multiple columns and rows of entries. The text is extremely faded and illegible.





